


〔重刊訂正本〕

中國醫學大成

錢若利題



【三十五】



〔重刊訂正本〕

# 中國醫學大成

〔三五〕

上海科學技術出版社

期

末

中國醫學大成 (全套共五十冊)

上海科學技術出版社出版

(上海瑞金二路四五〇號)

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷



\*C0159019\*

眉壽堂方案選存

〔清〕葉天士 著

徐批葉天士晚年方案真本

〔清〕葉天士原著

〔清〕徐靈胎評批

原 編 曹炳章

總審定 裘沛然

總審閱 蕭敏材 朱邦賢 沈麗君



## 重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤



其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內



容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之



年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於  
上海中醫學院



〔清〕

葉天士 著

眉壽堂方案選存

中國醫學大成



眉壽堂方案選存提要

清、葉桂撰。桂字天士。又字香巖。吳縣人。郭維濬纂。維濬字聞升。吳縣人。是編乃郭維濬萃錄眉壽堂天士真案。上卷列春溫、時癘、暑燥、寒、冬溫、瘧疾。下卷列女科、幼科、痘疹、外科。精選各類險惡症候。施以嚴密經驗方治。始終完備。各列一例。無重複雜亂之弊。症證不同。方方可法。且與指南不同。葉案存真詳於內傷虛勞。是書備於時症婦兒痘疹。存真例言云。家藏復有女科數卷。現在編校未成。容俟續出。云。或卽此類歟。惟雜症多未備。疑非全璧耳。書係古舊鈔本。炳章重值購得。其議病議藥。如老吏斷獄。切中病情。嘉惠後學。實非淺鮮。爰刊本集。以供參考。



# 眉壽堂方案選存目錄

## 卷上

春溫……………一

時癘濕溫……………一四

暑……………一八

燥病……………四〇

寒病……………四二

冬溫……………四四

瘧疾……………五〇

## 卷下



眉壽堂方案選存 目錄

二

女科	一
幼科	四八
痘科	五一
痧疹	七二
外科	七三



# 眉壽堂方案選存

清 吳縣 葉桂天士著

吳縣 郭維濬聞升纂  
鄞縣 曹赤電炳章校

## 卷上

### 春溫

溫邪有升無降。經肺氣機交逆。營衛失其常度。爲寒熱。胃津日耗。渴飲不飢。陽氣獨行。則頭痛面赤。是皆冬春驟煖。天地失藏。人身應之。患此者最多。考古人溫病忌表散。誤投卽謂邪熱逆傳心包。最怕神昏譫語。治法以辛甘涼泄肺胃。蓋傷寒入足經。溫邪入手經也。土潤則肺降。不致臍鬱。胃熱下移。知飢渴解矣。

嫩青竹葉

白糖炒石膏

杏仁

甘蔗汁

經霜桑葉

麥門冬

生甘草

勞倦嗔怒。是七情內傷。而溫邪感觸。氣從口鼻直走膜原中道。蓋傷寒陽證。邪是太陽次第傳及。至于春溫夏熱。鼻受氣則肺受病。口入之氣。竟由腕中。所以原有手經見症。不比傷寒足六經病也。其原不同。治法亦異。仲景論溫邪不可發汗。汗則劫津傷陽。身必灼熱。一逆尙引日。再逆促命期。又云。鼻息鼾。語言雖出。劇則驚癇瘈瘲。無非重劫陰陽而然。今病發熱。原不似太陽客邪見證。所投羌防辛溫表汗之誤。卽爲逆矣。上竅不納。下竅不出。亦屬常事。必以攻下稀水泄熱。殊不知強汗劫津而陽傷。妄下劫液而傷陰矣。頃診脈兩手如搐而戰。舌乾燥而無津。齒前板乾。目欲瞑。口欲開。周身燈照。而淡晦斑紅。隱隱躍躍。幾日來時有呃逆。因胃乏穀氣而中空。肝陽衝突。上冒肆虐耳。爲今反正。先與糜粥。使胃中得濡。厥陽不致上冒。而神昏之累可已。進藥之理。甘溫可以生津除熱。卽斑疹亦不足慮也。觀仲景論中邪少虛多。陰液陽津並涸者。復脈湯主之。謹倣此意。

人參

生地

炙甘草

麥冬

阿膠

白芍

冬月熱伏于裏。春令風溫入肺。引動舊時伏熱。營衛流行。邪干拂鬱。遂致寒熱。四



十日來。形神瘦削。入夜着枕便躁。經云。不得臥。臥則喘煩。乃肺氣之逆也。幼穉陽常有餘。陰常不足。故晝輕夜重耳。病名風溫。手太陰肺。屬上焦至高之所。若清痰消食。若苦寒通便方藥。皆徒攻腸胃。焉能恰當至理。倘氣閉竅塞。慢驚亦是久延致危。萬難調理。久而失治。肺津日枯。氣失清降。又屬肺脹喘促。議孫真人葦莖湯。宣通氣血。以驅伏邪之意。

心營肺衛。爲溫邪留伏。氣血流行。與邪相遇搏激。遂有寒熱如瘧之狀。今形神羸瘦。久延經月。速則恐其成驚。再延恐致兒勞。多進苦藥消尅。胃口又慮敗倒。急清氣熱。以通營衛。使溫邪無容留之地。寒熱可冀其止。至于痰嗽。必得胃口充旺。而肺金自全。要非藥餌強劫之謂。

### 輕桂枝白虎湯

穉年陽亢。陰虛。溫邪深入不解。留伏營衛之中。晝夜氣行。遇邪則熱。如瘧同義。先議清氣分。兼通營衛一法。

川桂枝

知母

生甘草

生石膏

麥冬

白風米

清氣熱。通營衛。果得效。熱皆緩。前論溫邪犯肺是矣。但穉年易實易虛。寒暄食物之調。最宜謹慎。勿致反覆爲上。

鮮地骨皮

大沙參

生甘草

嘉定天花粉

炒川貝

金銀花

風溫不解。早涼晚熱。舌絳口渴。熱邪未清。陰液衰也。胃汁耗則不知飢。宜生津和陽以甦胃。

淡黃芩

烏梅

青蒿

生白芍

橘紅

鼈甲

溫邪內伏。潮熱自利。暮甚於晝者。穉年陰氣淺也。仲景於暮春瘟病。內應肝膽例。黃芩湯爲主。

黃芩

杏仁

淡竹葉

白芍

甘草

木通

溫邪深入。咽阻。心中熱悶。自利。三焦咸病。恐熱極欲厥。

淡黃芩

川連

杏仁

生白芍



烏梅

淡竹葉

風溫入肺。肺氣失降。鬱蒸熱聚。咳痰。臥不安靜。高年積勞之體。最宜甘寒清燥。所謂風溫得潤而解。

桑葉

甜杏仁

麥冬

蔗梨汁

沙參

玉竹

竹葉

左大空搏。陽不潛伏。欬吐涎。

陳阿膠

炒麥冬

生白芍

鷄子黃

生地炭

炙甘草

脈大咽乾。痰多欬頻。食下腹悶。此風溫日久。勞倦內熱。津傷液燥。

冬桑葉

甜杏仁

麥門冬

蔗漿

大沙參

玉竹

生甘草

梨汁

風溫入肺。咳嗽。脈堅搏。夜臥汗出。陰分先虧。最多失血。大忌發散苦辛。從溫邪當甘潤而解。

桑葉

甜杏仁

炒麥冬

白沙參

玉竹

生甘草

元米湯煎

風溫不解。肺氣不利。寒熱汗出。吐血。更有惱怒肝逆。內外兩因之症。爲左右立法。

蘆根汁

杏仁

丹皮

黑梔皮

生米仁

鬱金

鉤藤

瓜蒌仁

肺脾。腕中及腹痛。自利清穀。是風溫邪熱相搏。諸氣失於宣降。擬進開手太陰法。以滋氣化。得小便利可安。

蘆根汁

桑葉

瓜蒌皮

枯芩

杏仁

桔梗

鬱金汁

橘紅

風溫入肺。肺鬱失降。氣窒上焦。清空之地。發散則犯溫邪劫津。故口渴氣逆不已。腹痛而嘔。胃絡受傷耳。

桑葉

杏仁

蔓荊子

象貝

馬勃

牛蒡子

面浮咽痛。溫邪未解。輕劑苦辛泄降。

桑葉

大沙參

通草

連翹



大力子 滑石

溫邪上混。頭痛氣喘。治在手太陰肺。酒客痰熱素盛。苦降爲宜。

杏仁 花粉 連翹 枳實汁

橘紅 黃芩 白芍 鬱金汁

風溫入手太陰。氣鬱熱聚。喘逆口渴。營衛失和。周身掣痛。脈右搏。防失血。

桑葉 杏仁 生米仁 蘇梗

梔皮 鬱金

風溫不解。頓嗽嘔吐。宜淡滲以利熱清胃。

蘆根 杏仁 滑石 米仁

桑葉 通草

風溫陽逆嘔噦。

枇杷葉 白杏仁 金石斛 桑葉

大沙參 茯苓

外寒內熱。溫邪氣逆爲嘔。

嫩蘇梗

杏仁

黃芩

冬桑葉

橘紅

厚朴

溫邪嘔逆。

淡黃芩

竹茹

半夏麴

川石斛

鬱金

鉤藤

茯苓

廣皮白

風溫輕恙。誤汗表疎。形寒自汗。先進建中法。以和營衛。繼當以參苓補劑。則表裏平和可安。昨進建中法。因表氣不固。形寒汗泄。主乎護陽理營。今繼進金匱麥冬湯。以甦津液。得胃陰稍振。然後商進峻補。庶爲合宜。不致偏勝之弊。

炒麥冬

生甘草

甜梨漿

北沙參

生白芍

甘蔗汁

久嗽失音。歲暮用參耆益氣得效。春令風溫。燥熏其汗。亦如火劫逼陽同例。但仲景救逆。在太陽少陰。此證氣泄肺傷互異。從風溫汗出不解。歲蕤湯主之。欬嗽二年。形瘦減穀。冬季喉垂漸痛。已見水虧。陽氣不藏。春月氣升日盛。皆陰乏上承。陽結於上。爲喉痺矣。近日寒熱。風溫客氣。脈小數。爲陰傷。忌用辛散。



桑葉

玉竹

川貝母

大沙參

麥冬

生甘草

背寒復熱。發於晡時。暮夜寐多驚惕。食入欲嘔。此肝陰久虛。陽獨上熾。風溫乃是客氣。多延漸爲本虛矣。

泡淡黃芩

生牡蠣

烏梅肉

生白芍

桂枝木

大棗

又人參

炒阿膠

煨牡蠣

茯神

炒白芍

炒烏梅

冬月溫邪內伏。入春寒熱欬嗽。身痛漸汗乃解。與溫瘧同法。

桂枝白虎湯

風溫如瘧煩倦。乃內熱水虧。

犀角地黄湯加知母澤瀉

風溫上受。氣鬱熱生。咽痛嗽頻。震動痰血。以清肅上焦。薄味調理。

桑葉

花粉

大力子

杏仁

大沙參

射干

連翹仁

象貝

風溫上鬱。是冷煖侵肺使然。輕劑清解。忌發散。

杏仁

黑梔皮

瓜蒌皮

象貝

桑葉

嫩蘇梗

鬱金汁

氣逆痰升。呼吸不爽。仍宜清解。

杏仁

象貝

白沙參

滑石

桑葉

橘皮

鬱金汁

紫苑

風溫鬱熱上升。支飲亦令上泛。渴煩欬涎。下虛上實。仍宜輕劑清理。

桂枝木

茯苓

白芍

石膏

米仁

甘草

又 小青龍湯去麻辛半甘加石膏

面赤足冷。脈沉弦細。吸短有聲。昏昏欲寐。下焦淋帶不斷。此下虛不攝。飲濁上泛。欬無止期。從來飲家欬逆。當治其飲。仲景謂飲家短氣倚息。以外飲屬脾。用苓、桂、朮、甘。理脾陽以運行。內飲屬腎。進腎氣以收攝固納。倣此為法。



腎氣丸淡鹽湯送下

又熟地炭

茯苓

淡菴蓉

五味子

白芍

胡桃肉

左堅數甚。舌暗不言。得飲漸噎。漸呃。此溫邪內伏。少陰水虧。液燥。熱氣上冒。乃中厥之象。老年最怕面赤神昏。爲衰脫耳。

生地

知母

炒遠志

梨汁

天冬

川石斛

石菖蒲

蔗汁

久虛勞損。幾年不復。當春深陽氣發泄。溫邪乘虛入陰。寒熱汗出。不納穀食。脘中痞悶不舒。胃乏氣運。側眠欬痰。病勢險篤。恐難萬全。

人參

覆花

木瓜

茯苓

赭石

炒粳米

此因驚憂內傷肝藏。邪熱乘虛內陷。直走厥陰。消渴漸嘔。汗大泄。胸腹脹。此第論證端。都屬在裏。半月以外之病。左脈堅搏如刃。耳聾昏躁不靜。豈是脈證相合。議以鎮逆一法。冀其神清勿躁。不致厥脫。

生牡蠣

生白芍

桂枝木

生龍骨

烏梅肉

陽亢陰虛煩躁妄言無寐。苟非鎮靜。焉得神清。議乙癸同治。熄內風。和陽擾為近理。

水製熟地

茯苓

生白芍

磁石

澤瀉

山藥

丹皮

辰砂

多言原從熱治。診脈小數。又當元氣大泄之餘。故壯水制陽。王道成法。若但說實火。純以苦降。必致變症蜂起。試論食粥後。原有片時安靜。豈非水穀鎮胃。虛陽不致擾動。焉得純以實火治。以陰陽偏勝為理。不致敗壞。

天冬

川黃連

生地

女貞

茯苓

雞子黃

阿膠

白芍

左三部動數倍右。陽擾不和。戀定是陰中之火。所以粥食鎮胃稍安。且善飢欲食。即內經陽亢為消之驗。治法總在足三陰。勿參入亂藥為正。質重益陰。佐以介類潛藏立法。



熟地

龜甲

黃肉

白芍

茯神

鼈甲

女貞

炙草

鼻煤脣裂舌腐。煩與芴連。熱不肯已。此病輕藥重。致流行之氣。結閉不行。鬱遏不通。其熱愈甚。上則不嗜飲納食。小便雖利。便必管痛。三焦皆閉。神昏痙厥有諸矣。

竹葉

杏仁

川貝母

連翹

射干

鮮石菖蒲汁

自停狼藥。日有向愈之機。胃困則痞悶不欲食。今雖未加餐。已知甘美。皆醒之漸也。童真無下虛之理。洩溺欲出。尿管必痛。良由肺津胃汁。因苦辛燥烈氣味。劫奪枯槁。無以運行。若必以分利為治。所謂泉源既竭。當滋其化源。九竅不和。都屬胃病也。

甜杏仁

蔗汁

麥冬

梨汁

初春暴冷。煖覆臥床。漸漸失音。久則咽喉皆痛。痰沫上泛。納食照常。已非虛象。致內為熱迫。外為寒鬱。

越婢加半夏湯

溫邪形寒痰嗽。脈形細小。少陰本氣素弱。治邪宜以輕藥。勿得動下。

蘇梗

桑葉

沙參

杏仁

玉竹

橘紅

溫邪燥陰。寒熱渴飲。不汗出。

玉女煎去麥冬加竹葉燈心

### 時癘溼溫

疫邪三焦兼受。營衛失度。體虛防厥。

犀角

連翹

川貝母

元參

銀花

鮮菖蒲

舌白灰刺。肢痙牽厥。神識少慧如寐。嘿嘿譫語。穢邪欲閉宜開。久延胃氣已乏。辟穢須輕輔以養胃。

人參

半夏

鮮菖蒲根汁

粳米

麥冬

口鼻吸入穢濁。着於膜府。不飢嘔逆。中焦病也。宣通濁痺爲正法。忌清涼發散。

杏仁

草果仁

檳榔

藿香

蔻仁

製半夏

厚朴

薑汁

鼻煤舌縮。耳聾神呆。環口裂血。津液被劫。必漸昏昧。邪已入絡。所謂內閉外脫。

犀角尖

元參

銀花露

鮮生地

連翹

石菖蒲

又化服至寶丹

穢濁閉塞胸膈。神迷昏厥。速速開竅。

牛黃丸

熱蘊三焦。煩渴不寐。遍體赤斑。兩脈搏數。

犀角尖

生地

連翹

金銀花

羚羊角

元參

花粉

菖蒲根

營虛斑伏不透。咽痛嘔惡。議金匱升麻鼈甲湯。

升麻一錢

歸身二錢

川椒三分

鼈甲四錢

赤芍一錢



熱久陰傷。津液不承。欬噎。舌紅罩黑。不飢不食。肌膚甲錯。渴飲不休。當滋胃汁以  
供肺。惟甘寒爲宜。

麥冬

桑葉

蔗汁

花粉

梨汁

久鬱內傷。着於時令之溼熱。舌焦黃。頭痛汗出腰痛。乃內外兩因之病。最防昏厥。

羚羊角

黑梔皮

黃芩

石菖蒲

連翹仁

鬱金

穢濁熱氣。蔽塞神昏。舌黃呃逆。勢甚險篤。先用萬氏清心牛黃丸一服。  
時氣兼勞倦挹鬱。舌黃。氣促身痛。當以內傷爲重。禁風藥。

杏仁

瓜蒌皮

黑梔

桔梗

枳實

滑石

溫邪入裏。昏昏似寐。並不大熱渴飲。必挾濕氣。故身痛耳聾。當宣通其裏。莫以發  
散消導。大犯濕溫劫津之戒。

杏仁

梔皮

香豉

連翹

鬱金

淡芩

風溫濕熱。狀如瘧症。神昏妄言煩渴。已非表病。木防己湯主之。

木防己

黑梔

土薑皮

石膏

連翹

杏仁

脈右大。舌黃不渴。嘔吐粘痰。神躁。語言不清。身熱不除。此勞倦內傷。更感溫邪。須防變症。

厚朴

廣皮

六一散

石菖蒲根汁

白蔻仁

茯苓

淡竹葉

此濕溫也。濕着關節為痛。濕阻氣隧為痞悶。濕留腸胃為下利。濕蒸則裏熱如火。是以畏見日光。積勞陽氣大傷。腸風營陰耗泄。體虛而兼六淫之邪。頗為重症。大旨以和陽明厥陰為主。

枯黃芩

川棟皮

製半夏

廣皮白

生白芍

烏梅肉

茯苓

川黃柏

濕邪骨節發紅癰。胸聚濁痰。消濁未已。用木防己湯。

木防己

杏仁

生米仁通草五錢  
煎湯代水

生石膏

滑石

寒水石

暑三氣交蒸暑邪無不挾  
溼溼病俱以入暑門

本係勞倦氣虛之體。當此暴熱。熱從口鼻受。竟走中道。經云。氣虛身熱。得之傷暑。暑熱蒸迫。津液日槁。陽升不寐。喘促舌乾。齒前板燥。刻欲昏冒矣。甘寒生津益氣。一定之理。

人參白虎湯加捲心竹葉麥門冬

煩渴耳聾。但熱無寒。漸嘔。胸腹痞脹。此暑熱由口鼻入。三焦受濁。營衛不通。寤不成寐。日期半月。熱深入陰。防其瘕瘕發厥。

桂枝白虎湯

暑風頭脹口渴。身熱嘔痰。脈弦。防瘧。

香薷

花粉

貝母

杏仁

蘇梗

橘紅



暑風未變成瘧。欲嘔腕痺氣喘。乃上焦受病。正氣久虛。無發散消導。更通大便之理。此乃口鼻受氣。與風寒停食不相侔者。

杏仁

花粉

黃芩

蘇梗

白蔻

厚朴

暑邪在上。清空諸竅熱瘡。咳痰氣促。肺熱急清。

竹葉

杏仁

黃芩

連翹

川貝

鬱金

潮熱煩渴。欲得冷飲。暑燥津液。故發疹脣瘡。不足盡其邪。理進清氣熱。通營衛。

桂枝白虎湯加麥冬

熱傷肺氣。煩渴便秘。但暑病忌下。尚宜甘寒生津為主。

竹葉石膏湯去半夏加玉竹

氣熱劫津煩渴。安寐則減。此虛象也。况欬嗽百日。肺氣大傷。此益氣生津。諒不可少。勿以拘宿垢未下。致因循也。

人參

捲心竹葉

木瓜

麥冬

大麥仁

暑熱由中而受。不可表散。

藿香梗

杏仁

黃芩

木瓜

絲瓜葉

薤仁

橘紅

暑熱消燂胃汁。口渴不飢。以制木和胃。

醒頭草

生白芍

橘紅

麥門冬

烏梅肉

半麴

脈右弦中痞。暑邪入裏。三焦俱病。况發汗後熱不解。其病不在表可知矣。進苦勝於辛方法。

杏仁

金石斛

黃芩

花粉

桔梗

陳皮白

草果

陰虛之體。遇夏氣泄。元氣受傷。神倦不耐煩勞。復因暑邪竊踞中宮。遂致胃不知飢。口不知味。或惡心。或噯氣。腹鳴漸痛。豈非病在中焦。久延三焦俱困。恐有瘧利之虞。宜安閑調攝。旬日可安。進溫膽法。

竹茹 金石斛 木瓜 鬱金  
半夏 麴 廣皮 烏梅  
暴熱傷氣。形均日減。汗泄則煩倦。氣浮越面腫。夏月正在氣泄。當治後天。倣東垣清暑益氣法。

人參 五味 神麴 黃柏  
煨葛根 麥冬 川連 麥芽  
澤瀉

久虛之體。客氣易於乘襲。近因濕熱穢氣所觸。中宮不和。升降失節。宜先進六和湯。  
長夏脾胃主乎氣候。暑濕氣自口入。由膜原以入中宮。脾胃受困。正氣已餒。勉進食物。不肯轉運。氣機呆鈍。清濁失職。鬱遏於中。少火皆為壯火。欲暖不得。心中熱。思冷飲。坐起頭旋欲暈。形骸疲倦無力。皆壯火食氣。內風掀旋之象。藥餌效與不效。在醫而平居調護功夫。須自琢磨。冀免小愈病加之累。屢經反覆。再無復元之日。古人因病損真。生烝不來。最深慮及此。



人參

醋炒半夏

生白芍

鬱金汁

川連

烏梅肉

枳實汁

頭脹腕悶漸痛。渴喜飲水。下咽則嘔。煩熱無寐。大便漸澀不爽。此暑熱氣從口鼻而入。竟走三焦。清濁爲阻。營衛不行。是以發散消導。毫無取效。徒令尅燥胃汁。所以嘔煩不已也。法宜苦降和陽方。

杏仁

黃芩

竹茹

花粉

枳實汁

橘紅

蔻仁

半麴

鬱金

暑熱多日。深入血中。所以衄血。熱泄身涼。頃診脈弦左搏。連日嘔逆。胃氣受戕。而發散消食。都是劫耗胃汁之物。幾日傷觸。焉有霍起之理。意者變瘧。或旬日不曉飢餓。竟有諸矣。

杏仁

竹茹

花粉

犀角

橘紅

半麴

鬱金汁

丹皮

又犀角

生芍

條芩

生地

丹參

側柏

熱深日多。至於動血。血屬陰象。主乎養胎。邪熱乘襲。胎元難固。因此變症有諸。况嘔家最能傷胎。今腕痞潮熱為病證。徒攻病。置胎氣於不理。非也。

川連

條芩

知母

烏梅

生芍

枳實汁

脈左數下重。熱入血中。恐胎難保。暮夜煩躁無寐。亦是陰傷。太僕所云寒之不寒為無水。當益其陰。今日衄血又來。應減氣辛耗散。仿苦寒佐以鹹寒為治。

黃芩

川連

人中白

白芍

知母

元參

脈形細小搏數。舌刺肌燥。津液告涸。嘔逆煩冤。食粥乃定。胃氣已虛。慮有變證。清熱安胎為主。更兼養胃。

川連

竹茹

知母

元參

麥冬

條芩

心中熱。舌生刺。暮夜煩燥覺熱。嘔逆觸動少腹。一團熱氣熾甚。陰傷胎元未能穩。

保。頻頻叮嚀。主家視參如毒奈何。與王先生再議他法。

生地炭

天冬

知母

阿膠

川斛

茯神

少陰中暑。陰液已涸。舌痿形縮。齒板燥。煩躁多日。食瓜腸滯大下。此陰不主收攝矣。證屬大危。難以圖治。勉擬竹葉地黃湯。

生地炭

山藥

白芍

麥冬

澤瀉

茯苓

丹皮

竹葉

潮熱耳聾汗出。神識昏冒。脈細數下垂入尺。壯年熱病。脈形如是之衰。怕其昏厥在邇。以上實下虛故也。擬復脈湯法。

復脈湯去薑桂加蔗漿

體瘦陰虧。暑熱更劫津液。風陽上燔為厥。清神兼顧其陽。議用景岳玉女煎。

鮮生地

知母

竹葉心

生石膏

甘草

連翹仁

渴欲涼飲。穢濁熱氣內蒸。不知飢。不大便。不安寐。九竅不和。都是胃病。舌白惡心。



病在膈上氣分。用河間苦辛寒法。

石膏

知母

黑梔

薑汁

杏仁

半夏

厚朴

暑邪數日。發熱後。左頤下腫。神煩無寐。擬進辛涼漸苦法。

連翹

苦丁茶

黑山梔

馬勃

鮮荷葉

飛滑石

勞倦挾暑熱不解。鼻煤舌灰白。欬逆痰喘。潮熱自汗。神識不清。語言錯謬。此邪結在裏。病屬險途。擬萬氏清心牛黃丸。以驅蘊伏之邪。冀其神氣清。再商去其他病。上焦之病都屬氣。氣窒則上下不通。而中宮遂脹。熱病蒸灼。喉舌疳蝕。清氣之中。必佐解毒。

連翹

金銀花

馬兜鈴

水蘆根

川貝

白金汁

川通草

連朝驟熱。必有暑氣內侵。頭熱目暝。吸短神迷。此正虛邪留。清補兩難。先與益元散三錢。用嫩竹心二錢。煎湯涼用。當服萊菔清湯代茶。

暑熱吸受。先傷於上。初病咳逆。震動血絡。暑熱仍在。見血治血。已屬不法。參入重劑。傷及無病之地。晡時頭脹潮熱。欬嘔。邪在氣分。當推上病治下之旨。

西瓜翠

白通草

六一散

白蘆根

生薏仁

暑濕上入。氣分先受。非風寒停滯。用發散消導者。治之不法。邪入血分矣。

犀角

竹葉

萊豆皮

連翹

花粉

益元散

暑入營絡。吐痰血。以心營肺衛兩清法。

竹葉

生地

麥冬

連翹

元參

川貝

舌絳口渴。夜熱神煩。大便不實。胸中痞悶。乃伏暑入裏。非表散可解。進開心胞一法。

竹葉

犀角

細葉菖蒲

川連

元參

鬱金

伏暑發熱。經旬不解。暮夜神識不清。少腹脹痛。大便不通。穢濁蘊結。慮其內閉。瘧厥之患。

清心牛黃丸

汗出神煩。晡時潮熱。胃中痛。至少腹。熱邪凝結血分。恐瘀滯之變。進清血中之熱。

鮮生地

丹參

山梔

銀花露

丹皮

元參

鬱金汁

白金汁

上現衄血。心痛。及小腹。晝靜夜躁。常以寒慄。宛如熱入血室。前云邪在血中。陰分已屬顯然。滋清血藥。正在以搜剔伏邪耳。

鮮生地

犀角尖

元參

丹皮

金銀花

生芍

小溲莖中痛。是餘熱未清。從下行也。進導赤散法。

細生地

知母

黑山梔

甘草梢

丹皮

麥冬

金銀花

小木通

陰虛熱伏。半月不解。舌絳唇紫。呼吸不利。溺短赤。便秘瀯。此皆辛散苦藥。劫盡津



液。况兼精濁下淋。熱氣已入至陰之界。豈區區清解為治者。

生地

麥冬

炙草

甘蔗汁

阿膠

鷄子黃

麻仁

暑風不解。身痛熱渴而嘔。水結之象。

杏仁

橘紅

花粉

豆蔻

藿香

半夏

厚朴

木瓜

未病先遺。陰氣走泄。醫投柴葛荊防。再泄其陽。大汗淋漓。寒熱愈甚。長夏暑熱必兼濕氣。足脛常冷。邪在中上二焦。恐陰弱內陷耳。是投劑解其暑濕熱邪。務在輕小為穩。

絲瓜葉

杏仁

黃芩

花粉

連翹

鬱金

豆蔻

橘白

勞倦傷陽。當風沐浴。衛外氣泄疎豁。藥以柴葛。再泄其陽。雜以消導。更耗其氣。胃傷熱迫。嘔逆氣衝。但夏熱必兼濕邪。周身掣痛。法當酸苦安胃泄熱。使厥陽稍平。即商輔正。

川黃連

枯黃芩

薑汁炒竹茹

炒烏梅

生白芍

鬱金

冒暑伏熱。引飲過多。脾胃深受寒濕。令人喘脹噫噦。水濕結聚。溺澀瀉。便難。險篤之症。仿古人暑門方大順散主之。

杏仁

炮薑

肉桂

甘草

冒暑伏熱。引飲過多。脾胃既受寒溫。陽氣鬱遏。不主轉旋。遂痞結欲嘔。古人以大順散溫中下氣爲治。

杏仁

炙甘草

茯苓

炒乾薑

肉桂心

半夏

脈形略起。按之短瀯。進溫中下氣。似乎閃爍欲動。知陽漸氣結有形。非真食滯重着之物。愚見不用寒涼犯胃。以肥人之病。慮虛其陽。矧夏月陰氣在裏。裏之有形。便是濁陰。內經論諸痛爲寒內客。今暑熱蒸迫。理無外寒。然口食涼茶瓜果。此水寒入脘。未能卽化爲熱。素因脾胃氣弱所致。津液不運。自有煩渴。再驗舌色。未必定以實熱。但以辛香開氣之屬。可以醒陽。可以宣濁。上下分布。病機自減。高明採

取如何。

鬱金汁

杏仁

半夏

白蔻仁

厚朴

塊茯苓

又 吳茱萸

炒半夏

槐枝木

金鈴子

塊茯苓

病減六七。胃中清氣未旋。津液未肯分布。故口渴喜飲。豈是實火。常以梅餅甦胃生津。午後進四磨湯一次。

人參

烏藥

桔梗

鬱金

各磨汁。開水沖服。

年高體豐。暑濕為陰邪。肥人陽氣不足。忽冷忽熱。煩躁舌白。飲水不多。便溏洩數。此濕邪傷太陰脾土。陽氣內鬱。與邪相混。漸延昏逆。逆之變。

生白朮

半夏

茵陳

厚朴

橘紅

茯苓

暑必兼濕。濕鬱生熱。頭脹目黃。舌腐不飢。暑濕熱都是一般濁氣。瀰漫充塞三焦。



狀如雲霧。當以芳香逐穢。其次莫如利小便。

省頭草

厚朴

廣皮

寒水石

茵陳

白蔻仁

杏仁

茯苓

滑石

夏季暑濕先入氣分。如泄瀉溲少。皆濕熱鬱阻氣分。六和甘露。可證可據之方也。

省頭草

杏仁

米仁

大麥

白蔻仁

橘紅

茯苓

時序濕熱。與水穀內因之濕互異。況舌白下利。中陽已弱。脈緩乾嘔而煩。夏暑最怕發痧昏厥。議通中焦之陽以驅濕。

杏仁

半夏

豬苓

茯苓

薑汁

脈短無神。並不口渴思飲。水入欲嘔欲噦。下利黃水。八日來身熱汗出不解。時時譫語。防其昏厥癰癰。是濕熱深陷入裏。議用桂苓甘露飲。

杏仁

益智仁

茯苓

豬苓

厚朴

木瓜

滑石

澤瀉

服大舌白渴飲。脇痛欲嘔。濕熱阻其經隧。寒熱未已。議用木防己湯。

木防己

杏仁

知母

薑汁

石膏

厚朴

半夏

舌白口膩。痰多自利。濕熱未盡。中焦不運。防變脹滿。

川連

人參

半夏

白芍

枳實

茯苓

熱邪內結。耳聾。自利稀水。用瀉心法。

淡芩

生淡乾薑

枳實

半夏

川黃連

白芍

濕鬱太陰。熱聚陽明。舌黃口燥不欲食。此熱因濕而生。議用桂苓甘露飲。

白朮

豬苓

滑石

寒水石

茯苓

澤瀉

石膏

肉桂

酒客濕勝。中焦陽氣素虧。易痞易瀉。不飢不飽。皆清陽不肯轉旋。况煩勞傷陽。亦

屬內症發熱。非外感所致也。

杏仁

廣皮白

煨薑

茯苓

厚朴

白蔻仁

半夏

澤瀉

服理中後。胃痛泄瀉轉加。心熱渴不欲飲。必有暑濕內結。暫用酸苦泄熱。

川連

淡黃芩

炒廣皮

烏梅

生白芍

木瓜

陽虛體豐。夏熱耗氣。胃弱不納不飢。此九竅不和。都胃病矣。法當鎮逆理虛。略佐苦降。以胃為陽土。氣下為順耳。

人參

淡乾薑

川連

代赭石

茯苓

生白芍

脈漸陰濁上僭。與真武法減朮換參。真武法兩日。腕中有知飢意。與陽漸結痞無疑。陰濁得泄。即當溫養太陰。使脾陽鼓動健運。冀其納穀安然。用治中法。

人參

益智仁

淡乾薑

茯苓

廣皮白

木瓜

潮熱耳聾。有似陽邪。診得脈空大。自利不渴。舌上粉苔。形枯色槁。豈是實證。議以勞倦挾濕。從脾胃病治。

人參

廣皮白

茯苓

炮薑

生益智仁

澤瀉

交夏形瘦食減。氣怯欲寐。世俗謂之注夏。後天脾胃不和。熱傷氣也。

人參

白朮

炒查

砂仁

桔梗

茯苓

廣皮

神麴

川連

米仁

熱病失治。三焦皆被邪結。不甚清明。左脇瘕聚有形。食下漸脹。大便日前頗利。目今便秘。是腸胃經絡之邪未清。清空之竅尙蒙。調治之法。亦宜分三焦爲法。白金丸可用。午後進湯藥。

方未見

熱邪深入爲厥。陽氣上冒神昏。病魔多日。已在血分。况臍下堅滿乎。仲景云。厥應



下。下之不止。利者死。凡鹹苦皆通陰。均謂之下。不必硝黃也。

方未見

陰陽兩爲病傷。熱邪深陷至陰。陰液涸盡。遂躁亂不已。已屬至危。思從前諸醫發散消導苦寒辛燥。都令劫燬陰陽。仲景云。凡元氣有傷而病不減。可與甘藥仿此。

復脈湯

夏令熱伏。入秋而發。卽仲景謂陰氣先傷。陽乃獨發之謂。脈右搏數。胃汁受損。暫忌厚味。進甘寒養胃。內熱自罷。

捲心竹葉

知母

大麥仁

麥冬

白芍

烏梅肉

夏令伏邪。至秋深而發。發汗不解。繼又泄瀉。此伏理之證。與暴感不同。所以表散和解。不能取效。病有四旬。脈細搏如刃。面色消奪。猶裏熱口渴。舌色白。病中遺洩。此次熱迫蒸。陰陽失守。苦藥燥損。津液日枯。因熱致病。醫不以河間三時法。則分三焦以逐邪。昧於從事節菴陋習。宜乎淹淹不已。若不急調。久延虛怯一途。古人所謂因病致損也。慎之。

捲心竹葉

生地炭

生白芍

米炒麥冬

炒丹皮

烏梅肉

伏暑深秋乃發。是屬裏證。雖經遺洩。係陰虛挾邪。忌用溫散。再傷陰液。今自利口渴腹滿。可與四逆散方法。

黃芩

枳實

六一散

生芍

廣皮白

夏季暑熱內伏。秋涼伏邪內發。初起耳竅流膿。已非風寒在表。今十餘日大便不解。目黃赤。舌起黃苔。耳聾昏譫。漸有內閉之狀。非輕症也。

連翹

黃芩

大黃

黑梔

生甘草

枳實

急火煎四十沸。即濾清服。

濕熱之邪。鬱於氣分。身熱目黃自利。夏月受之。深秋而發。

木防己

杏仁

黃芩

生石膏

枳實

白芍

脈沉目黃。氣喘噎嘔。腕悶肢冷潮熱。汗出略緩。少頃復熱。病九日不解。口乾自利。此濕邪內勝爲熱。三焦不通。夏伏至霜降而發。其病爲重。

杏仁

半夏

山茵陳

鮮石菖蒲

厚朴

草果仁

茯苓皮

川通草

久痛用辛溫兩通氣血不效。病已十年。不明起病之由。今便溏溺赤。水穀濕熱不運。必挾濕阻氣。主以分消。

薏苡仁

厚朴

豬苓

茯苓皮

薏仁

山茵陳

澤瀉

又香砂平胃散。加茯苓茵陳。

酒客濕熱內蘊。長夏濕熱外加。醫不曉客邪兼有宿病。發散消導。胃汁大傷。先利粘膩。繼而吐血。今兩跗麻痺。膝中逆冷。陰液枯涸。脈絡少氣。舌絳煩渴。溺赤短澹。熱未盡。本先奪。僂廢之象。恐不能免。

滑石

生石膏

寒水石

白芍

川柏

麥冬

鮮生地

阿膠

炙草 麻仁

舌白心黃。濕着太陰。食不運。嘔吐。

杏仁 廣皮白 草果仁

藿梗

厚朴 半夏

痛脹得吐而安。隨發寒熱。口苦目黃。皆濕熱內擾。胃口不清。靈樞謂中氣不足。洩便爲變矣。

柴胡 花粉 穀芽 生薑

黃芩 半夏 枳實 大棗

暑濕雖去。胃氣未復。務宜薄味靜養。勿令客邪再擾。

川石斛 廣皮 半夏麴 煨益智仁

茯苓 青皮

熱穢上加。頭脹腕痞。宜蔬食清上。

竹葉心 桑葉 黃芩 連翹

花粉 杏仁



脈沉舌赤。邪入血分。煩躁。神氣欲昏。用竹葉地黃湯。

竹葉心

浙生地

犀角尖

連翹心

元參

細葉菖蒲

初病伏暑傷於氣分。潮熱渴飲。邪犯肺也。失治則遂傳臆中。遂舌絳縮。小便忽閉。鼻煤裂血。環口瘡蝕。耳聾神呆。此氣分之邪熱蔓延於血分矣。夫肺主衛。心主營。營衛二炁。晝夜流行於經隧之中。與邪相遇。或涼或熱。今則入於絡。津液被劫。必漸昏昧。所謂內閉外脫。

犀角尖

元參心

金銀花

鮮生地

連翹

細葉菖蒲根

心營肺衛同治。

鮮生地

蔗汁

生甘草梢

麥門冬

花粉

暑濕本陰邪。必傷於氣分。久則三焦均受。自頭顛胸脇流行皆阻。便溺不爽。但濕久而生熱。治濕必究其本。

桂苓甘露飲

伏暑得新涼。身熱欬嗽。治在肺。舌白不渴。囊腫。暑必兼濕。濕滯爲腫。

蘆根

茯苓

淡竹葉

杏仁

通草

燥病

形脈俱虛。不飢不食。積勞虛人。得深秋涼氣外侵。引動宿邪。內蒸而爲煩渴。已非柴芩半夏之症。急救津液。以清伏邪。

竹葉

生地

梨汁

連翹

麥冬

蔗汁

不治失血。獨取時令濕邪。得以病減。凡六氣有勝必復。濕去致燥來。新秋暴暑。燥津。且養胃陰。白露後可立調理方。

麥冬

人參

大棗

半夏

生草

粳米

脈虛數形寒。心中煩熱。五更後氣升欬。當秋分節燥金司令。大熱發泄之餘。皆能化燥。肺為嬌藏。最處上焦。先受其衝。宜潤燥以滋其化源。

冬桑葉

南花粉

生米仁

大沙參

玉竹

蜜炙橘紅

用白糯米三合。淘淨。滾水泡。取極清湯。代水煎服。

夜來欬嗽略稀。即得假寐目瞑。夫溫邪內熱。津液被劫。已屬化燥。而秋令天氣下降。草木改色。肺位最高。上焦先受。大凡濕由地升。燥從天降。乃定理也。今皮膚甲錯。肌肉消燦。無有速於是也。茲論氣分主治。以上焦主氣也。議用喻氏方。減去血藥。以清燥耑理上焦。

經霜桑葉

玉竹

甜杏仁

將糖入生石膏末二錢

枇杷葉

甜梨皮

花粉

初秋咽痛發瘡。是氣交中暑熱燥氣。從呼吸而入。肺位最高。清空失司。惟輕清可解。藥過於苦辛寒。胃傷食減。而上焦仍窒。古人謂金空則有聲。聲嘶脈數。有肺痿之慮。

甜水梨

兜鈴

北沙參

川貝母

訶子皮

蔗漿

甜杏仁

熬膏

寒病

傷寒病發。汗後表不解。乾欬嘔逆。夜不得臥。遵古人小青龍法。

杏仁

桂枝

乾薑

白芍

米仁

石膏

五味

甘草

下焦陰陽素虛。雪地奔走。寒從口鼻而入。肺受邪則上逆而喘。陽受傷則熱熱汗出。由中邪入。表散無益。宜其肺逆喘緩可救。

桂枝

乾薑

杏仁

白芍

五味

茯苓

煩勞遇冷。營衛交窒。虛人挾邪。只宜輕劑疎解。

桂枝

炙草

杏仁

白芍



大棗 茯苓 嘔惡腹痛。舌乾不喜飲。脈左弱右大。勞倦中寒。腕中格拒。皆是太陰見證。古人有生料熟料五積散。因援其意候裁。

杏仁

草果仁

半夏

厚朴

廣皮

煨薑

冷氣吸入。即是寒中太陰。與霍亂互參。正氣散。冷香引飲。關穢甦陽即效。而脾胃陽氣未為全復。議用治中湯數劑。夜分清虛為妙。

人參

生益智仁

砂仁

煨薑

廣皮

茯苓皮

木瓜

暴冷從口鼻入。直犯太陰。上嘔下利腹痛。為中寒陰症。脈細瀋欲絕。急急溫煖中下之陽。

人參

淡乾薑

生芍

焦朮

淡附子

茯苓

因腕中痞悶。去朮之緩中。再加桂枝以理陽。

人參

桂枝

乾薑

附子

茯苓

白芍

又人參

白芍

附子

茯苓

甘草

冬溫

高年水虧。溫邪深入陰分。熱在裏。外象反冷。熱傷陰則小溲欲痛。皆冬溫本病。仲景以存陰爲章旨。奈何醫藥以桂枝、附子辛熱。再劫乾津液。是何意見。

生地

阿膠

炙甘草

麥冬

炒麻仁

生白芍

溫邪水虧熱入。脈細數。口渴舌絳。不知飢餓。皮膚乾涸甲錯。熱劫津液。務以存陰爲先。不當以苦寒反令化熱。

復脈湯

舌乾不喜飲。腹鳴下利。皆陰液不肯上注。亦屬枯槁之象。仲景於邪少虛多。每以

復脈湯升其津液。

復脈湯去桂枝、麻仁。沖入青蔗漿一杯。

腎虛溫邪內入。形神消燼。無寐廢食。臨晚寒熱得汗而解。議用復脈湯去薑加芍。脈左搏右細。顙赤氣喘。昨夜大便後。汗泄竟夕不安。冬溫伏熱。陰衰陽冒之象。最屬重症。

生地炭

炒麥冬

蔗汁

炙甘草

生白芍

腎虛溫邪內入。熱迫液傷。舌白。不知飢。不欲食。宗仲景邪少虛多例。以甘藥用復脈法。

炙甘草

麥冬肉

桂枝

人參

大麻仁

生地

冬溫水虧。上焦熱熾。

生地六味湯。去萸肉。加生白芍、雞子黃、小麥。

溫邪暮熱。由乎陰虛陽浮。熱解無汗。不欲飲水。豈是陽經為病。冬令失藏。法從腎

肝論治。

阿膠

生地炭

炙黑甘草

小麥

生白芍

炒鬆麥冬

容色消奪。脈形漸細。不知飢。不欲納。捫之不熱。而自云熱。並不渴飲。間有寒慄之狀。此營衛不振。當治中焦。

人參

泡乾薑

益智仁

茯苓

木瓜

生白芍

着右臥稱甚。氣悶。陽明氣未全降。宜補土降逆。

人參

白旋覆花

生白芍

茯苓

代赭石

南棗肉

脈左動是陰虛。溫邪深入。但大苦直降。恐化燥劫津陰。議以甘鹹寒之屬。

鮮生地

竹葉心

生甘草

元參心

麥門冬

氣喘痰鳴。鼻竅焦黑。溫邪上受。腎真下竭。陰不接陽。神識日迷。皆是衰脫之象。據

右脈散大無緒。黃昏面色戴陽。少陰雖絕。當宗河間法。復入清上。滋其化源。

熟地炭

淡萸蓉

白茯苓

牛膝炭

天門冬

石菖蒲

溫邪十四日。舌絳渴飲。面帶油亮。此水虧熱入營分。最防昏厥。當清其血中之邪。以存陰液。

鮮生地

知母

生白芍

竹葉心

麥冬

丹皮

冬溫熱氣深入少陰。舌赤心黃。潮熱不渴。大旨當存陰爲要。勿令昏憤。

鮮生地

知母

生白芍

竹葉心

麥冬

丹皮

冬溫脈數舌赤。口渴暮甚。水虧熱侵陰分。

杏仁

赤芍

花粉

黑梔

桔梗

連翹

廣皮

濕邪入肺。上脣高腫。初起病在氣分。治以苦辛寒輕劑。不得犯中下二焦。



薄荷

連翹

杏仁

牛蒡

黑梔皮

生石膏

溫邪上受。肺氣痺寒。周身皮膚大痛。汗大泄。坐不得臥。渴欲飲水。乾嘔不已。從前溫邪皆從熱化。議以營衛邪鬱例。用仲景越婢湯法。

杏仁

桂枝木

茯苓

炒半夏

生石膏

寸搏欬逆。骨痛暮熱。溫邪入肺。營衛不和。議清氣中之熱。佐以通營。

桂枝白虎湯

冬溫熱入。燦及筋骨。非風寒襲經絡痛。宜汗之比。生津清熱。溫邪自解。

桂枝木

知母

杏仁

花粉

滑石

甘草

冬溫伏邪。先厥後熱。熱深從裏而發。汗出煩躁。當救胃汁。

竹葉心

烏梅肉

川石斛

麥門冬

生甘草

生穀芽

藏真下虛。陽挾上冒。胃少納。不飢。齒根實腫。顛頂麻痺。素多鬱遏。驟難溫補。况今冬溫正少。藏熱易入。姑擬輕劑。鹹苦。稟結開降。俾厥陰陽明稍和。另商損益調理。

黃芩

川石斛

瓜蒌皮

牡蠣

木瓜

山查

陰虛體質。復加勞力奔走。致陽氣亦傷。舌邊赤。中心黃。咽乾腹膨。熱在裏。脈氣結聚。胃失司降。當進解鬱清燥。

杏仁

炒黃竹茹

瓜蒌仁

紫苑

金石斛

廣皮白

過煖氣泄。失冬藏之用。此病後煩倦。痰嗽帶血。高年上實下虛。即如冬溫客氣。無辛散之理。甘涼潤劑。與胃無損為宜。

桑葉

杏仁

黑梔

玉竹

白沙參

象貝

冬溫為病。乃正氣不能藏固。熱氣自裏而發。齒板舌乾唇燥。目漸紅。面油亮。語言不爽。呼吸似喘。邪伏少陰。病發三焦皆受。仲景謂發熱而渴者。為溫病。明示後人。

寒外鬱則不渴。熱內發斯必渴耳。治法以清熱存陰。勿令邪氣焚劫津液。致癰瘕。瘵厥。神昏識狂諸患。故仲景復伸治療。若非一逆尙引日。再逆促命期。且忌汗下。忌溫鍼。可考。九日不解。議清膈上之熱。

竹葉	杏仁	花粉	淡黃芩
連翹	橘紅	滑石	鬱金汁

### 瘧疾

脈弦口渴。少陽寒熱乘胃劫津。可與小柴胡湯和正以解邪。

小柴胡去半夏加花粉白芍。

脈右更左弦。寒熱漸早。口渴喜熱飲。此胃津日損。木火尙熾。生津養胃以扶正。辛酸兩和木火之鬱熱。

柴胡	人參	麥冬	橘紅
黃芩	知母	白芍	烏梅
又生薑甲	知母	烏梅	炒桃仁

丹皮

草果

白芍

又人參

知母

金石斛

川連

烏梅

茯苓

不知飢飽。大便澹泄三次。寒熱犯中。脾胃不和。未宜純補。議用四獸飲意。

人參

草果仁

炙甘草

茯苓

廣皮

木瓜

陰虛之體。冷熱失調。為瘧寒熱。重傷胃汁。為嘔吐。夏至後病暑。宜生津和陽以安胃口。勿徒消尅。

嫩竹葉

金石斛

廣橘紅

知母

製半夏

木瓜

津傷復瘧。寒熱煩渴。

桂枝白虎湯。加花粉。

脈弦如刃。煩渴。脘痞。嘔吐。蛔蟲上升。此胃氣已虛。暑熱復入三焦不行。渴氣逆乘。況病後調理失宜。本虛標實。姑進安蛔降逆。冀得嘔逆緩。氣道稍順。再議。

川連

烏梅肉

枳實汁

川椒

生白芍

生薑

暑熱未退。胃氣已虛。蛔逆中痞。嘔吐涎沫。是厥陰犯胃。胃氣有欲倒之象。進安胃法。

進安胃法。嘔逆稍緩。夜寐神識不安。辰前寒戰畏冷。是寒熱反覆。陰陽並傷。有散失之勢。擬救逆法。鎮攝陰陽。得安其位。然後病機可減。

龍骨

桂枝木

人參

牡蠣

生白芍

蜀漆

交寅卯兩手及臂冷。是脾胃虛陽失旋運。至午前復溫。以陽旺於日中。故雖進稀粥。腕中痞悶。議進治中湯。健運中宮。使肝邪不敢戕伐中土。所謂瘧痢之病。多因脾弱也。

人參

半麴

烏梅

茯苓

益智仁

廣皮

木瓜

澤瀉

瘧後胃虛。客氣易逆。吐涎沫。不知飲食。進養胃制肝法。



人參

半夏麴

桂枝木

龍骨

烏梅

陳皮白

生白芍

牡蠣

脈弦遲。形寒神倦。得之憂思驚恐。衛外陽氣暴折。陰寒不正之氣得以乘襲。將有瘧疾。病機宜靜攝護陽。庶外邪不至深入為害。

當歸建中湯。去薑加牡蠣。

形色脈證俱虛。寒熱結耗胃津。腕中不知飢餓。二便皆覺不爽。徒進清熱。消尅中宮。更是坐困。攷古暑病。凡旬日不解。必當酸泄。矯陽以甦胃汁。元虛之體。恐滋變病。

桂枝木

生牡蠣

炒烏梅

生白芍

炒蜀漆

大棗

又去大棗。加龍骨。

體虛溫瘧。當從和正解邪。禁用柴荆發散。及沉重傷下藥。

桂枝木

黃芩

杏仁

花粉

生白芍

半夏麴

橘紅

豆蔻

寒熱由四末迫劫胃津。是以病餘不食不飢。叨叨汗泄。當養胃陰生津。以俟克復。

人參

捲心竹葉

生芍

茯苓

麥門冬

麻仁

溫瘧陰傷。足熱陽亢。病發日早。

六味去萸肉。山藥。加人參。生芍。生鼈甲。

熱邪入肺爲溫瘧。

桂枝白虎湯

但熱無寒。咳嗽漸嘔。周身疼楚。此爲溫瘧。伏邪日久。發由肺經。宗仲景桂枝白虎湯。二劑當已。

桂枝白虎湯。加麥冬。

瘧瘧邪在肺。口渴骨節煩疼。

桂枝白虎湯

肺瘧欬逆欲吐。

蘆根汁

花粉

杏仁

半夏麴

橘紅

勞怯一年。近日頭脹潮熱口渴。乃暑熱深入為瘧瘧也。金匱云。陰氣先傷。陽氣獨發為病。不必發散消導。再傷正氣。但以甘寒生津和陽。務使營衛和。熱自熄。

北沙參

知母

生龍甲

麥冬

烏梅

生白芍

夏暑久鬱為瘧瘧。熱勝則肺胃津傷。五心熱。多效。故薄味清養。自能向愈。甘寒除熱生津方進商。

麥冬

花粉

竹葉

沙參

甜杏仁

甘草

暑風入肺為瘧熱。金匱謂陽氣獨發。嘉言云。體陰素虛。而所伏暑氣。日久混入血分。陰虛陽冒。上焦清竅皆蒙。胃陽失和。不納易痞。究竟伏邪未去。凡苦辛疎滯。都屬禁例。夫上實下虛。有客邪留着。鎮降決不應病。仿之才輕可去實之例。分別氣血。以宣之逐之。

青大竹葉

連翹

犀角

鮮荷葉汁

元參

通草

脈數。稗年陰氣先傷。陽氣獨發。暮夜潮熱。天曉乃緩。由夏暑內伏。入秋乃發。病名瘧。瘧。色白肌瘦。久熱延虛。不可汗下消導。再傷陰陽。舌邊赤。中心苔膩。兼欲噎欬。熱灼上焦。肺藏亦病。法宜育陰制陽。仍佐清暑肅上。用景岳玉女煎。

鮮生地

石膏

生甘草

麥門冬

知母

竹葉心

熱勢減半。脈猶勁數。夏季久伏之邪。由裏而發。汗泄不能解徹。稗年陽盛陰虛。病當夜甚。從河間三焦並清法。

甘露飲

脈數右大。渴飲神迷。聞聲若在甕中。舌邊赤胎有刺。伏暑必挾濕化瘧。熱蒸迫以傷津。胃汁不復。腕中常悶。夫熱病以存陰爲先。瘧已半月。須參裏症。議清胃生津。若景岳玉女煎之屬。

鮮生地

麥冬

竹葉

生石膏

知母

甘草

體質陰虛。暑邪深入。暮熱漸渴。汗泄可解。此仲景所謂陰氣先傷。陽氣獨發。病名瘧瘧。妄投苦辛消導。胃津劫損。氣鈍不知飢矣。

竹葉心

鮮生地

滑石

知母

牡丹皮

生草

營液劫盡。邪透膈中。遂心熱惶惶。難訴苦况。丹溪謂上升之氣。自肝而出。况先厥後熱。亦是肝病。用紫雪芳香走竄。勿使裏邪結閉耳。湯藥用飲子煎法。取輕清不滯。僅解在膈上之蘊熱。議用景岳玉女煎。

鮮生地

知母

竹葉

風米

麥冬

石膏

生草

脈左盛。邪留在血。寒熱頗減未已。滋清理熱。以俟廓清。不必過治。

鮮生地

生鼈甲

知母

天冬

丹皮

花粉

仲景云。凡元氣有傷。熱邪不去者。當與甘藥。人之一身。不外陰陽二氣而成。知陽虛用建中。陰虛用復脈。斷斷然也。是方全以復脈甘藥護身。中陰液。劉河間加入



三石。名曰甘露飲子。蓋滋清陰藥。能救陰液。并能驅逐熱邪之深伏。上焦如霧。滑石之甘淡以驅之中焦如瀼。石膏之甘辛寒以清之下焦如瀆。寒水石之甘鹹寒以泄之。俾去邪不損真陰。非柴胡、鼈甲之比。方名飲子。取重藥以輕投。斯入陰不滯。攻邪不伐。又與湯散方法迥異耳。夏月最宜進商。奈世人忽而不究者頗多。故辨及之。

復脈湯加三石

春季失血。是冬藏未固。陰虛本病無疑。小愈以來。夏至一陰未能來復。血症再來。原屬虛病。今診得右脈急數倍左。面油亮。汗淋漓。濁舌乾白苔。煩渴欲飲。交午未蒸蒸發熱。頭脹周身掣痛。喘促嗽頻。夜深熱緩。始得少寐。若論虛損。不應有此見證。攷金匱云。陰氣先傷。陽氣獨勝。令人熱勝煩冤。病名瘧瘧。要知異氣觸自口鼻。由肺象循募原。直行中道。布於營衛。循環相遇。邪正相并。則發熱矣。津液被劫。日就消燂。火熱刑金。欬喘爲甚。此與本病虛損劃然兩途。仲景定例。先理客邪新病。恐補則助邪害正耳。是以右脈之診爲憑。議當辛甘之劑。驅其暑濕之邪。必使熱減。議調本病。勿得畏虛養邪貽害。至囑。

桂枝 知母 麥冬 石膏  
甘草 粳米

前法大清氣分。兼通營衛。石膏佐以桂枝。清肺爲多。其餘皆滋清胃熱。仍有生津之意。今診兩手相等小數。交未末熱勢較昨似輕。右脈不甚急搏。而心熱煩悶作渴之象如昔。驗舌苔乾白。舌邊過赤。陰虛之體。其熱邪乘虛入三焦。皆有諸矣。況冬病風寒。必究六經。夏暑溫熱。須推三氣。河間創於宣明論中。非吾臆說也。凡熱清片刻。議進甘露飲子一劑。服至五日再議。

滑石 生石膏 寒水石 桂枝  
白芍 麥冬 鮮生地 阿膠  
人參 炙草 火麻仁

先用清水二盞。空煎至一半。入藥煎四五十沸。澄清冷服。

未病形容先瘦。既病夜熱早涼。猶然行動安舒。未必真重病傷寒也。但八九日病來小愈。驟食粉糲腥麵。當宗食穀發熱。損穀則愈。仲景先未嘗立方。此腹痛洞泄。食滯阻其腸胃。火腑不司變化。究其病根。論幼科體具純陽。瘦損於病前。亦陽亢

為消爍。仲景謂瘧瘧者。但熱不寒。本條之陰氣先傷。陽氣獨發。熱爍煩冤。令人消爍。肌肉亦不設方。但曰以飲食消息主之。嘉言主以甘寒生津可愈。重後天胃氣耳。洞瀉既頻。津液更傷。苦寒多餌。熱仍不已。暮夜昏譫。自知胸膈拒痛。腹中不和。此皆病輕藥重。致陰陽二氣之殘。法當停藥與穀。諒進甘酸。解其煩渴。方有斟酌。

瘧來嘔吐。失血成塊且多。乃平素勞傷積瘀。因寒熱攻動胃絡。瘀濁遂泛。血後肢冷汗出。陽明虛也。但瘧邪仍來。口渴胸痞。雖是熱邪未盡。然苦寒枳朴等藥。再伐胃氣。恐非所宜。

鮮生地

生鼈甲

知母

生白芍

牡丹皮

竹葉心

瘧熱攻絡。絡血湧逆。脇痛欬嗽。液被瘧傷。陽升入顛。為頭痛。絡病在表裏。攻之不肯散。議搜血分留邪伏熱。

鼈甲

丹皮

知母

鮮生地

桃仁

寒水石

面赤口渴。脈大而空。勞倦挾虛。不可純作時症感治。

桂枝木

炙甘草

泡淡黃芩

生白芍

南棗肉

生薑

脈空搏。面赤舌白。消渴汗出。晝夜不已。兩足逆冷。寒熱潮遲。此積勞陽虛。外邪易陷。本虛標實。復進柴葛加消導。謂之劫津。仍宜和營主治。

歸建中去糖

又

淡黃芩

知母

花粉

烏梅

廣皮白

製半夏

草果

枳實

白芍

外寒勢緩。熱渴勢甚。此少陽木火迫劫胃汁。腕中津衰。熱蒸痰飲。倘飲水過多。中焦不運。恐為水結。仿白虎之意。不泥其方。以示勿太過耳。

鮮竹葉

飛滑石

烏梅肉

麥門冬

知母

生白芍

胃為肝陽之援。衝氣如呃。熱時煩躁不眠。純屬裏證。法當酸苦泄熱。俾陽明凝和。

知母

淡黃芩

生鼈甲

捲心竹葉

丹皮

生白芍

烏梅肉

胃虛熱氣上行。故覺氣塞。當養胃陰生津。使陽和則邪清。積勞有年之體。甘寒爲宜。

人參

竹葉

知母

粳米

麥冬

石膏

生甘草

又鼈甲煎丸。早服七粒。午時七粒。暮時七粒。白滾湯送下。

又生牡蠣

桂枝木

人參

花粉

生白芍

烏梅肉

間日瘧脈弦。煩渴無汗。頭微痛。往來寒熱欲嘔。可與小柴胡湯。

柴胡

人參

生薑

黃芩

半夏

寒熱雖止。心熱口渴。營分餘邪未解。仿景岳玉女煎意。滋清營熱。此伏暑可去。

生地

知母

生甘草

生白芍



生石膏

竹葉心

口鼻吸入。上焦先受。因陰虛內熱體質。欬嗽震動絡中。遂致血上而頭脹。煩渴寒熱。究是客邪。先以清暑方法。

杏仁

竹葉心

黑梔皮

連翹心

石膏

荷葉汁

陰虛暑邪未盡。癰熱汗解。用景岳玉女煎。

石膏

竹葉心

生地

知母

麥冬

白芍

夏季瘧發。溫熱恆多。攻下動裏。裏傷邪陷。變痢大痛。利頻不爽。強食脘中遂脹。濕熱阻遏。氣偏滯也。況久病大虛。恐有變厥之慮。

黃連

黃芩

人參

烏梅

白芍

當歸

手指尖及背部皆寒。脣舌亦皆麻木。夫皆為陽脈經行之所。四肢亦屬諸陽之本。况麻為氣虛。凡陰傷陽無不損。當撤去苦寒進和中制木意。

人參

炙草

炒白粳米

新會皮

木瓜

白芍

炒荷葉蒂

脈大右濇。舌白。鼻竅乾黑。不飢不食。由暑濕內伏。新涼外來成瘧。汗泄表解。伏氣未罷。填塞胸臆。餘熱結於氣分。思得肺化。如秋冬天降。則清肅令行。况初病身痛。亦濕熱阻氣之象。諸家不及道此。

瓜蒌皮

杏仁

黑梔

鬱金

川貝

枇杷葉

肥人多痰多濕。暑熱夏受。秋深涼來。伏熱乃發。汗多不解。非關表寒。煩渴喜飲。均是裏病。肺失降而胸痞悶。濕邪盛而戰慄多。濕熱合邪。同是氣分。是太陰陽明之瘧。醫不分經絡混治。所以旬日之外邪未退舍也。

木防己

杏仁

炒半夏

枳實汁

生石膏

炒厚朴

生薑汁

顛脹汗多。脘痞欲嘔。熱多寒少。初因遺洩陰傷。伏暑內發為瘧。忌用柴葛再泄其陽。

淡黃芩

花粉

薑皮

杏仁

醋炒半夏

豆蔻

橘紅

飛滑石

寒熱已止。脘痞不飢。此清陽不主運通。益氣佐以芳香醒中。

人參

白蔻仁

炒白芍

陳皮

炒半夏

茯苓

舌灰白。胸痞。瘧來欲嘔昏厥。熱時渴飲。此暑熱不解。邪欲深陷。議瀉心法。

黃連

黃芩

厚朴

半夏

杏仁

薑汁

脈數。舌邊白。暑濕熱內伏為瘧。嘔逆胸滿。間日寒熱。邪勢未解。議以酸苦泄熱主治。

川連

草果仁

黃芩

廣皮白

烏梅

知母

半夏

生薑

脾腎陽虛。背寒吐涎。邪雖未盡。又慮正傷。扶正驅邪。以冀劫瘧。

人參

草果仁

炒焦半夏

生薑

烏梅肉

新會皮

粵中陽氣偏泄。途中煩勞涉虛。暑熱內伏。涼風外加。瘧來間日者。邪深不得與衛氣行陽也。但客邪六氣。總化為熱。吐蛔消渴。噦逆。厥陰陽明病也。裏證顯然。柴葛泄表動陽。須忌。

川黃連

人參

黃芩

烏梅肉

生薑汁

枳實

半夏

生白芍

病起腹痛泄瀉。繼而轉瘧。舌膩渴不能飲。嘔逆吐痰。腕中熱悶。乃暑熱內伏。足太陰之陽不主旋轉運通。有以霍亂而起。緣未及分經辨症。邪留不解。有內結之象。不特老人質弱。如今霜降土旺。天令欲收。邪勢未衰。未為穩妥。議用瀉心湯法。

淡黃芩

川連

杏仁

炒半夏

厚朴

薑汁

頭痛惡心嘔涎。冷自四肢起。舌白渴飲。胸痞悶。眼白帶黃。汗多。乃太陰濕瘧也。夏秋伏邪而發。並非暴受風寒。不可發散。

杏仁

枳殼

廣皮白

半夏

瘧發於秋。名曰伏氣。兩旬不解。消滯清火而不見效。寒少熱多。口渴喜煖。心中懊  
懣。不能自主。是無形氣結。薑連枳半。祇治有形有滯。寒熱未能開提。懊懣氣結。况  
無汗為煩。表裏氣機不行。顯然窒閉。宗仲景梔豉湯一升一降。以開其結。

梔子

香

豉各三錢

浴後寒熱。衛陽損也。用建中湯。

人參

歸身

桂枝木

蜜薑

黃耆

炙草

白芍

大棗

陽氣發泄。寒熱脈大。

蜀漆

龍骨

人參

桂木

牡蠣

生芍

左數甚。

人參

五味

山藥

熟地

芡實

茯神



左數寒熱。

人參

桂枝木

南棗

炙草

煨牡蠣

又 人參

生白芍

生牡蠣

烏梅肉

炙甘草

小麥

又 何人飲

又 鼈甲煎丸

從來通則不痛。通者非流氣下奪之謂。作通陰通陽訓則可。閱內經論痛。都因寒客。今脈左搏而大。氣墜便不爽。宛是陰液少。氣失疎泄。議用辛酸甘緩。而和體用。

小茴香炒當歸

生白芍

另參湯遠藥進

又 熟地

炙草

山藥

秋石丸

五味

白芍

茯神

脈左細右空。小產亡血未復。風邪外襲。營衛孔隙。寒熱汗出。視目紫晦。面色枯痿。其真氣衰奪。最慮痙厥之變。此辛甘緩和補法。以護正托邪。

人參

白朮

乾薑

桂枝

炙草

脈虛數。舌白身痛。腕痞有痰。寒熱日遲。此陰陽兩損。時令濕邪外薄。內應太陰。謂之虛邪。宜從中治。

人參

半夏

知母

生薑

茅朮

陳皮

草果仁

烏梅肉

夜來忽然昏暈。目無光。筋骨痛。營液暗損。任督皆憊之象。

人參

炙甘草

鹿茸

當歸

酒炒白芍

鹿角霜

自昏厥以來。耳聾舌白。嘔逆涎沫。大便不通。必有暑邪吸入胃脘。此肝氣升舉。諸陽皆冒。腑氣窒塞。恐內閉昏脫。最為可慮。體虛挾邪。先清邪以安胃。議以酸苦泄熱驅暑。暑汗無止瀉之例。總以勿進表散。乃裏症治法也。

川黃連

黃芩

廣皮白

烏梅肉

生薑汁

炒半夏

枳實

兩脈皆起。神氣亦甦。但大便未通。中虛舌白。理難攻下。况肝虛易驚。又屬瘧傷致

厥。仲景雖有厥應下之文。驗諸色脈。不可徒執書文以致誤。

人參

半夏

生白芍

川連

枳實

烏梅肉

前此未盡。瘧邪仍至。兼之惱怒。肝氣結聚中焦。補虛之中。必佐散邪開結。

人參

生牡蠣

白芍

橘紅

炙鼈甲

丹皮

產後下虛。利後為瘧。是營衛交損。况色脈並非外邪。補劑頻進不應。由治錯亂。經

云。陽維為病。苦寒熱。

人參

桂枝木

炒當歸

鹿角霜

炙甘草

炮黑薑

積勞傷陽。哀戚動藏。重重內損。其夏秋伏邪。已深在重圍。此從陰經而來。朱漢老非治時邪。病人服藥而安。溫藥助陽也。考三陰而投溫補扶正。正謂托邪。知母入咽。即呃。陽明之陽幾漸。不飢不食不寐。陽不流行。三焦困。脾胃憊矣。肛墜屬陰傷氣陷。難任純剛之劑。

人參

當歸米炒

厚朴

麋

角

酒浸

炮薑

草果

陰瘧足太陰經。先進柴胡薑桂湯。

柴胡

黃芩

括蕢根

甘草

桂枝

乾薑

生牡蠣

瘧兩旬不解。寒多熱少。是為牝瘧。進牡蠣散。

牡蠣

龍骨

肉桂

白芍

雲母

蜀漆

炙草

大棗

牝瘧寒多。內熱心悸。

陽旦湯。加生牡蠣、花粉。

勞瘧不止。肢腫寒多。

陽旦湯。加牡蠣、雲母石。

陰瘧四月。汗泄。下肢腫。

早服八味丸。

淡附子

細辛

生白朮

澤瀉

厥陰陰瘧不止能食。

熟地炭

淡萆薢

牡蠣

五味子

鹿角霜

龍骨

陰瘧三年不愈下虛遺洩。

蜀漆

牡蠣

炙黃耆

桂枝

龍骨

炙甘草

陰瘧久虛。

益氣湯加附子。

陰瘧脈沉漸背寒肢冷腕中食入痞滿此屬陽氣傷極春深木旺恐變浮腫脹病宜理中兼理下焦勿得驅邪治瘧。

附子桂枝人參湯加塊茯苓生薑大棗。

冬月伏邪至春發為溫瘧汗出不解非因新感可知脈虛先有遺症忌進耗散真氣和正解邪為穩。



桂枝

草果

杏仁

白芍

枯芩

桔梗

瘧由四末。必犯中焦。胃獨受其侮。故煩渴。脘痞不飢。今日舌絳便溏。陰氣先傷。陽邪未盡。宜芩芍和裏。益以瀉木邪。救胃陰。

黃芩

丹皮

白蔻仁

白芍

青蒿

烏梅肉

經月瘧後。易生嗔怒。春令內應肝膽。其用太過。其體尤虛。所以自覺餒怯。考仲景一月瘧未痊期。血氣凝結脇中。必有痕聚。名曰瘧母。母者瘧邪病根也。鼈甲煎丸主之。使氣血通行。留邪無可容矣。

服露薑飲頗逸。第寒熱仍來。知邪伏於陰。不得透解。大便不通。又經旬日。議從厥陰搜逐。使肝遂疎泄。可望瘧止。每天明午刻交子。各用鼈甲煎丸七粒。連進六日。斯三陰三陽皆通。邪無容足之地矣。

瘧久邪入絡。絡主血。邪結血分。則為瘧母。仲景鼈甲煎丸。專以升降宣瘀治肝。謂寒熱不離少陽。久必入肝。肝主血。左脇為肝膜俞也。攻病固當如是。但久有遺精。

食少不化。諸恙病非一端。此攻邪溫補。未能却病。莫若養正。氣旺邪自除。古有諸矣。

午服妙香散

晚服阿魏丸

久瘧針挑。汗出乃止。經脈邪去。絡脈留邪。脇下遂結瘧母。按之堅。形高突。四年帶病。仍然能食便通。其結聚不在腸胃。藥下咽入胃入腸不效。蓋絡脈附於藏肺之外廓耳。

生鱉甲

青色刮去衣四兩 穿山甲

五靈脂

燒至烟盡度二兩 麝香

忌火另研五錢

辰砂

忌火另研五錢

右藥各研淨末分兩加入阿魏一錢

同搗丸。飢時服二錢。

三瘧已久。自述煩勞必心胸痞脹。凡勞則傷陽。議溫養營分托邪一法。

人參

桂枝

炙甘草

南棗

茯苓

蜀漆

當歸身

生薑

瘧三日乃發。是邪伏在陰。經年雖止。正傷難復。衛陽外泄。汗出神疲。宜甘溫益氣。

之屬。五旬向衰。必節勞保養。不徒恃藥。

養營法用煨薑三兩。南棗四兩。煮汁泛丸。

三日瘧是邪伏陰分而發。非和解可效。久發不止。補劑必以升陽。引伏邪至陽分乃愈。守補藥則非。

鹿茸

人參

熟附子

炒黑杞子

鹿角霜

當歸

茯苓

炒沙苑

稚年三日瘧。太陰脾傷為多。飲食忌用腥羶。劫邪繼以升陽。

常山

白朮

厚朴

草果

陳皮

薑汁

診左現小數。右緩濡弱。食已煩倦。是脾陽衰漸。古人謂瘧痢都因脾弱也。况便溏足冷。色奪形瘦。若不急補後天。以崇母氣。區區疲藥。元氣消憊矣。用局方加味四獸飲。

人參

熟朮

草果仁

廣皮

茯苓

炙草

烏梅肉

此勞傷陽氣之瘧。循環不已。脈絡久空。當升補陽氣。

生耆

炙草

生薑

鹿角

當歸

南棗

露薑飲止瘧。是益中氣以驅邪。虛人治法皆然。脾胃未醒。忌進腥濁。

人參

炙草

半夏

益智仁

橘紅

薑汁

陰泄陽冒頻遺。魀衄寒熱消渴。氣上撞心。欲寐驚惕。飲多嘔逆。兩足如墜。莖中凝窒。金匱謂陰氣先傷。陽乃獨發。見症厥陰經瘧。與上焦治異。

鮮生地

知母

生甘草梢

元參

川斛

竹葉

熱病時瘧。不分解理在氣在血。以發散消導。劫傷胃汁。遂不飢不食。突遭驚駭。肝陽暴越。復令倏熱倏涼。兩足皆冷。腹脹不和。脇中有形觸痛。由久病入絡。陰陽不通。二便窒閉。先與更衣丸二錢。俟半日後。大便得通。次日用藥。當以兩和厥陰陽明方法。

生牡蠣

柏子仁

生白芍

川棟肉

小黑豆皮

細根生地

瘧熱傷陰。陰液不得上承。舌心捫之如板。目瞑面腫。驚惕。肝陽化風。內震。胃氣愈逆。腕痞。欲人撫摩。熱氣聚膈。蒸迫臆中。必至神昏閉塞。老年凶危。俄頃。然非形質之結。清寒攻蕩可效。況已瀉利在前。邪陷陰傷顯然。夫陰傷屬下。熱聚居上。救陰之劑。未遑透膈以滋下。苓連涼膈。苦辛燥氣再傷陰。究非至當。展轉籌劃。法宜分理。議於今晚。先進清心牛黃丸一服。勻三次溫開水與服。取其芳香清燥以開其結。明日再診議方。

冒暑遠行。熱氣由口鼻入。犯上犯中。分布營衛。故爲寒熱瘧疾。當淡薄食物。清肅胃氣。投藥以涼解芳香。或甘寒生津。皆可療此。奈何發散以去寒。不知口鼻受熱。與皮膚受寒迥別。治之不效。肆行滋補。參朮耆地。粘膩中宮。肺氣壅閉。胃中滯凝。腫脹。每上至下。一身氣機不通。張戴人所謂邪得補而勢盛。如養寇殃良之比。但病久形消。矯其非而再爲攻逐。又慮正氣之垂寂。故改湯爲丸。丸者緩也。使中焦得疎。漸漸轉運。升降得宣。六腑有再通之理。腑通。經脈之氣無有不通者矣。每日



進丹溪保和丸。

左脇下宿積有形。今瘧症反覆。左脇又結瘧母。胸脘痞悶。大便艱難。乃瘧症餘邪。與氣血膠結。六腑亦因之不宜。宜攻以通其瘀滯。先進鼈甲煎丸三錢。早上午時水送下。

瘧邪未盡。堵截氣室。致腹滿足腫。氣逆欲喘。水濕內蘊。治當分利。

杏仁

牡蠣

猪苓

厚朴

澤瀉

茯苓

瘧止太早。邪熱未盡。脘痞不飢。口渴自利。防有滯下。

川連

黃芩

半夏

枳實

白芍

橘白

同議上下合邪。泄厥陰以安陽明。仍佐肅清暑濕方法。

桂枝木

川連

人參

生牡蠣

烏梅

白芍

痰哮喘由外邪而發。坐不得臥。腎病為多。以風寒必客太陽。體弱內侵少陰耳。若夫

暑濕熱氣。觸自口鼻。背部瘍癰。乃鼻竅應肺。是手經受邪。辛涼氣輕之劑可解。以肺欲受辛。其象上懸。氣味沉重。藥力下走而肺邪不解。然夏病入冬。氣候迭更。熱邪久而深入。氣血日被損傷。滋清如膠地。搜逐如鼈甲煎丸。無如不獨陰虧。入脈氣衰。為寒為熱。病形漸延。損怯喉痛。火升上熱。緩必下熱。此剛藥難投。柔溫之養。佐通奇脈定議。

生鹿角霜三錢

炒黑枸杞錢半

茯苓錢半

炒黑歸身錢半

熟地炭三錢

生沙苑一錢

痕泄下冷熱升。議通攝任督之散越。

鹿角霜三錢

熟地炭五錢

補骨脂鹽水先煎敗龜板刮光炙脫三錢

雲茯苓錢半

石殼建蓮研連殼切

經先期三日。熱多寒少。脈左弦大。血分偏熱。治厥陰瘧邪窒在血。

生鼈甲

冬桑葉

青蒿梗

炒桃仁

炒丹皮

川貝母

瘧乃暑濕客邪。血證逢時便從。已是陰虧體質。治邪須顧本元。議與竹葉地黃湯。

竹葉

知母

川貝母

鮮生地

薄荷

寒熱後。診脈小弱。舌白。渴不欲飲。痰多氣悶。瘧未盡而正已虛。不可過攻。防其衰脫。

生朮

半夏

草果仁

廣皮

茯苓

厚朴

瘡家濕瘧。忌用表散。

蒼朮白虎加草果仁。

伏邪成瘧。寒熱間日作。汗多欲嘔。中脘痞悶不飢。進瀉心湯法。

川連

黃芩

杏仁

枳實

薑汁

半夏

厚朴

草果

脈無力。寒熱夜作。煩渴惡心。舌黃中痞。雖是伏暑為瘧。然平素煩勞。即屬內傷。未可泥於發散消食。先進瀉心湯以泄蘊熱。

川連

淡黃芩

花粉

枳實

薑汁

炒半夏

豆蔻

橘紅

寒熱後津傷。舌上黑胎。口乾不知味。食不易飢。大便不爽。宜進滋養陰液法。

麥冬

知母

橘紅

人參

川石斛

烏梅肉

產後未滿百日。下焦精血未旺。遂患三瘧。緣真氣內怯。邪不肯外出。醫藥清散攻下。僅治三陰之瘧。遂致魄汗淋漓。乃陽氣脫散敗壞之象矣。

人參

補骨脂

炒黑茴香

茯苓

歸身

濕盛寒戰不解成瘧。濕主關節為痛。邪在裏為煩。總以濕熱裏症。治宜用苦辛。

川連

黃芩

杏仁

薑汁

半夏

厚朴

脈大寒熱渴飲。舌漸黃。氣分熱勝。血弱已久。恐邪漫劫津。清氣熱即以和陽。議用張氏玉女煎。

石膏

竹葉心

鮮生地

知母

生甘草 生白芍

伏邪留於少陰厥陰之間。為三日瘧。百日不愈。邪傷真陰。夢遺盜汗。津液日枯。腸燥便難。養陰藥雖為有益。但深沉瘧邪。何以得追拔掃除。議以仲景鼈甲丸三十粒。早上開水送下。午後進養陰通陽藥。

復脈湯。去人參。生薑加牡蠣。鹿角霜。

邪與氣血膠凝。則為瘧。女病在絡。自左脇漸歸於中焦。木乘土位。東垣謂瘧久必傷脾胃。既成形象。宜通惡守。佐芳香。乃能入絡。凡食物肥膩呆滯。尤在禁例。所慮延及中滿。

人參 草果 陳皮 木香

茯苓 厚朴 青皮 鬱金汁

深秋曾診。擬議此病為暑濕食瓜。辛甘寒分利。奈何脾陽又受辛寒之累。致濁陰聚形。頻遭食復。陽屬受戕。凡身中脾陽宜動。動則運。腎陽宜藏。藏則固。斯為命根。局方大建脾丸。仲醇資生丸。多以補虛通滯。芳香合用。取其氣通濁洩。人參輔正之力得矣。



人參

陳皮

厚朴

益智仁

茯苓

木香

間日寒戰。發熱渴飲。此爲瘧。飲水結聚。而心中痛脹。乃病上加病。不敢用湧吐之藥。暫與開肺氣壅遏一方。

生石膏

大杏仁

生甘草

蜜水炒麻黃

脈如平人。但熱不寒。煩渴身疼時嘔。此溫瘧也。仲景有桂枝白虎湯一法。一劑知。二劑已也。

桂枝白虎湯

眉壽堂方案選存 卷上 瘧疾

# 眉壽堂方案選存

清 吳縣 葉 桂天士著  
清 吳縣 郭維濬聞升纂  
鄞縣 曹赤電炳章校

## 卷下

### 女科

女科首重調經。祇因見嗽見熱。但以肺藥清涼。希冀嗽緩。無如胃口反傷。腹痛便溏。惡食嘔逆。此寒熱乃營衛欹斜明矣。病係憂鬱成勞。情志內傷。故藥不奏功。議戊己湯。

人參

炒白芍

鮮芡實

茯苓

炙甘草

炒薏豆去皮

向來經水調和。自上年冬季。每月經轉兩次。天柱脊椎卽痠垂。心中嘈雜忽痛。頭

面烘熱。脊背指足常冷。經期落後四五十日。此屬入脈不和。皆肝腎脂液暗傷。養液熄風。冀其奇充經調。

烏骨雄雞去毛骨頭足腸雜。青蒿汁酒醋加水煮汁收膠。

清阿膠

鹿角膠

枸杞子

當歸身

生地黃

元武膠

桂元肉

白芍藥

天門冬

白茯苓

以膠爲丸。淡鹽湯送下。每日四錢。

經阻三月。欬嗽失血。交夜蒸蒸發熱。脈來左搏而促。是陽氣煩蒸。攻逆諸絡。血液不得彙集衝脈。深秋經水不來。必加寒熱瘦削。成乾血勞矣。

鼈甲

全歸

丹皮

山查

生地

白芍

荒蔚

麥冬

久病形神日消。脈象堅大。是謂脈無胃氣矣。曾於上年夏季便瀉腹痛食減。舒肝健脾疎補。春進安胃丸。此生氣不至。當女子天癸將通之歲。經脈氣機拂逆。久鬱熱蒸。漸爲枯涸之象。最足慮也。議用汪石山鬱勞治法。

川芎

白芍

湖蓮肉

青蒿

當歸

熟地

南查肉

香附

病起左肢痛痿。即靈樞云。意傷憂愁則肢廢也。蓋肝藏多氣少血。氣勝則熱。血不營養經脈。陽明日空。血海無貯。經事遂閉。內風挾陽。上升眩暈。欬出痰沫。冬令天地閉藏。病不致凶。萬花暢茂。有增劇之慮。議鎮肝安胃法。用麥甘大棗湯。麥以鎮逆。棗甘益虛。導內經肝苦急。急食甘以緩之也。

麥甘大棗湯

氣鬱滯則血不行。當理血中之氣。

四物湯加香附查炭益母草。

脈瀦經滯。食入脘痞。都因情懷失和。肝脾鬱結使然。

香附

廣皮

薏仁

丹皮

查炭

茯苓

神麴

鈎藤

停經已九月。少腹重墜而痛。及診少陰脈瀦小。並非妊象。衝任虛餒。怕其暴崩。八珍湯加砂仁。



晝夜腹痛。泄氣而緩。夜臥捫之。常高突有形橫處其間。為肝鬱不舒。致衝任二脈。乏氣流行。經期不來。營衛阻閉。為寒熱互作。因泄瀉已久。風木久乘中土。峻攻非宜。

川棟子

當歸身

青木香

山查

龍膽草

小茴香

炒橘核

青葱

泄瀉食減。經水不來。而寒熱咳嗽。日無間斷。據說嗔怒病來。其象已是勞怯。鬱勞經閉。最為難治之症。

人參

蒸冬朮

炙草

茯苓

廣皮

白芍

鬱損經停。臍脹難便。

歸身

川棟子

荒蔚子

小茴

生白芍

澤蘭

經水不來。是絡脈無血。古云氣旺血自生。大忌通瘀。

人參

當歸

麋角膠

茯苓

桂心 羊肉膠

天癸從未至。肉瘦色瘁。欬噎着枕更甚。暮夜內外皆熱。天明汗出熱減。痰出或稠或稀。咽中總不爽利。此先天最薄。真陰不旺。勿攻針朮。務安閒怡悅。俾經來可以熱除。不然。世稱乾血勞矣。

復脈湯去麻仁。

兩三月經水不來。少腹痛脹下墜。寒疝屬虛。可與當歸生薑羊肉湯。經閉淋瀝初。

柏仁

肉蓯蓉

女貞子

郁仁

當歸

川石斛

肝風逆。經閉淋瀝便艱。復

柏子仁

當歸身

川石斛

女貞子

郁李仁

黑櫓豆

淡蓯蓉

肝痺脹至心下。腹大經閉。二便濇少。初

橘葉

青皮

銀柴胡

茯苓皮

青 葱

查 肉

五靈脂

大腹皮

血結爲瘕。腹脹大如缶。進疎肝通瘀稍安。續進針砂丸以緩攻之。此勞怯是挹鬱內損。陽土爲陰木乘侮。衝脈乏血。經閉肉瘦氣脹。減食便澹。五液日枯。陰不上承。喉舌乾涸。仍不嗜湯飲。內經謂二陽之病發心脾。風消息貫。皆是久損傳變見萌。

人 參

烏梅肉

南查肉

茯 苓

白 芍

老蘇梗

陰癇脈遲。經水二月一至。

六味加阿膠、白芍。

經來潮潮嗇少。湯飲入脘嘔吐。平昔善吐涎沫。心搖震惕。厥陰陽明皆逆。龍薈丸主之。

龍薈丸每服二錢。

經來瀦少。便瀉汗出。因驚恐致病。由肝傳脾。用戊己湯。風動液虧。腹痛腸紅。經閉暮熱驚恐。治在腎肝。

熟地炭

萸肉炭

炙草

五味子

白茯苓

白芍

自八月中經止。即食入嘔吐。醫認懷娠惡阻治。延至小寒節。頭顛痛。心中熱。吐清涎濁沫。水藥仍受。粒米食物下咽即吐。欲寐洒然驚惕。肌表及足寒。晡刻頭面熱。腹脹。心腹皆痛。初病嗔怒而來。確是肝木犯胃。最怕暴厥急至。

金鈴子

黑山梔

炒半夏

生薑汁

延胡索

炒香豉

茯苓

經水兩月不來。腹形脹大。兼有形攻觸。目瞑將寐。先欲厥冷。後漸熱多汗。此皆鬱損成蠱之象。

當歸鬚

荒蔚子

五靈脂

小茴香

小香附

炒查肉

嗽急。心腹堅脹。入夜氣衝欲坐。下部已冷。久有瘕聚。問月事不來三年。此濁氣飲壅塞。以致血脈不通。為絡脈之脹。

桂枝

淡薑

五味子

茯苓

白朮 北細辛

暴崩癖聚腹脹。經水不來五月。絡虛所致。

葱白丸

紅棗、蘄艾煎湯送下。

動怒血吐成升。月餘再吐。自述少腹常痛。夜必身熱汗出。必經水得通。可免乾血勞怯。

醋炙鼈甲

胡黃連

炒焦延胡

炒桃仁

荒蔚子

炒查肉

脈數經遲。面起沸疹。肝陽內風。冲逆上升。胃減少食。

清阿膠

炙甘草

柏子仁

小生地

白茯苓

火麻仁

左肢麻木。經遲宿癰。中年從未生育。脈數。怒則腹脹。和肝胃之陽。卽調經要領。

生地

當歸

砂仁鹽水炒

炒查仁

穠豆皮

香附

知母



胃痛四年。因鬱怒而起。經落不調。瘕聚腹脹。欲嘔便瀉。久病入絡。兼理血分。

金鈴子肉

桃仁

五靈脂

炒延胡索

生蒲黃

生香附

質偏于熱。陰液易虧。女人肝為先天。月事雖准而少。裏乏儲蓄。無以交會衝脈。此從不孕育之因由也。凡生聚及陰血。皆根於陽。陽浮為熱。陰弱不主戀陽。脊背常痛。當從督任脈治。

元武版

桑螵蛸

當歸身

細子芩

鹿胎

枸杞子

桂元肉

茯苓

經來綿綿不止。恐延淋帶。此後遇裏急。為陰弱不內守治。

熟地炭

芡實

艾炭

茯神

湖蓮

炒歸身

脈數。下焦冷。經淋不止。少腹腰臂痛。火升面熱。

枸杞子

生杜仲

生地

沙蒺藜

川石斛

女貞

臟屬陰。陰虧內熱自起。陽搏動則經多如崩。帶下綿綿。治宜堅固其陰。

熟地

牡蠣

秦皮

樗皮

艾

阿膠

黃柏

白芍

茯苓羊肉丸

五十歲天癸當絕。而反多於昔。衝任之脈不固。已屬下焦主病。脈不束骨。痛無定所。與三氣客痺迥異。羣藥未嘗及下。胃傷肝垂嘔吐。問病人口味苦。氣塞必噦。心如懸旌。當以胃虛客氣攻逆。議用旋覆代赭湯。

人參

炒黑川椒

烏梅肉

茯苓

釘頭代赭

生白芍

冬溫失藏。肝木反泄。陽明脈虛。血海不按期而經下。乃體不足用太過之象。法當辛酸甘緩。兩和肝之陰陽。而苦降走泄。不但妨胃。且助劫耗。

炙甘草

枸杞子

柏子仁

生白芍

桂元肉

茯苓

暴崩去血過多。絡中空虛。浮陽挾內風以動。心悸。筋脈痿軟。奇經已乏。每經來必

病。最難調治。

炒熟地

阿膠

女貞子

湖蓮肉

白芍

旱蓮草

鬱勃陽升。入脈不和。下少固攝。有崩漏之累。

枸杞

鹿角霜

小茴

醋艾

茯苓

沙苑

淡荏蓉

當歸

香附

益母草丸

久漏成崩。上有瘍症。用藥極難。仿內經七方之一。固下漏少佐清上。

醋炙螵蛸

茜草

煎好濾清。加黃芩、阿膠。煎數十沸。取清服。

經漏已三年。淋漓帶下黃白。視色脈不受溫煖。固下湯散。力量難以直達衝任。古局方中有震靈丹。每早服六十粒。是固奇脈藥。欲求全愈。非大劑人參不可。室女經初致。必然畏熱。因熱求涼。致傷衝任。經漏不已。血色漸紫。腹中痛。得按略緩。是從前經至失調之故。和血脈之中。必佐通陰中之陽。

杞子

沙苑

鹿角霜

人參

當歸

小茴

紫石英

桂心

十四歲室女。無溫補熱藥之例。視色奪脈弱。下焦未寒先冷。經事淋漓。是衝任二氣不交。冬宜藏陽。用溫補升陽。

鹿角霜

杞子

當歸

人參

蛇床子

麋茸

沙苑

小茴

紫石英

血瘀自下爲順。但形神頓減。明是積勞已傷。血脫必益氣。否則有復瘀之慮。

補中益氣湯

經漏四十餘日。色黯瘀腐成塊。病中動怒。遂胸膈脹悶且痛。瘀下稍寬。醫治漏血。投地芍歸膠。下焦先未治得其益。上焦先受其滯。宗經義先理其上。

老蘇梗

南山楂

桃仁

香附汁

麥芽

延胡

久崩淋帶。少腹結瘕。液涸氣墜。二便皆阻。辛甘補方。冀得宣通。勿謂崩症徒以瀉

藥。

柏子霜

淡菴蓉

郁李仁

當歸身

枸杞子

葵子

經漏腹脹。臟陰爲病。濁攻脾胃爲嘔逆。

人參

淡附子

茯苓

蒸朮

淡乾薑

長齋有年。脾胃久虛。瘧由四末。必犯中焦。血海隸乎陽明。苦味辛散。皆傷胃系。雖天癸久絕。病邪藥味擾動血絡。是爲暴崩欲脫。閱醫童便。阿膠味鹹滑潤。大便溏瀉。豈宜潤下。卽熟地五味。補斂陰液。咽湯停腕。頃欲吐盡。滋膩酸濁之物。下焦未得其益。腕中先以受其戕。議以仲景理中湯。血脫有益氣之治。坤土陽和旋轉。希圖中流砥柱。倘得知味納穀。是爲轉機。重證之尤。勿得忽視。

人參

炒焦於朮

炮薑炭

茯苓

炙黑甘草

十年不孕。奇脈大傷。經來如崩。周身筋掣。自腦後痛連腰脊。食少腹脹。乾嘔氣衝。



小溲如淋室痛。蓋奇經諸脈隸于肝腎恆多。腎失納。肝失藏。脈絡氣血消乏。何以束骨充形。此病之最延綿難却也。閱古人法中。藏真宜固。脈絡宜通。非偏寒偏熱之治。

鹿角霜

當歸身

柏子仁

川桂枝

小茴香

真茯神

交節令血下成塊。腰痛溺淋。乃下元虛。入脈無氣。最多反覆。議升陽固脈法。

人參

鹿茸

補骨脂

當歸

鹿角霜

茯苓

入土王用事。食減惡心。淋帶反多。老年陽氣漸泄下墜。議東垣升陽法。

人參

熟朮

炙草

當歸

羌活

防風

獨活

廣皮

經阻兩月。脈象虛數。嘔吐清水。仍以惡阻調治。

竹茹

半夏

廣皮

生薑

茯苓

厚朴

凡交三月胎殞。是肝陰內怯。任脈不司擔任。今見症脊椎尻垂。腰痠痿弱。肝腎奇經虛不固攝。議用孫真人法。

阿膠

當歸

生地

寄生

艾炭

白芍

子芩

砂仁

女科胎前以立基爲要。惡阻嘔吐味酸。是熱化。宜安胃調氣。

人參

半夏

竹茹

茯苓

生薑

培土安胎。

人參

焦朮

建蓮

茯苓

廣皮

砂仁

氣塞乾嘔。不欲進穀。懷妊四月。腹大如足月。足跗浮腫。得血下洞泄而來。詢知兩月前已不納。立秋交節。血乃暴下。爲陽明胃虛。滯氣逆攻。血海隸乎陽明。致有淋漓之狀。法當清熱安中。以暴脹常多熱證耳。

生白芍

烏梅肉

蘇梗

參湯

另進

子黃芩

知母

川連

脈左右弦。身麻肢冷。腕中脹悶。不飢吞酸。由中虛肝氣內動之故。五六月當脾胃司胎。又體質不受苦寒。非清火破泄氣分之治所宜。

人參

枳殼

生薑汁

半夏

桔梗

厥陰之陽上衝。嘔逆腹痛。防胎上攻。以苦寒清泄法。

川連

黃芩

川棟肉

青皮

白芍

鬱金

胎氣日長。諸經氣機不行。略進水穀之物。變化水濕。不肯從膀胱而下。橫漬肌膚。為腫。逆奔射肺。欬嗽氣衝。夜不得臥。陰陽不分。二便不爽。延綿經月。藥難治效。當刺太陽穴。使其氣通。坐其安產。

桂枝

五味

牡蠣

杏仁

茯苓

淡薑

澤瀉

臨月用清熱理氣。

蘇梗 芩皮 知母 白芍  
砂仁 腹皮 黃芩  
懷妊若患時症。古人主在保胎。今喜煖惡寒。升則厥。痛墜欲便。腰腹繞痛。大慮胎墜。辛香溫柔之品。冀其止厥。

鹿角霜 沙苑 枸杞 小茴  
淡從蓉 茯苓 柏仁 當歸  
暑濕阻氣。胎熱由下而升。兩熱相搏。咽喉欲痺。寒戰。周身諸脈震動。防胎下墜。治宜清上。

竹葉 枇杷葉 知母 連翹  
鬱金 川貝  
胎孕而患時瘧。古人先保產。佐以治病。茲診唇燥舌白。嘔悶自利。乃夏令伏邪至秋深而發。非柴胡枳實之屬可止。嘔吐黑水腹痛。胎氣不動。邪熱深陷入裏。蒸迫藏腑。是凶危之象。

黃芩 黃柏 川貝 黃連

秦皮

寒少熱多。即先厥後熱之謂。熱甚胎攻衝心而痛。蓋胎在衝脈。瘧邪由四末漸歸胃系。衝脈屬陽明胃脈管轄。上嘔青黑涎沫。胎受邪迫。上衝攻心。總是熱邪無由而發泄。內陷不已。勢必墮胎。且協熱自利。外邪從裏而出。有不死不休之戒。方書保胎必固陰益氣。今熱熾壅塞。參膠歸地。反爲熱邪樹幟矣。前以絕苦無寒。取其急過上焦。陽明胃與厥陰兩治。今用酸苦泄兩經之邪熱。外以井泥護胎。

川連

烏梅肉

黃芩

草決明

川椒

石蓮肉

白芍

苦辛酸。清泄陽明厥陰邪熱。兼外護胎法。病勢減十之二三。視舌黑芒刺。舌心乾板。而心中痛不已。此皆熱邪內迫。陽精陰液告涸。兩日前慮其陷伏閉塞。今又怕液涸昏瘳。最難調治。夫護胎存陰。清熱去邪。兩不可少。

川連

鮮生地

知母

阿膠

鷄子黃

始于嗔怒動肝。冬季溫煖少藏。肝氣多升。肺氣不降。遂令欬逆喘促。熱鬱入裏。耳



聾自利。延綿經月。真損必然殞胎。非輕小之恙。

黃芩

薑皮

杏仁

白芍

橘皮

烏梅

午後診脈。問及踢傷胎漏。用兩補氣血安胎。

人參

炒當歸

炙草

炒砂仁末

茯苓

炒白芍

廣皮

痛由背繞肋。脹至胃脘。停住不移。妊交六月。陽明司胎。陽升氣阻於絡。斯為痛脹宿恙。當春半而發。脈弦搏鼓指。胃為陽腑。和陽以苦味之流行。仍佐宣利氣分鬱遏為治。

金石斛

鮮竹茹

黑山梔

老蘇梗

化州橘紅

香附汁

小產後勞動嗔怒。陡然血崩。乃身中陽動。陰弱失守之證。用藥氣味。最忌辛溫走泄。無有不向安者。緣辛香溫熱。胃中不安。致嘔逆頻頻。神復欲憤。皆血下而陰虧為病。嘔多則陽氣再傷耳。古人上下變病。當治其中。此安胃第一要旨。以胃為藏

府之大源。能納穀斯後天生炁再振。何容縷縷經營乎。

人參

小麥

茯神

烏梅

木瓜

白芍

鎮補肝胃。既得進穀。閱來教仍是陰弱陽浮。姑擬補攝足三陰臟。必得小效。

人參

炙黑甘草

山藥

芡實

熟地炭

茯神

起病由於小產後。是衝任脈虛所致。溫養攝納。最為近理。病根在下致脹。乃耆朮升柴守而兼升。濁僭上行。炒焦腎氣丸可以常進。但不能入奇脈耳。更議法以輔其不及可也。

鹿茸

補骨脂

人參

大茴香

鹿角霜

歸身

菴蓉

斬艾煎湯代水。

小產後。血下暴崩。汗淋昏冒。寐則夢於人爭鬪。此臟血大走。肝魂易越。補方必兼斂攝。血崩久淋帶。致衝任脈絡不固。不但不得孕育。更延痛疾耳。

人參

龍齒

炒歸身

炒枸杞

炙草

茯神

炒棗仁

五味子

小產後經年淋漓。旬日帶下。綿綿不斷。骨節痿軟。經臨筋脈牽掣。骨熱如蒸。皆衝任受傷。久而不復。五液皆枯。日就損怯。一途所幸。胃氣尙存。按候調攝。經年冀可血氣充復。

四物湯。加胡黃連、炒黃柏。

驚恐起病。由怒而發。是爲肝厥。陽氣暴升。痰隨氣上。神識乃迷。近加小產後。必須養肝陰。佐入涼肝。

生地

柏仁

丹參

天冬

阿膠

茯神

白芍

人中白

小產後汗多寒熱。

龍骨

白芍

南棗

牡蠣

炙草

小產後經月。泄瀉腹痛。下血不止。乾咳噎逆。乃氣血兩虛。當以建中法。

歸耆建中。去薑。

半產後。衝任虛。瘕聚。少腹痛。胃痛。形寒身疼。

桂枝加桂。當歸。茯苓。去薑。

半產後。失血。咳逆。不得臥。

小青龍法

半產後。咳逆。不得臥。腹膨。

腎氣丸一兩

用沙囊懸起煎湯。早上服。

尊勞下損。欬逆。不得臥。

烏骨雞丸

遇勞氣洩胎墜。胎去下焦先空。足冷腰脊皆病。陰陽兩損。但以溫養之補。懷孕即止。

人參

沙苑

歸身

肉桂

雄羊內腎

茯神

麋茸

白芍酒炒

枸杞

共爲丸。

產後驟脫。參附急救。是脫陽固氣方法。但損在陰分。其頭痛汗出煩渴。乃陽氣上冒。凡開泄則傷陽。辛熱則傷陰。皆非新產鬱冒之治。

細生地

黑查肉

牡蠣

真阿膠

荒蔚子

惡露衝心。防其昏厥。

澤蘭

查炭

香附

川貝

童便

荒蔚

延胡

廣皮

通草

新產陰氣下泄。陽氣上冒。日晡至戌亥。陽明胃衰。厥陰肝橫。肝血無藏。氣衝擾膈。致心下格拒。氣干膈中。神識昏譤。若惡露衝心則死。焉有天明再醒之理。同生丹酸苦直達下焦血分。用之不應。諒非瘀痺。想初由汗淋發熱。凡外感風寒。理從外解。此熱熾神亂。卽仲景之新產鬱冒也。倘失治必四肢牽掣。如驚如風癇。立見危

殆。議從亡陽汗出譫語例。用救逆法。

龍骨

桂枝

南棗

牡蠣

炙草

小麥

濁氣上逆。惡心不食。冷汗煩躁。最防暴脫。不可但執惡露滯滿。而專泄氣攻血。

人參

乾薑

澤蘭

附子

童便

產後血去陰傷。肝腎先虧。致奇經諸絡不至內固。陰既不守。陽泄為汗。多驚多恐。神氣欲撒。此攝陰固液。而有形豈易速旺。古人必曰封固。曰鎮納。皆為此而致。

人參

桂枝

龍骨

炙草

附子

煨薑

牡蠣

蜀漆

產後陰損下虛。孤陽泄越。汗出驚悸。百脈少氣。肢體痿廢。易飢消穀。陽常動爍。陰不內守。五液日枯。喉舌乾涸。理進血炁有情。交陰陽和氣血。乃損症至治。

羊肉

五味

紫衣胡桃

當歸

牡蠣



產後汗大出。目瞑神昏。此爲鬱冒欲脫。大危之象。勉擬鎮固補虛一法。

生龍骨

桂枝

人參

生牡蠣

炙草

歸身

生羊肉煎湯。

產後蓐勞。厥陽逆行。頭痛昏暈身熱。

生龍骨

生白芍

炙甘草

當歸

生牡蠣

桂枝木

大棗肉

羊肉

產後將半月。頭汗耳聾。便瀉不食。陰分大虛。陽氣上冒。防其痙厥。不可忽視。

熟地炭

炒當歸

炮薑

茯神

炒白芍

炙草

產後十七朝。因惱怒。陽升爲鬱冒。寒熱如瘧。經半月不止。乃陰傷於下。陽潛於上。肝膽之邪。肆行無制。故乍寒乍熱。不得息也。擬進甘緩法。使陰氣稍復。寒熱可緩。

復脈湯。去薑。加甘蔗汁。

鬱冒汗出。血下液虧。

人參

龍骨

棗仁

熟地

五味

茯神

產後真陰下虛。真炁不主收納。咳逆汗泄。肉腠刺痛。未至半月。惡露已盡。大便不實。斷非清潤治嗽可療。此攝固斂液一定治法。

熟地

山藥

枸杞

五味

建蓮

芡實

產後下虛。腹中刺痛。雖因惡露未盡而起。然病經五十日。未可專以逐瘀為主。

當歸生薑羊肉湯

頻產脈絡已空。胎前已見帶下。痛甚不隨利減。奇經氣撒不攝。仲景建中之議。取意左脾營爲上中法。而藥力原不及下焦也。腎氣湯乃收攝陰中之陽。產後營虛。不耐桂附之猛烈。當年先哲。每炒炭煎服。亦如河間濁藥輕投。蓋湯散飲子。不同法程耳。

熟地四錢

山藥二錢

丹皮錢半

附子一錢

車前一錢

黃肉二錢

茯苓三錢

澤瀉錢半

肉桂一錢 牛膝一錢

各炒炭。急火煎服。

產後幾五十日。下利滑膩。痞悶嘔逆。此陽結於上。陰撒於下。仿仲景獨治陽明法。

人參 赤石脂 五味子 茯苓

炮薑炭 炒黃米

產後去血過多。陰傷陽損。致畏冷倏熱。急宜溫養營氣。勿雜治也。

人參 歸身 桂心 桂元

茯苓 神 炒芍 炙草 枸杞

產後五十日。暮熱汗出。身動氣喘。帶下綿綿不斷。腰脊痠軟牽痛。此肝腎液虧。衝任空乏。法當通補下焦。久延怕成蓐勞。

淡萸蓉 炒杞子 當歸身 紫石英

白茯苓 生杜仲 炒白芍 五味子

陰虛潮熱。在產後肝腎本虛。始誤於逐瘀泄氣。鎮補稍安。再誤延胡。枳實攻逐。腹中刺痛。營傷何疑。

人參秋石拌烘

生地

炙草

茯神

阿膠

白芍

產後下損。治嗽肺藥是上焦藥。藥不對症。先傷脾胃。此食減腹膨跗腫所由來也。

人參

沙苑

杜仲

茯神

螵蛸

枸杞

產後血去。陰傷骨熱。大凡實火可用清涼。虛熱宜用溫補。藥取味甘氣溫。溫養氣血。令其復元。况產傷之損。蓐勞病根全在肝腎。延及奇經。豈泛然雜治所宜。

人參

杞子

菰蓉

紫石英

河車

當歸

胡桃

茯神

產後形肉日瘦。經水逾期。此屬內損。問經來無痛。與方書氣滯經遲迥異。養肝衝任可矣。

當歸

生地

柏子仁

丹參

白芍

杞子

茯神

桂枝

烏骨雞丸

尊勞自春入秋。肌肉消。色痿黃。外象漸寒。心腹最熱。藏陰損不肯復。形空氣聚。非有物積滯也。

人參

生兔絲子

炒當歸

茯苓

煨木香

小茴香

眉心痛。心中熱。腰脊痠痛。五心皆熱。自產後半載。肉消減食。乃下焦陰液大耗。而肝風挾陽震動矣。病自內損。服藥無益。閱醫雖曰養陰。半投芎朮。不知何意。

生地

炙草

阿膠

羚羊角汁

麥冬

白芍

麻仁

產後發熱後。陰虛為多。陰不內守。陽外泄為汗出。自秋徂冬。形肉消燦。

人參

炙草

炒芍

五味

炮薑

茯神

甘溫佐以酸收。陰陽有漸交之機。熱緩加穀。可謂明驗。然產後損傷。古人遠剛取柔。使有情生氣日泰。理體可以卻病。

人參

熟地

河車膠

歸身

五味子

產後內虛。復感冬溫。遂寒戰後汗出。乃厥陰如瘧。非輕症也。

炒生地

炙甘草

阿膠

炒麥冬

生白芍

麻仁

蓐損當夏發泄。惡風畏冷。便澹汗出。法宜養營。

人參

冬朮

桂心

五味子

炒白芍

茯苓

廣皮

炙草

全當歸

蓐勞下損。損及八脈。醫投清內熱滋陰。致胃傷食減寒熱。下元衝氣。上逆欬嘔。而咳嗽藥治肺。與內虛下損益無干涉。帶淋骨熱。髓竭液枯。蓐損較平常損怯更難。寒暑更遷不復。草木焉能奏功。免與血肉有情。望其加穀。可得悠久。

紫河車

洗潔一具

人乳

八兩

生紫石英

棗一斤

血餘炭

二兩

秋石

一兩

同煎。河水熬膏。人參湯服二錢。



產後自乳陰傷。卽是亡血虛象。陡然驚恐。內動肝腎。脊椎尾閭骨凸。肌癢。自藏陰損及奇脈矣。先冷後熱。厥冷見症。良由骨枯髓竭。草根樹皮。何能濟事。

常用人乳熱飲。日二三次。

產後失調。蓐勞下損。必映奇經。心腹痛寒熱。脊痠腰痠。形肌消燂殆盡。若縷縷而治。卽是奔極。凡病宜通。補而兼通。能入奇經。

人參

炒黑枸杞

炒黑小茴

麋茸

炒蒺藜

當歸身

蓐勞下損。久則延及三焦。不獨入脈。晨瀉嘔食。心熱下冷。吸短脹痛。焉有寒涼止嗽清熱之理。扶得胃口安穀。月事仍來。方得回春。

異功散加南棗。

脈數左甚。衝氣上欬吐血。嘈雜如抓。常有眩暈喘促。此產後失調。腎肝內損。若不斷乳靜養。春末夏初。必致受累。

熟地炭

炒山藥

炒枸杞

五味子

建蓮肉

白茯苓

形冷驚怕。旬日經淋漏注。心怔悸如懸旌。自七八年產後致病。夫肝主驚。腎主恐。產後先虛在下。奇脈不爲固束。急急溫補固攝。仍佐通藥。其力可到入脈。

紫石英

炒枸杞

人參

麋茸

烏鰂骨

沙苑

茯苓

衝任內損。經淡日遲。形神漸漸瘦痿。猶是產後不復。先議溫通入脈一法。

當歸身

鹿角霜

紫石英

小茴香

淡菝葜

茯苓

產後下虛。血病爲多。今腕中痞脹。減食不運。全是氣分之病。但調氣寬中。勿動下焦爲穩。

生香附

桔梗

神麴

蘇梗

薏仁

茯苓

產後病起下焦爲多。今右偏頭痛。得煖爲甚。納食則腕腹加痛。必瀉則已。夫痛隨利減。已現濕鬱氣阻。熱自濕升。恆有是證。從脾胃門調治。

生於朮

紫厚朴

煨木香

嫩香梗

茯苓皮

小茵陳

新會皮

香附汁

產後腹痛脈數。足不能伸。瘀留入絡。結為小腸癰矣。

失笑散加桃仁歸尾醋炒蓬朮

死胎至旬日乃下。必有尸濁穢氣。留着衝任脈中。至今黃白帶淋。自腰以下冷。大便久澹。產後剛劑難進。議用朱南陽方法。

殺鼠糞湯

女科肝病為多。產後必病及八脈。即如少腹聚瘕。瘕氣攻心下必嘔吐。上泛則咽喉閉塞。經水半年不來。越日必有寒熱。凡下焦多屬血病。瘕屬氣聚。瘕為血痺。病在衝脈陰維陽維。混混醫藥。烏得入於奇脈乎。

地驚蟲

川棟肉

驚甲

桃仁

麝香

延胡索

查肉

蓬朮

卒然心痛寒熱。恰在產後。即內經所謂陽維為病苦寒熱。陰維為病苦心痛。維主一身之綱維。其陽行衛。其陰行營。二脈致偏。不飢少納。腹脹瘕聚泄瀉。夏月經必先期。秋冬下焦常冷。

鹿角霜

當歸

生杜仲

芡實

白茯苓

沙苑

小茴

淡菴蓉

湖蓮

炒黑艾

紫石英醋炒

紅棗肉爲丸

又去艾加河車膠。

腕痛映脊。甚則四肢逆冷。問當年產後瘦泄。今帶淋經漏。脊椎痠垂。內經云。陰維爲病。苦心痛。維脈陰傷。異治。非破氣降氣能療。

鹿茸

枸杞子

當歸

沙苑

鹿角霜

肉菴蓉

小茴

茯苓

產後瘦癥。

葱白丸。每服二錢。艾棗湯送下。

產後堅痛少腹癥。

桂心

當歸

白芍

茯苓

紫英

小茴

香附

羊肉膠丸。

背痛徹心。帶證多下。兼有氣逆衝心。周身寒慄。乃衝任脈虛損。病從產後來。

歸身

炙草

桂心

白芍

杞子

茯苓

肝脾不和。少腹脹。足浮腫。帶下。因於產後未復。

大腹皮

當歸身

荒蔚子

柏子仁

茯苓皮

小茴香

小香附

胎前水溢浮腫。喘滿不得臥。開太陽獲效。既產浮腫自然漸退。女科不明產後下虛。多以破氣寬脹。百日來腹大且滿。按之則痛。此皆氣散瀰漫。爲難治之症。議用炒枯腎氣丸。兼調琥珀末以調其血。

冬至一陽初復。驟有肢麻火升。其失藏已屬下虛。月餘。值黃昏。氣塞心痛喘逆。戊亥陰時。衝逆下起。肝藏厥逆。直將犯上。至於坐不得臥。直至產後。下虛更極。水穀濕氣。未能循腑分流。傍漬滲入經脈。從前厥逆肝氣肝風。由然沸騰搏激。似湍水東西。可使過額之喻。究竟病根全在平昔抑鬱。內經驚恐。明指肝腎。今既失司。腑氣不主宣化。至陰之藏。調之非易。議以專走足太陽表中之裏。冀陰陽漸分。經旨

謂太陽司開立法。

薏苡仁

淡乾薑

茯苓塊

大杏仁

五味子

生白芍

此水氣結聚。壅遏經隧。致呼吸有阻。爲噫氣。而其聲在咽底。况任脈行乎身前。母子經行。必關衝任。今氣痺水畜。血亦化水。爲腫脹。胸高腹大。水性就下。搏激可使過額。下竅久閉。狀如甕底。曷不效。禹治水之功。徒執寒熱補瀉爲法。宜乎久藥無功也。

十棗丸

經水不來。先天素弱。因多鬱嗔怒。肝木疏泄。水飲傍漬而腫脹。最爲難治。

米仁

牡蠣

防己

茯苓

澤瀉

葶藶

多產五液。走泄殆盡。年已六旬。反患淋漓帶下。大便日見枯澀。少腹形膨脹。血液既去。氣散不收。行氣破氣。是速其凶矣。

炒焦腎氣湯



腰痛如束。腹膨欲脹。入脈爲病。

鹿角

小茴

茯苓

杜仲

當歸

本質最虛。多憂積鬱。春深入夏。陽氣發泄。脾弱失運。納穀漸減。土中陽漸。濕生氣鈍。肝木來尅。腫脹日著。血敗化水凝結。小便日加短濇。濕墜注腸。大便驚滯。陽氣不交於下。膝下寒冷不溫。脈濇經閉。顯然血蠱。濁氣上干。必有喘急。夜坐不臥。見症險篤已極。勿得小視。以通陽腑理虛。冀陰濁不致閉錮。

人參

淡乾薑

茯苓

淡附子

猪膽汁

澤瀉

動怒忽心腹痛有形。此氣聚成瘕。乃肝虛氣逆。用辛補體用方。

人參

炙草

當歸

川棟子皮

茯苓

白芍

桃仁

肝失疎泄。二便不利。少腹素有瘕症。氣逆爲厥。治以辛潤。

當歸

葱管

柏子仁

小茴

桃仁

茯苓

冬季腹大。大便不實。以通陽洩濁。初用相投。久則不應。久寡獨陰無陽。鬱慮。至少腹結癥。其病在肝。五旬外正氣日衰。邪不可峻攻矣。

六味加小茴香、川棟子。水泛爲丸。

衝任脈虛帶下。少腹痠聚肢麻。

歸身

桑葉

牡蠣

荒蔚子

茯神

建蓮

少腹痠聚攻痛。淋瀝不止。

葱白丸。艾棗湯送下。

肝陽上升。陰失內守。心痛火升帶下。

生地炭

天冬

杜仲

歸身

女貞子

茯神

川斛

柏仁

入脈空虛。衝陽上逆。上熱下冷。肉瞤筋惕。帶下變色。晨必痠泄。非滋清陰潤所宜。

桑螵蛸

生杜仲

湖蓮

菟絲子

沙蒺藜

茯苓

食少便溏帶下。

人參

生朮

小茴

鹿角霜

杜仲

茯苓

炮薑

炒當歸

桑螵蛸

艾炭

紅棗肉爲丸。

腕中氣通。帶下赤白。此平素血虛。近日時氣復傷其陽。六脈無力。下滑不禁。爲病臥久。非堵塞可愈。仿東垣固真寄升降方法。

人參

生乾薑

柴胡

郁李仁

廣皮

炙甘草

黃芩

白葵子

脈數盜汗。心嘈欬嗽。腹痛便溏。形體日瘦。小溲淋痛。此肝腎真陰大虛。欲爲勞怯。不可輕視。

熟地

芡實

炙草

女貞子

五味

山藥

茯神

陰虛淋閉未減。近日腹痛吐瀉。喜得冷飲。必有暑濕內着太陰脾藏。與本病兩途。先宜分消調中。俟痛瀉平再議。

黃芩

益智仁

黑山查

白芍

陳皮白

木瓜

下焦熱甚。陰陽氣泄。腹痛未止。與和中堅陰法。

熟地

炒歸身

黃柏

炒查

炒白芍

草薢

驚憂惱怒。肝失其用。遂成淋閉。

當歸身

柏仁

車前

郁李仁

牛膝

黃柏

寡居少歡悅之念。肝膽中鬱勃氣火。直上直下。莫能制伏。失其疎泄之用。小溲成淋。以厥陰肝脈環繞陰器。議進龍膽瀉肝湯。鬼神亡靈。皆屬陰魅。寡居獨陰無陽。病起驚恐。必腎肝致藏損所致。經水仍至。以寧攝神魂。定議韓祗和法。

當歸身

羊肉

龍骨

肉桂心

生薑

牡蠣

任督失司。脂液暗消。八味丸可以常服。再議固奇脈方法以佐之。

人參

菟絲子

覆盆

鹿茸

瑣陽

骨脂

產後厥證。下虛爲多。怕風寒面腫。肌肉如蟲行。腹瀉肢縱。此方虛風議和入脈。

枸杞

小茴

鹿角霜

菟絲子

杜仲

當歸

沙苑

茯苓

薑棗湯泛丸。

脈沉。懷妊八月。久咳背冷。冲逆不得臥。此因抑鬱。陽失轉旋。濁凝飲結。當治飲不  
治咳。

桂枝

淡薑

白芍

茯苓

五味

色脈無神。虛煩久咳。寒熱不止。因悲哀驚恐。病勢反加。胃氣漸減。大便不實。月事

過期不至。恐有下損及中之慮。擬建中法。

人參

白芍

桂枝

茯苓

黃耆

炙甘草

牡蠣

南棗

脈細弱。形寒久嗽。寒熱頻來。易於驚恐。經來色淡且少。不耐煩勞。此陰陽內損。營衛造偏。仲景凡元氣有傷。當與甘藥。知清涼治嗽等法。非醇正之道。

黃耆建中湯去薑

虛損久嗽失血。晝寒暮熱。經閉食減。大便不實。當交春病增。少陽生炁不至。春半後肝木大旺。其能久延乎。

炒生地

阿膠

炙甘草

蓮肉

炒麥冬

茯苓

生白芍

又人參

茯苓

生地炭

茯苓

蓮肉

川石斛

挹鬱內損經阻。筋骨皆痛。損傷不復。即是勞怯。溫養流通。望其鬱脾氣血融和。但以清熱見血理嗽治。百無一活。



當歸

生鹿角

桑寄生

枸杞

生杜仲

寡居苑勞。係乎情志損傷。草木難以奏功。因近日火升下寒。暫進加味貞元飲。制龍相之陡起。

熟地

白芍

青鉛

牛膝炭

茯苓

虛體驚恐。遂成癰厥。議鎮肝熄風養陰平陽法。

生龍骨

生地

生白芍

生牡蠣

阿膠

烏梅肉

血液已空。肝風翻越。產後大虛之體。厥逆昏冒。皆是肝陰欲絕。陽氣挾內風上蒙清竅。昨議鎮肝熄風。旦日頗安。暮夜再厥。陰氣枯槁已露。最難調攝。何疑。

製首烏

天冬

生地

黑穠豆皮

茯苓

川斛

肝風陽氣升於清空。咽喉阻痺。心似懸旌。緣春半地氣上加。產後下虛。藏納未固。

隨時令而越。議用鎮陽守陰方。

龍骨

阿膠

生白芍

牡蠣

鷄子黃

米醋

又 人參

小麥

生白芍

阿膠

茯神

川棟肉

又 淡天冬

陳阿膠

製首烏

茯神

黑豆皮

生白芍

脈瀯數。上盛下垂。肝腎真陰下虧。陽氣內風上泛。舌齦欲腐。附腫。進腎氣丸三日。即見腸紅。暮夜熱蒸。晨朝汗泄。大便常有溏泄淋滯諸恙。當理足三陰之陰。仍佐固真攝下主之。

水製熟地

女貞子

茯神

白芍

五味子

禹餘糧

芡實

秋石

糯稻根鬚、山藥粉丸。

脈沉右弦。月經漸少而閉。腫由下而上。此血化爲水。氣壅經脈。大便久瀉。小便不

利。六腑不通。從太陽開導以泄其水。

五苓散。加厚朴。調入琥珀末。

胃脘痛起。必經漏帶淋。嘔吐不納食。醫者多以開洩理肝。及參連薑桂。治三月。病幾危殆。六月念四診。議宗內經陰維脈病獲效。秋燥冬溫氣加。因咳嗽而吐血。思絡空氣乘。非偏寒偏熱可治。女人肝為先天。首重調經。恪守此議為正。

烏骨雞膠

生地

女貞

建蓮

桂圓膏

白歸身

阿膠

柏仁

茯神

膠膏為丸。

煩勞繼以悲哀經阻三月。是二陽之病發心脾。

當歸

川芎

澤瀉

白芍

香附

查肉

接服柏子仁丸。

娠八九月。胎吸母液。陽擾煩蒸。心痛引入少腹。謂之子懸。失治有三冲三激之累。

生地

天冬

柏仁

阿膠

女貞

茯神

初產

益母草

炒查肉

延胡索

澤蘭

炒麥冬

黑豆皮

安胎

桑寄生

人參

石亮建蓮

川斷

砂仁

台州青苧

產後宗王損菴劫胃水法。用理中湯。

人參

焦朮

炒薑

炙草

劫胃水已應。議升陰中之陽。互入攝固。

人參

炒當歸

五味子

茯神

麋茸

尊勞久損不復。舌絡牙關牽掣。陰乏上承。浮陽內風上熾。當與靜藥養陰和陽。

生地

天冬

當歸身

桂圓膏

阿膠

麥冬

女貞子

烏雞膠丸方

脈數左弦右濇。產後經年。右肢痛楚。不能步趨。雖曰勞怒傷肝。營陰暗虧。不能涵養筋骨所致。然久久陽明之脈交傷。焉能束骨利機關之用。肌肉漸瘦。寒熱不止。是足三陰交虛成損。上及胃腑之象。議藥當主通補。但病久延。根蒂已虧。恐淹纏不已。病日加增。未敢輕談易易也。

羚羊角

製首烏

女貞子

生杜仲

白蒺藜

大胡麻

金石斛

黃耆

脈右弦左數。五年前經漏癥瘕。又復生產。繼之帶下綿綿。年來色奪氣短。食減。外寒內熱。脊骨腰脾痠楚。若墜。時欲拊捫。少安。仲景謂產損諸病。多從下焦肝腎起見。藏陰虧損。漸干陽分。而衝任督帶諸奇脈受傷。有形精血。難以速成。下焦空乏。隧道於遠。雖補劑頻施。不能沾及。故未易取效也。若暴崩暴漏。溫經固濇可投。今屢年帶淋。脂液暗耗。陰分大傷。豈可溫熱剛暴。再劫其陰。宜從陽引陰。扶之培之。可耳。見病治病。有何益哉。日久髓枯。將有損不得復而成勞怯者。

鹿角霜

菰蓉

當歸

熟地

沙苑

杜仲

小茴香

茯苓

症是損怯經閉。診左脈濡小。前用溫通湯藥。心下稍舒。繼用膏子柔膩。便溏。少腹堅硬。小溲不利。凡脹屬氣滯質虛。斷不可強執通經。議早服五苓散。暮服禹餘糧丸。壯水臟以分利小便。是氣鬱脹閉治法。

白朮

猪苓

桂心

茯苓

澤瀉

### 幼科

形瘦。脇中有形。五心煩熱盜汗。雖是童真。久延疳勞。

使君子

廣皮

胡連

查肉

砂仁

白朮

茯苓

白芍

厚朴

雞肫皮

久病腹膨。目眶下紫。是脾虛挾積。即疳熱之症。



乾蟾丸

利後陰傷。五心煩熱。穉年恐致疳病。最宜薄味調養。夏冬可與清熱肥兒丸之屬。

白芍

胡黃連

南橋山查

乾荷葉

茯苓

牡丹皮

炒澤瀉

汗後泄瀉不解。非因表裏客邪。初起嘔吐而瀉。今噫氣尙然穢濁。知平素過愛雜食。屢傷脾胃。兩旬不愈。爲幼科疳蝕瘦蒸之症。乳汁甘美。慮熱化痰。再吐便有驚厥矣。

胡黃連

枳實

豬苓

廣皮白

查肉

澤瀉

犀角尖

白金汁

鮮石菖蒲

連翹心

鮮生地

金銀花

溫邪入肺。肺移熱於大腸爲瀉。瀉白散清其受病之源。頗是。但上焦氣壅熱聚。氣逆則咳喘嘔吐。幼年怕有痙厥。進辛寒解邪。豎抱令臥。勿使肺葉張舉。易得安痊。乃百試百中捷徑。

杏仁

米仁

荷葉梗

連翹

橘 紅蜜炙

釋年食物不節。胃土受傷。熱蒸於裏。肝膽木火化風。遂成癇厥。口鳴喎肢牽。皆風火燥及絡脈。若仍亂食。厥逆不止。有五癇不治沉疴。

川 連

膽 星

遠 志

枳 實

黑 梔

橘 紅

桔 梗

萊菔子

釋年形消脈小。食物日少。晡熱早涼。汗出。損勞難治。幼科門內損。必皮毛血肉之傷起。因議調營衛。

黃 耆

歸 身

米 糖

南 棗

幼年冬月短氣煩悶。寐中筋惕肉瞤。乃因未充長。陽浮則動。當用六味丸加麥冬、五味。

釋年脾胃氣弱。夏秋瘧痢。宜顧戀中土。醫不明此理。惟發散消導。致元氣衰憊。肝風內鼓。爰成慢脾驚搐。遂令無藥可挽。勉擬一方。

犀角尖

白金汁

鮮石菖蒲

連翹心

鮮生地

金銀花

痘科

診後夜來大便三次。午後看視。堆沙甚薄。額準諸痘。枯癰少漿。可見元氣日虛。裏毒無以領載而出。今日理進攻托。遲則恐其乾涸塌陷。

黃耆

當歸

殭蠶

桑蟲漿

防風

炙草

山甲

木香汁

次日漿有五分。不肯肥飽充頂。昨停涼藥。寢食大便頗宜。頃燈燃看視。自云畏寒。經云。形寒飲冷為肺損。蓋見肺主一身氣化。氣虛性薄。皮腠不營。法當參耆益氣。氣充漿成矣。近日幼科以毒為疑慮。吾謂氣壯毒化。邪與正不並立也。

歸身

人參

川芎

炙草

黃耆

官桂

廣皮

木香

次用錢氏異功散加木香、丁香。

次用四漿散。

又首烏

茯苓

百合

炒芍

米仁

沙參

四朝半 汗出衛疎。肌肉柔嫩。氣虛證也。今日猶在六日前。宜和血脈升頂。少候形充。卽商內托。至於保護脾胃。猶不可缺。

川芎

殭蠶

紫釧

廣皮

當歸

炙草

丹皮

鷄頂血

五朝 賴有形紅潤色澤。得以運行漿汁。而嘔噤泄瀉。脾胃氣弱。已見一斑。五行火能生土。况肺金溫煖。氣化流行。如陽春布德同旨。

人參

炙草

厚朴

官桂

丁香

木香

腹皮

當歸

六朝 清漿已有六七。色頗鮮明。氣血有生長之機。助元正所以化毒。兼理脾胃。保元湯加川芎、木香、肉果、黃米。

七朝 漿已八分。其色淡白。要知氣血不足。到此便顧脾胃。色漸蒼黃。卽可回痂。以杜氣弱難收之弊。竊錢氏異功意。

人參

白朮

廣皮

茯苓

炙草

米仁

八朝 痘至回痂。皮毛內應乎肺。此音低欬嗽。有自來矣。古人進清涼以助結痂。譬之秋令收藏。萬物乃登。小便頻長。腑無留毒壅滯。非徒爲虛而呆補爲也。

米仁

苦皮百合

甘草梢

茯苓

地骨皮

淡竹葉

九朝 回痂嗽。音低。痘氣由裏傳及肺部。氣之所至。卽爲熱氣熏灼。只因脾氣未實。沉寒亦犯禁忌。故小便欲長。驗肺氣降也。輕清涼解。毋傷中也。古人云。疹前痘後。最宜詳慎。

淡黃芩

萊豆皮

米仁

甘草梢

地骨皮

金銀花

連翹

茯苓

五朝 痘已大發。面部細粒繁冗。界地不清。抑且神躁不安。身更痿頓。毒火時瀉。並重佈。此血熱大險之痘。今日痘熱雖透。所謂痘雖出。毒猶在裏。大劑寒涼。疎利氣血。使時火去。神識清。顙頰諸痘綻立。分清界地。乃是好處。

犀角

查肉

川連

連翹

元參

青皮

羚羊

丹皮

紫 釧

大 力

赤 芍

木 通

四朝 議用清火解毒活血疎滯。痘繁乾燥。乃不得起脹之象。險重。

犀 角

查 肉

生 地

連 翹

元 參

羚 羊

丹 皮

金 汁

土 貝

紫 草

黃連膏

豬尾血膏

銀花湯煎。

五朝 兩日來大劑清解。痘粒仍屬乾萎。可見火毒蒙蔽氣血。邪勝正怯何疑。毒不外透。徒在裏蒸。搏痰潮侵咽。噎逆來矣。總頻與清涼。痘之潤澤。非成漿形色。至險至險。議以牛黃珍珠護心包以利毒痰。湯藥方法。不越寒涼範圍矣。

川黃連

犀角汁

土 貝

丹 皮

金汁生地

地龍汁

羚羊汁

連 翹

桔 梗

元 參

六朝 三次大便。竟是藥汁。乃胃中穀氣已少。苦寒直從下走。究竟痘形乾痿。肢泡臃然。並無毒肯解化之兆也。已經洞泄。其滑潤又當酌進。必得胃甦納穀。希冀



堆沙發臭。

黃連

土貝

羚羊角

丹皮

黃芩

桔梗

連翹

紫茸

七朝。雖是清漿。顏色呆鈍。仍是鬱毒。尙多氣血不足宣布之象。况肢腿發泡。搔痒損泄。皆伏危機。今日清解滋血。佐以攻托。務使胃甦進穀。穩過十二朝。方有好意。

黃連

生地

銀花

殭蠶

桑蟲汁

黃芩

丹皮

連翹

紫茸

銀花地丁湯煎。

九朝。神衰困倦。夜來繚舌咬牙。煩不肯寐。况進粥食甚。是勉強猶非全好光景。古云重恙必講寢食。今陽火與痘毒尙亢。而陰血津液暗燥。清涼多進。熱不盡解。攻蒸兩投。毒未鎔化。磨挨多日。究無實濟。因思內經云。寒之不寒。爲無水。當養其陰。擬此連進三天。扶過十二朝再議。

炒熟地

茯神

麥冬

天門冬

川斛

米仁

頭面有收斂之象。雖曰回痂。而食物不加。便溲未調。究竟毒未盡化。正氣先怯。危機仍若。連進苦寒攻毒以來。胃氣受藥。亦致廢食。凡欲自思進之物。皆能醒豁脾胃之性。停藥以和胃。越二日再議。

三朝時癘毒火兼盛。表裏不清。煩躁神昏。佈痘不爽。痘屬險篤。幸賴年已十三。能耐摧拔。庶可幸成。

石膏

大黃

青皮

連翹

紅花

方諸水

黃芩

桃仁泥

查肉

牛蒡

滑石

四朝時癘毒火。當蔽心包絡。所以昏憤譫妄。况痘子界地隱隱夾疹。血熱煩蒸已極。不獨治痘。先須清神為要。議三黃解毒湯。

淡芩

黃柏

石膏

黃連

滑石

黑梔

五朝 神識頗清。全賴苦降之力。論年長出痘。人事已曉。肝中相火。腎藏龍火。皆得掀騰升發。少陰脈循咽挾舌。厥陰脈貫膈繞咽。一水不能制伏。恐其阻塞咽喉。陽氣燔灼。吐湧涎沫。爲膠。原在難治之例矣。經云。火淫於內。治以苦寒。佐以鹹寒。鹹能潤下。直入至陰。溫邪宜潤忌燥。不僅痘門通套已也。

川連	元參	黑山梔	犀角
方諸水	川柏	生地	龍膽草
丹皮			

六朝

川連膏	丹參	犀角汁	連翹
生地膏	元參	丹皮	羚羊汁
土貝			

銀花湯煎。

又 川連膏	天冬	麥冬	連翹
銀花	元參	生地	川貝

生 草

十一朝 漿滿回痂。毒氣已泄。口唇痘子。未若肌表漿痂。必成熟腐而落。此最動之處。最易變疳。明日便約疳醫洗治爲要。

川 貝

生 草

天 冬

銀 花

麥 冬

元 參

知 母

連 翹

又 天 冬

生首烏

生黃耆

銀 花

麥 冬

小胡麻

地骨皮

連 翹

又 金石斛

天 冬

生首烏

連 翹

地骨皮

麥 冬

金銀花

山豆根

十八朝 虎潛丸。

八朝 火毒卽是血熱。理用寒涼。氣虛乃元弱不領毒外達。治宜內托。二症相反。有如冰炭。若之火毒便非氣虛。今週歲嬰孩。面有清漿五六。背部根暈皆散。八日來不思納穀。反現嘔噁咬牙。泄瀉渴煩等象。全屬裏虛毒陷。若不急保脾胃。溫養氣血。以運行漿汁。必致延挨告變。陳文中云。渴瀉嘔惡。或腹脹。或不腹脹。十一味

木香散主之。憑理考古。不敢因循苟且也。

九朝 七味豆蔻丸。研入米飲內服。

十朝 瀉止能食。最是好處。但痂瘡甚薄。漿汁不濃。毒未化盡。半月後恐有餘毒纏綿。今解毒涼藥。脾胃尙弱。未可驟進。姑與健脾利水一二日。當停藥安穀。至初十間再行解毒爲穩。

熟白朮

炙甘草

米仁

炒陳皮

白茯苓

炒白芍

炒穀芽

炒澤瀉

三朝 正面不掀發。色猶鬱伏。時氣固從熱論。驗形體已屬不足。刻下輕潤涼解活血六七日。受補可療。然症象已繁多屬險。

犀角

紫草

連翹

木通

滑石

查肉

丹皮

甘草

紅花

笋尖

四朝 正痘皆發。形軟蓬鬆。色嬌皮嫩。是氣虛形色大著。或以身夾斑點爲血熱。此乃時癘混入血中。非本體之見端。故六日前清涼活血。皆解邪之法。七日間助

元內托。乃養正之法。仍以輕清。議用

犀角

紅花

紫草

杏仁

殭蠶

羚羊

丹皮

甘草

連翹

查肉

加雞冠血

五朝 不肯光華。形象扁塌。此氣血俱餒。未能領載毒氣以化漿。則知寒涼解毒。乃通套常方。而煦提氣血。方稱工巧。

川芎

炙草

殭蠶

紫茸

歸身

查肉

角刺

桔梗

加雞冠血。

氣血寒涼太過。脾胃傷則嘔澀。議用異功散。

寒戰咬牙。泄利清滑。粥食不受。從前寒滑重傷脾胃。致毒不盡。神內怯。腸中滑不自持。雖參朮亦從滑下。惟有陳氏法急固下利。

七味豆蔻丸

脾氣初結。未可解毒涼潤。



白朮炭

建蓮

山藥

炙黑草

薏苡仁

茯苓

澤瀉

二朝 時氣與內毒痹結喘促痘不發越。宜通氣血。調暢六腑。

石膏

大黃

酒炒

紅花

青皮

滑石

查肉

桃仁

木通

三朝 痘形八九不得均勻。而形色乾燒。已爲火象。清解涼血透毒爲治。

犀角尖

查肉

連翹

丹皮

生草

羚羊角

紫茸

牛蒡

桔梗

四朝

羚羊角

元參

殭蠶

生地

紫茸

川黃連

桔梗

查肉

丹皮

鷄冠血

銀花湯煎。

五朝 火毒未化。咬牙噓咳。嘔惡腹膨。清解兼疎滯。

羚羊角

查肉

殭蠶

紫茸

連翹

川黃連

廣皮

土貝

丹皮

桔梗

銀花湯煎。

六朝 火毒未爲盡透。腹膨便澹。不欲進食。此脾正虧。而腸胃中滯氣不行也。議以養營托裏疎理滯氣之法。

川芎

腹皮

殭蠶

厚朴

當歸

廣皮

角針

青皮

八朝 攻毒以來。漿未鼎充。而腹膨嘔逆身熱。二便頗通。豈云食滯。脚之脾胃間。尚有蘊伏熱毒。阻撓流行氣機。脾滯爲脹。胃逆爲嘔。若不清理。痘中雜病。須防喘急疳蝕。

竹茹

枳實

麥冬

青皮

川連

橘紅

茯苓

腹皮

九朝

川黃連

黃芩

桔梗

銀花

橘紅

益元散

連翹

川貝

地丁

痘形色不雄偉掀發。是屬氣虛。議進透肌安表。

荊芥

赤芍

查肉

桔梗

笋尖

牛蒡

紅花

廣皮

甘草

四朝 痘已發齊。稠密不準。額準盤鬆不綻。諸部亦少光彩。氣虛毒重。八九恐生癢塌。今議用升頂提透。不可擅用寒涼。

川芎

歸身

紫葺

殭蠶

鷄頂血

桔梗

紅花

查肉

甘草

酒漿

五朝 元虛痘密。起發成漿最難。今日再進提托。少候形充。即商內托。受補為佳。

川芎

炙草

殭蠶

查肉

羊肉

歸身

廣皮

角針

紫茸

鷄頂血

六朝地閣頤頰稍稍光潤。所謂行漿之色。奈何天庭枯白。形似蛇皮。陽位不宜。究非善狀。急急溫補氣血。從內托毒。遲則變症。補必無益矣。

人參

川芎

廣皮

查肉

黃耆

當歸

炙草

鷄頂血

七朝

人參

川芎

當歸

廣皮

黃耆

鹿茸

炙草

查肉

八朝漿有四分。闊塌發癢。慎之。

人參

黃耆

炙草

木香

歸身

鹿茸

坎炁

廣皮

肉果

九朝 面部清漿欲涸。周身暈散塌闊。咬牙泄瀉。納穀不多。兩日痒甚。今日稍和。表裏正虛。毒陷欲涸。再當攻發。繼進木香。異功散。理肺安脾爲要。

十一朝 頭面半漿回痂。肢體灰陷不榮。虛中留毒。險篤在於明後。今寒戰咬牙不食。則正氣欲脫。擬以附子理中湯加茯苓。

四朝 身小痘多。氣虛血熱。今時氣未盡。尙宜疎解。五日後便當補托。猶宜加意。可冀有成。

荆芥

查肉

紅花

桔梗

冬米

牛蒡

僵蠶

川芎

丹皮

五朝 身小痘多。元氣甚薄。凡起脹灌漿。全要精神。待毒自發熱。體少安適。至七八成漿。神氣已經耗損。故痘書云。小舟重載。八九風波可見。元氣日薄。癢塌。內外症象都在是期。虛中挾毒。明明險象。今議用和血提頂起脹方法。

川芎

炙草

紫茸

木香

鷄頂血

當歸

廣皮

炒查

殭蠶

六朝 痘雖放白。已具行漿之勢。所嫌頂不高聳。况又咬牙。大便頻下。內虛之象。已見一斑。今急急補托。使精神稍振。可以送毒化漿。

黃耆

炙草

木香

殭蠶

歸身

川芎

廣皮

黃米

七朝 色白不能紅潤。大便頻下。是精神內竭。有下陷之象。擬進參歸鹿茸湯。冀其元氣稍振。便可僥倖成功。

本方加肉果、訶子皮、炒廣皮、木香。

八朝 漿水不行。咬牙腹痛泄瀉。此正虛氣滯毒凝。補托極妥。慮虛不承受。陳文中云。渴瀉腹脹。可與木香異功散。以安中疎滯。

人參

蘇梗

厚朴

丁香

當歸

木香

前胡

青皮

腹皮

川芎

加炒黃米

六朝 形純色扁。是痘發毒鬱於裏。不肯成漿。焉得毒化。况內證如不食。口臭下



利。元氣爲毒拘束之象已著。無對症之藥。不得已以當世通行涼解。實無濟也。

犀角

紫釧

殭蠶

生地

連翹

丹皮

查肉

銀花湯煎。

六朝 肉部腫瘡枯。周身形象不偉。本虛氣血不行。毒氣漫無拘束。必得痘形充長。顏色潤澤。方有成漿之望。議以清毒內托。兩和氣血。

黃連

歸身

丹皮

廣皮

川芎

炙草

紫釧

殭蠶

雞頂血

七朝 色稍潤。形尙癰。血有承載之基。氣少煦運之力。古人每以十宣保元勃氣。翁氏亦主六日後專運氣血爲主。今日初見漿來。瘡家氣血耗損。深慮兩日間痒塌。

人參

木香

川芎

酒漿

歸身

炙草

查肉

九朝

人參

殭蠶

歸身

黃耆

甲末

廣皮

十朝 漿未充盈。泄瀉粘膩。雖痰咳上焦未肅。理必急護脾陽。此陳氏方法。何憚不用耶。

人參

酒炒歸身

炙草

肉果

黃耆

酒炒白芍

木香

廣皮

炒黃米湯煎此後十一朝方

十一朝 鼎不充滿。皮殼已腐。不任攻發。惟宜補托。

人參

焦朮

丁香

訶子皮

肉桂

廣皮

厚朴

肉果

炒黃米此方前九朝方

十二朝

炒白芍

茯苓

甘草

丹皮

生米仁 骨皮 銀花 澤瀉  
七朝 音啞痰潮。下利粘膩。翁仲仁云。喘急見於瀉後。總是氣虛而斷。嘔惡不食。  
脾肺兩敗。危如朝露矣。陳氏異功散溫裏托毒。急救太陰藏真。  
八朝 內症安和。仍宜理陽。

人參 丁香 肉果 肉桂  
茯苓 白朮 木香 薑附  
炒黃米湯煎。

二朝 見點隱隱不透。左太陽背部紫斑。雖經下過。精神已倦。難任蕩滌。悶伏之  
象。顯然已著。即投攻發藥石。恐有倒戈之慮。

荊芥 桃仁 牛蒡 紫草  
大黃 青皮 防風 紅花  
桔梗 川芎 滑石 查肉  
藍汁

百日嬰兒。未沾穀食。胃受乳汁甘美。腑氣嫩薄。痘發震動。裏真已覺淒淒不安。藥

味苦劣。胃中氣弱。必有嘔吐泄瀉。是病未攻而正反傷矣。况此薄質。宜乎和不可推蕩。乃至理也。總屬邀天幸。不堪用人工者。議解肌透毒。乳母代食。兼通乳汁。

生地

赤芍

紫茸

查肉

漏蘆

紅花

荆芥

丹皮

木通

通草

形瘦質弱。當夏至氣疾發痘。汗泄肌疎。暑熱傷氣。五朝來。形象枯癯。乏光潤充偉之象。蓋元氣不能運毒以化漿矣。有限日期。若不氣充外灌。必致外剝。內陷諸竅。大凡治痘。必須論體。此虛弱挾毒之證。最難調治。與實火壯盛迥別。議進芎歸湯和血內托。以助充長。

川芎

炙草

紫茸

天蟲

雞頂血

當歸

炒查

丹皮

桔梗

空泡遍起。不肯灌漿。世俗每拘氣過則泡。僉用涼藥清其氣火。夫不足之體。焉得正氣有餘。良由血不附氣為空纍耳。故保元湯內托扶漿。一定至理。此證扶持過

十二朝。投得清涼解毒。合乎先補後清之旨。方有好音。

人參

黃耆

當歸

白粳米

炙草

廣皮

川芎

面漿七八。雖曰稀清。護養弗損。亦可濃厚成痂。但胸中身背形象損傷者。難以聚漿。其他僅有空殼。根暈少附。况兼嘔惡逆神煩。內證未得安靜。虛中挾毒。又非徒補可安。此益元氣血之中。諒必參以清涼。就翁氏論痘。原叱過補。十天痘疹。合乎秋冬之令。夏季發泄。大忌攻擊。以速其腐潰。至囑至囑。

人參

煨木香

歸身

粳米

川連酒炒

白芍

廣皮

晝靜夜煩。陽亢陰虛。緣稗年之體屬陽。乏陰協和。清涼解毒。僅能理時。癘火毒。先天藏蓄之毒。兆於有形之始。豈刻時可徹。論理壯水制陽。益陰解煩。仿仲景之議可也。

六味去萸加芍

正在關津。而陽分散漫之毒。現於頭巔。內虛不受芩連苦寒。姑進益陰臟。通陽腑。

勿使深入裏。此方逸去

冬溫未解。神氣未爲清爽。痘雖熱症。體柔肌白。是爲元虛。清寒不可太過。胃無妨礙。自無變症。殼薄痘多。看護宜慎。

犀角

炒查肉

牛蒡子

連翹

羚羊

丹皮

製天蟲

桔梗

臨服入雞冠血十五滴。

## 痧疹

痧不外透。火鬱於肺。肺脹則喘。口渴煩煩。熱邪在上。况發厥如驚。尤屬熱象。辛寒解利鬱熱。從內經夏至後爲病暑治。

連翹

杏仁

黃芩

山梔

蘆根

牛蒡

石膏

紫苑

木通

病在暴冷而發。肌表頭面不透。是外蘊爲寒。內伏爲熱。肺病主衛。衛爲氣分。兩解



爲是。

麻黃

牛蒡

射干

桔梗

石膏

杏仁

生草

枳殼汁

暴冷外加。伏熱更熾。邪鬱則氣血壅遏。痧疹不肯外達。痰氣交阻。神昏喘促。漸入心胞。有內閉外脫之象。

連翹

射干

滑石

銀花

菖蒲

通草

又牛黃丸

溫疹乃口鼻吸入穢濁之氣。乃無形之邪。上竅阻塞。噎物不下。醫不知有形無形。但曰清火寒降。至藥直入腸胃。與咽中毫不相干。

牛蒡子

銀花

馬勃

連翹

射干

蘆根

外科

脈細數。春夏間水顆如疥。下焦先發。延及四肢。此先天遺熱伏於陰分。乘天地之

氣升越而發。病雖漸渺。除根最難。蓋陰液難成。易損。情慾之感。皆與真陰有乖也。

### 虎潛丸

寢食如常。自上年失血之後。顛頂肌膚發現疥癩搔痒。春發冬瘥。先以和血平調方。

製首烏

九蒸桑葉

浙菊花

炒杞子

三角胡麻

金銀花

紅棗肉和丸。每三錢。

陽氣發泄。水穀氣蒸。留濕爲瘍。流膿之後。而舉丸偏墜。下焦瘡疾。皆濕甚鬱熱之微。以宜行氣分。健陽運濕治。

刺蒺藜雞子清製四兩

生薏仁四兩

製半夏

生益智仁二兩

生於朮八兩

白茯苓

### 水泛丸

骨骱屈伸之間。疥癬經年不愈。痛痒流水。外治敷貼不效。曲折處結核。抑且頻噫乾嘔。納食咽中以阻。經水期至。常有帶下。此陽明經絡中久有濕熱。浸淫既久。必

有蟲蝕。外治清熱去濕殺蟲。內服藥餌以調和氣血為主。佐苦辛通其經絡。使氣血流行。內外兩治相合。

生耆皮

防風

生米仁

白蒺藜

當歸

防己

桔梗

威靈仙

大風癘疾。周身皮脫如疥。夜則烘烘潮熱。盡起鼓慄寒戰。其風毒流布營衛。無地循環不到。爍人氣血。深入藏府。爲瘍科緊要之症。余非瘍科。僅閱古人方書。推古方醉仙散爲首。攷其藥性。藉毒驅毒。慮有齒牙之傷。此症發於秋。甚於冬。至春煖入夏。則鮮相沿發。非纏綿之恙。非規矩準繩所能調攝者。暫宗羅氏既濟解毒湯。與高麗參末。

黃芩

升麻

大黃

防風

黃連

柴胡

威靈仙

甘草

陳酒浸一日。竹籃內攤乾煎服。

咽喉腫痛。湯入咽有阻。此皆鬱熱欲變喉風痺塞。急急清散。

牛蒡

元參

金銀花

桔梗

連翹

射干

萊豆殼

通草

另用川連、冰片、硼砂、牛黃、點痛處。

喉痺勢緩。鬱火釀痰。未經全清。補湯少進。

炒黃川貝

天花粉

大沙參

夏枯草花

鮮菊葉

白通草

癰瘍膿潰以來。臥床氣機未暢。肥甘過進。胃壅生熱。致口中味甜。納少不飢。只因津液潰散之餘。原非痰凝之比。辛燥滲泄。都是動藥。洞然忽空。求助於食。陽動為消也。自述火升由下上巔。病來迅若風雷。與仲景厥陰心熱如飢恰合。可見厥陽震內風生。肝失和胃受擾。咽乾舌枯。亦是厥陰消渴。此肝為主病之臟。胃為受病之腑。古人謂九竅不和。都從胃治。夫清養胃陰。必先制肝陽之擾。故取甘酸化陰之法。

人參

炙甘草

炒麥冬

佩蘭葉

木瓜

生白芍

烏梅肉

瘍潰膩補。胃陽壅遏。加以暑濕熏蒸。自口鼻由中道而入。胃更不和。嘔逆泄瀉。古

人謂九竅之疾。都爲胃病也。但胃爲陽腑。剛燥須忌。久臥牀褥。脾困艱運。和補仍佐通泄爲宜。勿使氣分呆滯。

人參

金石斛

廣皮

荷葉

茯苓

烏梅肉

木瓜

澤瀉

潰瘍未合。頻進培養。反晝夜漸寒潮熱。食物日減。形神日損。近熱甚。衄血。口渴舌絳。肉腠麻木。本虛之體。夾雜暑熱。慮液涸昏厥。擬用復脈湯。菀勃陽生。血氣紊亂。遂成癰瘍。潰膿以來。進參耆內托益氣生肌。雖爲正治。但中上兩焦補法。陽愈升騰。肝木震動。燥筋襲絡。致有偏枯麻痺。診面色油光。平居大便久澀。酒客虛中。有濕不受甘膩溫柔。議以苦降和陽。佐以熄風。其平時調理方法。俟再斟酌。

金石斛

陳膽星

人參

橘紅

烏梅肉

茯苓

潰瘍營損不能食。便瀉復閉。

四君子湯。加當歸。白芍。

年高表疎。海氛風毒侵入陽位。盤踞閉塞隧道。發爲癰瘍。中下兩焦受困。今津竭

便難。無味食減。內風日熾。節過春半。恐有病加之慮。宜潤補。

淡菴蓉

枸杞

柏仁

牛膝

當歸

麻仁

破傷失血液涸。

淡菴蓉

枸杞

生地

川石斛

當歸

天冬

陽上冒。鬱熱蒙竅。

桑葉

鷄子白

海浮石

蘆根

沙參

麥冬

川貝母

陰分固虛。經脈有濕熱阻塞。所以下焦發瘍。津液不得上涵。遂久咳不止。幸得能食。不致傷及中宮。薄味靜養圖安。

生地

乾何首烏

米仁

黃柏

麥冬

三角胡麻

茯苓

葶藶

陰損有漏瘡。咳逆欲嘔。



炒熟地

女貞

山藥

炙甘草

白芍

茯苓

能食形色奪。肛瘍痛。遺精。酸苦。泄熱不應。當通陽攝陰。

茯苓

熟地

黃柏

遠志

茯苓

瑣陽

龜甲

白芍

羊肉膠丸。

督虛腰痛。神倦。有痔下血。

早服斑龍丸。加五味。晚服歸芍異功。水泛丸。

陰傷濕熱。下墜肛痔。溺瀦精濁。

生地

黃柏

川斛

炒黑槐米

丹皮

知母

澤瀉

金銀花

瘰癧不消。伏邪寒熱。

海石

生牡蠣

黃芩

橘紅

小生地

蛤粉

夏枯草

土貝

銀花

丹皮

水泛丸。

癰勞寒熱食減。

參歸耆建中湯。去糖加茯苓。

病起北方。冬月始於腰間。膚膜凝形。既經消散。凡靜坐良久。若皮裏膜外中有牽絆不和之狀。想凝着之寒。必入營分血絡之中。由此壯年不愈。氣血日薄。有癰瘍累瘁矣。

麝香

全蠍

川烏頭

乳香

地龍

沒藥

脈得左搏大右緩。夏秋熱氣從口鼻入。由膜原以分布脈絡。是時水穀腥膩助熱聚濕。經謂濕勝則腫。熱爍為痛。所患右脈及左甚。病久邪深。入於血分矣。經云。陽明之脈。束筋骨以利機關。今躁痛夜劇。便秘不爽。且有渴飲。古稱九竅不和。都屬胃病。水穀氣內蒸。暑濕氣外侮。內外相薄。痺而不通。當思苦辛寒以宣之。宗河間法。

飛滑石

生石膏

寒水石

杏仁

木防己

萆薢

晚蠶沙一兩煎湯濾清煎。

夏秋內伏暑濕。皆是陰邪久瘡。漸致食入痞滿。形寒脈小。當溫中醒陽。莫以清涼治瘡。

米仁

生白朮

薄肉桂

茯苓

五加皮

豬苓

患處熱蒸痛癢。是經脈氣血不行。但癰疽之餘。毒輕爲瘡。重延流注。清解固宜。然胃弱少餐。苦寒宜慎。且瘍發身坐以上。氣分之鬱必究。

金銀花

川貝母

白蒺藜

夏枯草

地骨皮

香附汁

瘡家營衛自虛。寒熱神疲。調補二氣非謬。久虛不復。不徒恃藥。當以靜養身心爲要。

黃耆

當歸身

製首烏

茯苓

桂枝皮

枸杞子

飴糖漿爲丸。

耳聾環口浮腫。是少陽陽明風熱。久而失解。邪漫經絡。顯然。疹現隨沒。當與羅謙甫既濟解毒。

枯 芩

升 麻

荊 芥

銀 花

大 黃

黃 連

葛 根

防 風

甘 草

酒浸半日陰乾煎。

風毒濕鬱。爲六氣所傷。醫治經年。必損氣血。爲內傷症。

白蒺藜雞子製

枸杞子

眉壽堂方案選存終

〔清〕

葉天士

原著

徐靈胎

評批

徐批葉天士晚年方案真本

中國醫學大成





批葉天士晚年方案真本提要

清葉桂撰。桂字天士。吳縣人。張振家參校。振家字筱林。吳縣人。張氏跋云。葉氏臨證指南一書。風行海內。操軒岐術者。恆家置一編。說者謂中多贗鼎。命意立方。間有可議。實非當時之定本。曩從貝師遊。有葉先生手寫方數頁。治法入神妙。字跡亦蒼勁。聞先生家別有存本。相承洎六世。不以視人。乃真洄溪先生所評定者。咸豐初。粵逆擾吳下。其家中落。貨大書簾於市。故紙充塞。檢之則是書在矣。振家以厚幣易歸。如獲波斯鴻寶。今忽忽垂三十年。振家亦老矣。脫終失墜。豈非先生之罪人歟。先生元孫衲人。曾刻醫案存真。而此書未盡刊入。藏爲家秘。爰屬及門諸子。詳加校訂。以公斯世。先生之真傳不泯。亦振家之幸。振家嘗叩先生之書而討論之。偶有所得。附贅於上。聊以醒讀者之目云。此振家得書及刊書之緣起也。閱

其方案。意義確是葉法。且語簡意賅。切合病情。其用藥變通。與江浙人體質甚合。

## 張序

敘曰。古之志士。隱淪卜祝。藏器屠釣。非賤鼎鐘輕軒冕也。喪亂既降。匪才不宏。故有辱身以濟物。降志以匡時。若家無一命之恩。朝無許史之戚。而希黼黻求殊異。亦足恥也。夫利祿有損於賢豪。賢豪無求於利祿。故甘巖壑。悅棲遁者。惡聞足音。然閑曠性之所適。衣食身之所資。不能棄所資。取所擇。是以君平握粟以自怡。韓康負囊而不悔。小林先生。隱君子也。以醫三致千金。視夫士大夫之屈志意。競名利。又與夫無巖處奇士之行。而說仁義。長貧賤者。不可同年而語。義而能富。孔父不等浮雲。巧者有餘。子長於焉驗道矣。予嘗嘆夫技不足養妻子。財不足給祭祀。守殘缺。命高蹈。何足稱焉。此乃小林先生之所羞也。惜其術成不可託後昆。懼其藝之將沒。乃寄意臨證指南。託其宗旨。抒其所得。亦可慨矣。嘗自謂人頌予爲濟

世。如予者。乃世濟耳。蓋無驕之心。見於是語與是書。殆司馬遷所謂富而好行其德者與。夫證莫大於寒熱。班固疾醫之以熱益熱。以寒增寒。然則醫之能辨寒熱者鮮矣。淳于意自云藥方試之多不驗。則十全者難矣。况素問九靈文辭質奧。通人尙難章句。醫乃神聖所慎。今則視爲讀書不成。去學劍之事也。惡能決嫌疑定可治哉。又嘗論世之學師醫師。其權與朝廷等。且爲朝廷之害。何以言之。人雖聖。俗師教之無不狂也。人雖壽。庸醫治之無不夭也。是朝廷培之。俗師覆之。朝廷生之。庸醫殺之。揚馬之文章。鄭孔之學術。管樂之事功。亦云少未遇俗師。長未遇庸醫耳。世之父兄孫子。方卑辭厚禮於俗師庸醫之前。悲夫。若小林先生之綜覽書史。強記博聞。予竊慕焉。宜其逍遙池館。謀度酒食。耆艾若童稚。健步若壯夫。謬述傳於遠裔。待收俸於千戶也。有味哉。張祥齡撰。

批徐葉天士晚年方案真本

清 古吳 葉 桂天士原著

清 吳江 徐大椿靈胎評批

清 古吳 張振家筱林參校

鄞縣 曹赤電炳章圈校

卷上

丁四常熱廿歲勞嗽寒熱是百脈空隙。二炁久虛所致。純用填精益髓。猶慮弗能充養肌肉。日見乾癯。病人說醫用沉香。聲音遂啞。勞嗽大忌香燥大凡香氣如煙雲。先升後降。况諸香皆洩氣。沉香入少陰腎。疎之泄之。尤爲勞怯忌用。

萸肉

山藥

建蓮

五味

茯苓

熟地炭

芡實

川斛

顧嘉善四五月間。氣候溫熱。地泛潮濕。六淫之邪。其時濕熱為盛。凡濕傷氣。熱亦傷氣。邪入氣分。未及入血。癰疹搔癢。其色仍白。氣分鬱痺之濕邪也。氣分血分。分明示後學。看病良法。病人說汗出。或進食後疹即旋發。邪留陽明。陽明主肌肉。醫稱曰風。愈以散藥。不分氣血。邪混入血分。疹色變赤。此邪較初感又深一層矣。

飛滑石

石膏

紫花地丁

寒水石

白蘚皮

三角胡麻

生乾首烏

木防己

王稚安甘平昔好飲。脾氣已傷。醉後便溏不實。夫酒性濕而動血。聚濕必傷脾胃之陽。三年失血。食大減少。惡酒如仇。全是脾胃受困。因好飲而傷中致血當難歛此病。世俗醫者。見血見嗽。以滋降清肺治法。滋必滯膩理嗽清寒。此中陽久



困不甦。墮入勞損矣。

### 異功散

中央脾胃。爲酒濕所困。憊甚。至惡酒如仇。其中氣之衰壞。莫此爲甚。舍異功散之外。別無良法。多服人參。庶幾有益。好飲者。比比皆是。須鑒諸。

范五湖湖州廿形色黃瘦。脘痛噎血。問納食減平日之七。自初春至霜降。不得醒復。此內損七情。淹淹勞怯。若不扶其脾胃。但以嗽噎爲治。殆不可爲矣。量有力

### 參歸建中湯

先天元陽。全賴後天水穀之氣蔭庇。胃旺納穀。中氣既能充護藏府。且精生於穀。陰分亦藉以充裕。納食既減平日之七。安得不急扶脾胃耶。

高陸墓二少壯脈小澹屬陰。臍左起瘕。年來漸大而長。此係小腸部位。小腸失司。變化傳導。大便旬日始通。但脾胃約束津液不行。古人必用溫通緩攻。但通腸

壅。莫令礙脾。因大便旬日始通故臍左起瘕確指其爲小腸部位聰明過人

麻仁

桂心

桃仁

大黃

蜜丸。服二錢。

從來通腸壅之藥。必礙脾胃。以湯能盪滌耳。今改作丸藥。祇用二錢。令每日漸積流入腸中。而通洩法自脾約丸來。桃仁承氣加

馮五歲廿面起瘍瘡。瘡愈頭痛。牙關不開。凡頭面乃陽氣遊行之所。不容濁氣留着。外瘍既合邪痺入骨節。散風藥僅走膚膜。上焦氣多。血藥無能爲干上部之隧。說穿似覺尋常而他人已不能道及言言至理

角針

蜂房

淡豆豉

牙皂

甜瓜蒂

大豆卷

讀天翁方案。雖爲病人設法。其實處推開精論。治病道理。警醒當世聾瞶語。教

人看病下手處。後學得此。便有主張。不致一病到手。卽慌忙無措也。有功千古。

韓海州四歲單單腹大。脈得右弦空。左漸弱。乃積勞陽傷之脹。久病之變。難望其愈。

斷語清真切當  
治病便不蒙糊

大鍼砂丸三錢。

華南京廿二歲胃痛已久。嘔水。大便結燥。藥已不可用。

桃仁

薑汁

茯苓

延胡

半夏

廣皮白

陸太倉三十二歲陰損瘕泄。以酸收甘補。

人參

茯苓

炒白芍

熟地炭

炙甘草

五味子

山藥漿丸。

朱<sup>靖江</sup>自春季失血。血止痰嗽。左脈細數。是陰虛勞嗽。幸胃納不減。可填補真陰。肺藥理嗽。必傷胃氣。但精血藥不能生長。加慎保養。冀交春不致血來。屢發則難治矣。

熟地

萸肉

雲茯苓

山藥

天冬

五味

麥冬

阿膠

龜版

黃柏

袁<sup>黎里</sup>九歲。肚瘍膿漏將一年。氣下垂。精血傷。補下流。佐堅陰除熱。

人參

熟地

湖蓮肉

海參

茯苓

黃柏

沈<sup>東山</sup>九歲。食入吐。久不化。胃中無陽。濁氣逆攻。不貫注入腸。大便堅痺。

用半硫丸錢半。

熱生清。寒生濁。中陽衰微。陰濁反從下而上干。大便堅痺。半硫丸溫劑中之最滑潤者。不但泄濁通陽。抑且下行降逆。

錢嘉善三歲十六歲情志不和。病起於內。由痛吞酸嘔吐。臥着氣衝。必是下起。議泄木安土。

吳萸炮

人參

茯苓

川棟肉

乾薑

半夏炒

顧來安縣四十六歲

此病起痰飲咳嗽。或外寒勞倦即發。陽氣已發必胸脘氣脹。吐出稀

涎濁沫。病退痰濃氣降乃已。此飲邪皆濁飲久聚。兩年漸漸腹中痞悶妨食。肛門尻骨。坐則無恙。行動站立。刻刻氣墜。若大便欲下之象。腎虛不收攝顯然。或於在前見痰嗽以肺治。苟非辛解。即以寒降。以致釀成痼疾。

腎炁丸加胡桃肉、角沉香。

腎虛氣不歸元。既不能溫養脾陽以化食。以致飲邪濁陰久聚。此腎虛而脾益

虛也。再經腎氣不攝。逆上飲泛。病苦胸脘脹悶。必得腎氣收攝。則諸症皆安。何二三歲酒客大便不旺。奔走勞動失血。乃酒色之傷。止血理嗽。藥味無非清降。滋潤。聲音日啞。肺痿氣餒。爲難治之症。

人參

茯苓

米仁

炙草

白朮

黃精

此方脾肺並補。以肺痿氣餒。須崇土生金。母子兼顧。

四君中以米仁換白朮。加白朮、黃精。以培補中宮。此旺中央以益四維之法。

薑鹽城五十歲七歲脇膈左右懊懣不舒。此中病上二有嘔逆帶血。凡人臟腑之外。必有脈絡

拘絆絡中聚血。絡中留瘀中年操持。皆令耗血。氣攻入絡。必有難以自明其病

狀之苦。况宜宣通血分以和絡。俾不致瘀着。可免噎膈反胃。此之積血若薛立

在肺胃之間



新絳

青葱

橘葉

桃仁

鈎藤

土萆皮

肝氣本居下焦。寧靜卽是生陽。動則逆攻入絡。以致血液瘀聚。久生變幻。

通絡宣瘀。熄風。理厥陰之血氣。有如此清靈鬆銳。

吳十傷口口面黃白。消瘦無神。腹大臍突。足冷腫重。自言如着囊沙。曾經因脹攻下。

下必傷陽。插一而滿脹如故。乃濁陰錮閉。真陽大傷。見症是不治之條。用藥究理。煖以通陽泄濁。

生炒附子

椒目

炒黃乾薑

炒小茴

車前子

傷陽。傷足太陰脾。足少陰腎也。故用生附、椒目、炒薑。以溫通脾腎之陽。小茴以溫太陽之腑。再加車前以利水也。

沈長善二十歲歲。毆詈大聲用力。氣逆失音。雖陰虛腦泄。亦宜以輕揚肅上。

桑葉

枇杷葉

生甘草

象貝

米仁

大北沙參

蔣楓橋十九歲。冲年陰火未寧。情志易動。加怒氣火迸逆絡。血上溢。問納食不旺。氣衝血上。必撫摩氣降。血不出口。但絡中離位之血。恐致凝遏。越日必氣升湧逆矣。  
此症血氣平靜之後。補陰自不可少。以通瘀為主。識力俱老。

杜蘇子

降香末

炒桃仁

粉丹皮炒

炒南查

薏苡仁

加老韭白汁。

用藥到此地位。可謂擇焉而精。

程徽州十六歲。此痰飲宿病。勞怒遇冷即發。總由肺已十年之久。不能除根。

桂苓甘味湯

何廿一字橋此肝病也。肝主筋。木藏。內寄火風。情志不適。熱自內起。鑠筋襲骨。有牽強不舒之狀。惟怡悅可平。藥無除病之理。熱自內起。固由肝腎陰虛。而火風內熾。飛揚走竄。涼肝之品。自不可少。

首烏

杞子

桑寄生

歸身

沙苑

杜仲

既云熱自內起。鑠筋襲骨。此方尙少涼肝藥一二味。

吳朱婆橋六寒入厥陰之絡。結爲氣疝。痛則脹升。氣消。寂無蹤跡。老年下元已乏。

不可破氣攻疝。溫養下元。尿管脹或阻滯。佐宣通倣香茸丸。

鹿茸

大茴

韭子

蛇床

當歸

麝香

青鹽

覆盆子

溫經不用剛燥。總以老人下元先虧。腎虛惡燥。故主以柔陽藥。

戴太興廿八歲色脈是陰虛。其喉妨納。乃陰乏上承。熱氣從左升。內應肝腎陰火。前議

復脈。大便滑泄。知胃氣久為病傷。不受滋陰。必當安閒靜室以調。非偏寒偏熱

藥能愈。陰虛不用陰藥。別開生面。但養脾胃。津液培中宮元氣。此為務本之圖。

人參

扁豆

川斛

茯神

木瓜

北沙參

凡咽喉妨納。總因氣火上升。陰精不能承載於上。然竟養肝腎之陰。脾胃必受滋膩。一或泄瀉陰液更下走矣。惟養胃陰升於肺。甚為捷徑。

汪吳趨坊四十五歲清竅在上焦氣分。搐鼻宣通氣固妙。但久恙氣錮。濕痰必生。

茶調散臥時服五分。

推進一層。眼光獨到。有形之濕痰不理。氣分決不宣通。清竅斷難疎利。些微小恙治法。迥不猶人。可敬。

楊六歲海甯廿此勞怯是腎精損而枯槁。龍雷如電光閃爍無制。腎脈循喉。屢受陰火熏灼。必糜腐而痛。冬無藏精。春生寂然。胃氣已索。草木何能資生。

### 猪膚湯

猪膚湯。上中下三焦俱治。白蜜潤肺。兼滋大腸。白粉補中以養脾胃。猪膚清膩以填少陰。既不滯脾。又能補益。不使龍雷上熾。何等穩妥。立方獲妥。病至如此。惟求用藥無礙而已。張門三十歲過勞熬液。陽升咳血。痰多夜熱。非因外感。尺脈中動左數。肝腎內虛。失收肅之象。咳血而收肅肺氣。今人必出養陰矣。

### 北沙參

玉竹

麥冬炒

扁豆

### 甘草炙

蔗汁

治節之權。若能收肅於上。縱有龍雷相火。亦寧靜帖伏。如秋月氣收。雷電即下。伏而不升發。病因先勞熬液。液為血之先鋒。液枯則繼之以血溢。惟肺氣肅上。

則水藏有母。尺脈可寧矣。

錢嘉善三歲肺痿失音。形肉枯癯。氣損甘藥調和。不宜辛散。滋寒矣。

白 芨

米 仁

黃 耆

茯 苓

元氣雖歸根於腎。亦藉後天水穀之精運行。以使真氣維續。生生不已。以供日用。相繼於不息之途。下則吸歸於腎。上則充護於肺。中宮脾胃之司。其權最重。若氣分既損。則腎乏統攝之根。肺失堅剛之體。痿靡不振。乏精化氣。甘藥調和。尙恐不及。何堪辛散。滋寒。

氣本無形。全賴有形之精血以化。古稱精生於穀。中宮納食生精。化氣之本也。  
李海州望七。力量不比壯盛。凡男子下焦先虛。其跌仆致傷。從外而傷。筋縱骨短。不能再伸。外踝留着瘀凝形色。須至夏月。令瘍醫磁針砭刺可愈。

還少丹



老年下元先虛。頭轉脚重。總爲陽不下趨。濁陰上升清道也。故稍或不慎。最易跌仆致傷。還少丹溫補下元之品多。最宜常服不輟。自然輕健。

男子年將五十。仰事俯育正繁。且練達人情。洞明世事。神明內煩。些微精血。祇供操勞而已。生氣日淺。下元安得不虛。所以頭重脚輕。最易顛仆耳。

王

唯亭十  
入歲

讀書身靜心勞。夜坐浮陽易升。少年人雖未完姻。然偶起情慾之念。人

皆有諸。致陰中龍雷挾木中相火。震動而沸。失血咳嗽。乃臟陰不寧。暫緩書卷。早眠晏起。百日中勿加雜念。擾亂神志。可以全愈。服草木圖愈。非要領也。

少年生陽勃勃。動躍莫遏。凡濁陽下注。乾變爲離。洞開靈府。天機穎悟。蓋惟虛

故靈耳。然不知禁懼。虛捐天枉者比比。此案筆致飄逸體察  
工細先生甚忠恕也

蔣

楓鎮十  
九歲

血止心腕熱燥。血後  
餘波當養胃陰。妥帖

生白扁豆

大北沙參

骨皮

玉竹

桑葉

甘草

青甘蔗汁

從來養陰者。但知養腎肝之陰。不知胃氣弱者。下元未受其益。中宮先受其滯。曷若先養胃陰。津液旁敷而不滯也。

高一江寧甘廿食已少頃。酸水湧嘔。爐中但飢時不食。仍不安適。久病致胃虛。陽不運行。濁陰乃聚。春季以開導氣分辛溫不效。思虛中挾滯。泄濁溫通。必佐養正。苟不明避忌。食物焉能取效。

川連

吳萸

茯苓

淡熟川附

淡乾薑

熟半夏

人參

泄濁溫通而不佐養正。則力量單薄。雖暫時通利。不久又復陰凝。惟養正則濁陰永不聚矣。

王四十歲。痰飲乃陰濁化有形之物。阻陽氣不入於陰。陽蹻穴空。夜不熟寐。靈樞經

用半夏秫米湯。謂通陽交陰。痰飲不聚也。天王補心一派寒涼陰藥。與濁陰樹  
幟。中年必不受護陽爲要。精實仲景云。凡痰飲當以溫藥和之。確鑿

指明  
小半夏湯加秫米。

陽氣入於陰。躋穴卽不空矣。今被有形陰濁阻逆。陽不內交。苟非驅化痰飲。擴  
清道路。安得通陽交陰耶。

陳同里五瘦人多燥。瘰癧熱氣由四末乘至中焦。胃中津液。爲熱劫鑠乾枯。不飢  
不飽。五味不美。是胃陰傷也。切當

麥冬汁

人參

知母

生甘草

胃陰充溢精氣。上升於喉舌。津液滋味和。食味甘美。胃陰虧者。陽明必熱。但覺  
喉間乾澀。舌中味苦。精氣不榮於口。舌卽不知味。而不覺鮮美矣。

毛四十氣塞填胸阻喉。不飢不飽。病起嗔怒。寅卯病來。臨晚病減。凡氣與火。必由

少陽木性而升。故上午爲劇。

瓜蒌皮

薄荷梗

神麴

黑梔皮

新會紅

青蒿梗

一日亦備四時之氣。上午主升。猶春氣也。中午主泄。猶夏令也。下午主收。猶秋降也。夜深主藏。猶冬伏也。治病體察至此。可云知幾矣。知幾用涼藥必兼疎散。否則過鬱而火愈不散。何九惟安十性性情固執。靈慧氣鈍。大凡心藏神。腎藏精。少年先病精神不易生旺。有諸。宜用六味加遠志、菖蒲。開導心竅腎精。兩相交合。聰敏智慧本心腎竅通。真化工矣。

人當十五六歲。卽愚頑薄弱者。到此時聰明漸啓。知識漸開。讀書便有領悟。世事略知二三。蓋因濁火已洩。乾變爲離也。細極入微。惟虛故靈。

王<sup>角直五</sup>十歲。肺痿聲啞。胃減食少不安。難治之症。

### 戊己湯

席<sup>東山五</sup>十歲。血痺氣滯。腹中不和。而大便燥結不潤。<sup>之血痺</sup>故夏季以柔藥辛潤。交霜降土旺。連次腹痛。目皆變黃。此非黃疸。濕熱瘀留阻壅乃爾。

### 炒桃仁

郁李仁

芫薺子

冬葵子

### 菠菜乾

血蓄久必澀。故行瘀兼以滑可去滯。藥味總不妄投。

血主流行。痺則血結。而氣滯。不甚血虛。當用宣通法。藥品精細。

劉<sup>維安廿六歲</sup>有物有形之滯。從胃入腸。當心胸之下。皆陽氣遊行之所。因初起停食幾年。疑惑其實。陽不旋轉。而致結痺。

### 薤白白酒湯

病屬無形之氣。不關有形之滯。故用通陽法。

江通州四歲痰飲哮喘。遇寒勞怒即發。

小青龍去麻黃

哮喘先開太陽

陳黎里四形色脈象。確是陽虛。酒食聚濕。濕注腸痔下血。濕爲陰濁。先傷脾陽。陽微氣衰。麻木起於夜半亥子。乃一日氣血交代。良由陽微少續。有中年中痹之疾。

人參

生於朮

炮薑

炙草

炒黑附子

陽主躄疾。陽衰則軀殼重滯。陽微則生氣少續。附子理中以溫中下。總爲健陽計耳。



張<sup>嘉興十</sup>八歲。陰火從晡暮而升。寐中呻吟。是浮陽不易歸窟。形瘦食少。盜汗。攝固爲是。

六味加人中白、阿膠。

凡小兒夜寐。神魂不寧。多哭淋漓。時起躁擾者。的係陰虛體質。先天稟薄。非遭痘瘍。卽至長育二十左右。必成癆瘵。此屢試屢驗者。

寐則陽氣潛藏。魂氣歸於肝矣。肝陰不充。神魂少戀。故寐中呻吟。治以養陰降火爲宜。

李<sup>樓門六</sup>十七歲。左右爲陰陽之道路。而暮年頻又操持經營。且不獲利。心境失暢。則行動之氣血。拘束不和。爲痛甚於夜者。陽氣衰微。入夜陰病加也。養營法。操持經營而不獲利。則心營拂鬱而失養。以養營法和暢氣血。俾肝木欣欣向榮。無拘束不和之患矣。

此無形之邪。僅免脫營失精耳。

張海鹽六歲據述秋季外邪變瘧。延幾月始愈。夫秋瘧是夏令暑溼熱內伏。新涼外觸。引動伏邪而發。俗醫但知柴葛解肌小柴胡等湯。不知暑濕在氣分。因藥動血。血傷攣脾。筋熱則弛。筋寒則縱。乃致有年痿痺難效之病。

當歸

寄生

虎骨

杞子

沙苑

撫芎

病在氣分。妄動血分。每成筋痿拘攣。骨節疼痛。痿痺不舒。久恙。業醫者可不慎歟。

孫南倉橋精損於下。陰中龍雷燃爍莫制。失血後肛瘍膿漏。卽陰火下墜所致。行走喘促。涎沫盈碗上湧。腎不攝納真氣。五液化沫湧逆。無消痰治嗽之理。扶胃口攝腎真。此時之要務。

人參

坎 烝

胡黃連

紫石英

茯苓

五味子

芡 實

山 藥

火性本上炎。而陰火有孔即注。亦能下墜。恆見足心沸熱。喜踐冷處。亦陰火下墜之症也。老氣無敵。

吳關上氣洩用陽藥固氣。庸醫治嗽滋陰。引入勞病一途。

黃耆建中加人參

久嗽則肺氣緣咳而升洩。肺主華蓋。一身治節出焉。洩則中氣少續。用陽藥固氣。是爲知要。

王同里廿向成婚太早。精未充先洩。上年起於泄瀉。少陰繼加痰嗽。五液食納較多。形肌日瘦。內火深秋喉痛。是腎精內乏。脈上少陰。當冬令潛降。陰中龍雷閃爍。度天無收藏職司。穀雨萬花開遍。升大氣此病必加反覆。

秋石拌人參

紫衣胡桃肉

茯苓

紫石英

女貞子

北五味子

病情一路述來。分五層次第。着實說來。無捕風捉影之談。

沈四<sup>三</sup>歲六腑陽氣不行。濁凝便艱。濁結則痛。半硫丸熱藥中最滑。入腸泄濁。陰沈滯胃。陽當未醒復。薄味相宜。

炒生川附

生淡乾薑

葱白汁泛丸。

惟半硫丸最滑。故入腸速而不留戀於胃。胃陽尙未醒復。

陸<sup>寶山</sup>十<sup>八</sup>歲。春正氣候。寒威未去。吸受寒氣。先傷胸膈胃脘之陽。食已噯噫酸濁陳腐之氣。乃清陽不至。旋轉運用。忌進腥粘。始用蔬食。病去胃口不得亂藥。

萆撥

生益智仁

生薑

砂仁殼

土瓜萆皮

上焦主清。主陽。惟虛靈無濁味薰染。則上焦得通。津液得下。胃氣因和也。

唐九齡廿病人述上年夏五月住直隸白溝河。北省不比南地。雨濕熱蒸。夜坐寒侵。即寒熱亦是輕邪。醫用滾痰丸下奪。表邪結閉。肺痿音啞。喉痛嚥物艱難。倣徐之才輕可去實。有氣無味之藥。氣走陽味走陰輕揚肅上取氣輕力薄者

射干

甘草

大力

滑石塊

麻黃苗

蟬蛻

杏仁

張無錫廿嗽血秋季再發。夜熱汗出。全是陰虛。大忌肺藥。理嗽絕慾百日。助其收藏。胃口頗好。腎肝陰藥必佐攝納。

熟地

炒山藥

芡實

五味

湖蓮

茯神

陸西維六十一歲人到花甲。下元先虧。嗜酒濕聚便滑。視面色雄偉。精采外露。加勞怒。內

風突來。有痲中之象。精采外露。下元愈虧。內風一動。無根蒂以立基地矣。故痲中也。

七寶美髯丹。加三角胡麻。

陳東倉三十三歲脈小緩濇。自胃脘脹至少腹。大便已濇。泄肝苦辛。小效不愈。少壯形色

已衰。法當理陽宣通。慮其腫浮腹大。

人參

木瓜

廣皮

炮薑

益智

茯苓

沈湖州農人單腹脹。乃勞力肌飽失時所致。最難見效。

腎炁丸

陳廿七歲精血奪。足痿。

人參

茯苓

大茴

當歸



瑱陽

精羊肉

膠丸。

龔無錫六老年嗜蟹介。鹹寒傷血。上下皆溢。當理其中。

理中湯

楊無錫三歲脇痛失血。以柔劑緩肝之急。

桃仁炒

丹皮炒

歸尾

柏子仁

鉤藤

杜鳳陽三十八歲瘧後脾弱。肝乘中氣不舒。易生嗔怒。

生益智仁

檀香末

茯苓塊

新會皮

枳實皮

爲末。水泛丸。

汪微洲仲景云。厥陰病氣上撞心。明示木中風火上行。都因血少陰虛。以癰症痰火有餘大謬。

女貞

茯神

黃肉

天冬

細生地

建蓮

赤金箔

氣上撞心之所以然。發揮明確。

錢維安廿二歲。露薑飲止瘧。是益中氣以祛邪。虛人治法皆然。脾胃未醒。忌腥酒濁味。

大半夏加橘紅。益智薑汁丸。

湯胥門五十六歲。酒客大便久澇。世俗謂聚溼脾傷損腎。脾病入腎。有久瀉久痢為腎病

矣。失血用滋陰涼降者。十居七八。以少年陰虛火炎為多。如中年積勞走動欲

喘。久立肛墜後重。所宜在乎攝腎固納。察症細密。已精而益求其精。蓋理中

湯劫胃水。能止上下失血。王損庵法立見。非是杜撰。不效之所以然。以腎虛惡

燥耳。以酸味固納。以酸甘化陰。

人參

黃肉

茯苓

石蓮子

木瓜

炙草

五味子

腎氣乃先天真陽。主收攝一身之元氣。腎氣充足。既不上升逆衝。亦不下墜後重。一經散漫。上下交失。衝氣既有咳噎之虞。二便時有欲出之勢。葆真者免夫。羅<sup>三</sup>壯年述冬季夜汗。入春吐血。問納頗旺。無力舉動。但喉癢發噎。此陰虛龍火上灼。議用虎潛去牛膝。當歸加五味。二冬。

沈<sup>崑山</sup>一歲老人形寒足痿。噎痰。男子下元肝腎先衰。其真陰少承。五液化痰。倘情懷暴怒。內風突來。有中痲之累。戒酒節勞。務自悅怡養。壯其下以清上。壯其下則濁陰不升。五液漸化。精微而神明之地不爲濁蒙而清矣。

熟地

黃肉

茯苓

川斛

戎鹽

牛膝

枸杞

鹿筋膠

任山西三夏季吐血。深秋入冬頻發。右脈弦實。左濡。是形神並勞。絡血不得寧靜。經營耗費。氣血不比少壯矣。

黃耆建中湯

范無錫廿織梭身體皆動。過勞氣血偏倚。左脇痛。失血嘔血。肝絡傷瘀。久發則重。

炒桃仁

延胡

新絳屑

降香末

炒丹皮

鉤藤

沈湖州廿病傷不復元。壯失保養。延為勞嗽。胃氣頗好。可與填精固下。

都炁法去丹澤。加水陸二仙。金櫻子實胡桃肉。

洪吳江廿肌肉日瘦。竟夜內熱。是內損陰虛。漸挨勞怯。安逸可久。天暖氣泄病加。

陰損將及陽矣  
故氣暖病加

早服乳酪一盃。另服補陰丸。

王十八歲四七疝肝病為多。有聲響為氣疝。寒入募絡。積疝堅硬下墜。中年不可從

張子和用八味加大茴香、胡蘆巴。聲響乃氣之所致。寒氣凝阻。正氣彌平。微妙不到。中年以後。那知病情如是耶。

雍七歲廿眩暈嘔水。心中熱。神迷若癰。皆操持運機。易於升舉。蒙冒清神。生薑辛

可通神。但氣溫先升。佐入涼降劑中乃可。

### 溫膽湯

沈南三歲三凡外邪入肺而咳嗽者。可用表散肺氣。若內傷累及于肺致咳者。必從

內傷治。此係中虛咳嗽。用藥純粹以精。汗之則泄陽氣。肺痿食減音低。顯然藥誤。

黃耆

米仁

黃精

白芨

痰飲乃積滯久留。吐出為安。若濁粘涎沫。是身中藏府津液。所以奉養軀命者。倘被陰火燔灼。上逼咽喉吐出。是腎藏不納。乃為重病。

金運漕四冬藏失司。嗽吐涎沫。是腎病也。必藏力清不固醫見嗽咸以肺藥治之。年餘無效。

桂苓甘味湯

氣機從天度升降。是乾坤翕闢大道。年多真氣真精虛衰。病氣為主。以致天氣肅降而收。病反多抗拒。偏易上逆。應藏不藏。違逆天度矣。

何王七家巷色奪脈促。寒露霜降嗽甚。風冷形肌凜凜。衛陽空疎氣洩。羣醫不識。是為瞽醫。

小建中湯

蔡南濠四三歲操持太過。肝腎浮陽上冒。寤不成寐。

金匱酸棗仁湯

顧鐵瓶巷十六歲穉年筋脈未堅。努力摟抱。致氣血流行有觸胸背骨偏突成損。此屬不



足。非因外邪。在身半以上爲陽。主氣。致右肛瘍成漏年餘。真陰五液皆傷。納食在胃。傳入小腸而始變化。因咳痰不出。致嘔盡所見乃已。喉痛失音。涎沫吐出。喉中仍然留存。明明少陰腎脈中龍火內閃。上燔陰液。蒸變涎沫。內損精血所致。醫見嗽啞。清金潤肺。未明嗆嗽之源。是就其凶。老筆

### 猪膚湯

莊宜興十九歲。瘡痢後脾腎兩傷。用繆氏法。

### 雙補丸

周金匱十九歲。夏伏暑濕。秋季如瘧。邪不盡解。成瘡。能食不化。腹中有形。脾胃不和。用東垣法。

李勞久傷陽。胃痛吞酸。痰多。真陽傷而火愈旺故吞酸痰多溫中則邪火自伏矣

### 熟半夏

延胡索

胡蘆巴

高良薑

老生薑

川棟子

塊茯苓

王<sup>南</sup>入<sup>金</sup>二<sup>歲</sup>環跳筋骨痠痛。少年積勞傷陽維脈血少護衛。

歸身

枸杞

生虎脛骨

巴戟

川牛膝

沙苑

青鹽

羊肉膠丸

張<sup>橫</sup>七<sup>經</sup>三<sup>歲</sup>勞傷虛質。脹病初愈。因動怒氣鬱不食。二便皆阻。論腸痺從丹溪開肺法。

杏仁

紫苑

萋皮

蘇子

桑葉

桃仁

黃<sup>嘉</sup>十<sup>興</sup>三<sup>五</sup>歲情志內鬱。心痛如絞。形瘦液枯。不可氣燥熱藥。

炒桃仁

柏子仁

延胡

炒丹皮

小胡麻

鉤藤

張大興精未生來。強洩有形。最難充旺。至今未有生育。形瘦食少。易洩精薄。形脈不受剛猛陽藥。議藉血肉有情。充養精血。

淡菰蓉

鹿鞭

巴戟

牛膝

羊腎

瑣陽

枸杞

青鹽

菟絲

舶茴香

方藥精實。

戴樞橋五十二歲喉咽管似乎隘窄。一身氣降。全在於肺。由胃熱升肺失司。年紀日多。氣

結痺阻。薄味肅清上焦。用藥以氣輕理燥。肺借資於胃。胃熱氣升。肺即失司。清降肺以清潤為主。理其燥。自下降矣。

枇杷葉

蘇子

米仁

桑葉

降香

茯苓

肺之失司。總由於燥。胃有火熱。上升嬌藏。失其滋養。故治肺貴乎理燥。而理燥

在乎氣輕。

馬繼家濁止足腫。膝首腫痛。起於夏秋。必挾地氣。濕自下受。酒客內濕互蒸。內外合邪。湯藥決不取效。

濁痛丹

濁病止則足腫。是濕邪無從泄瀉。其從前濁病。亦是濕氣下注膀胱。非關精竅為患。

周塘樓廿濕是陰邪。膚腠中氣升。癭結病起。大便自瀉。從太陰治。

生白朮

淡熟小附子

細川桂枝尖

茯苓塊

李嘉興質虛不耐煩冗。動則陽升。由陰不和陽。深秋痢症。雖愈猶夏季致傷。

人參

茯苓

棗仁

炙草

小麥

青花龍骨

用妙香法以和陽。是和心陽耳。

王<sup>北</sup>五<sup>歲</sup>中焦痛起。四肢逆冷。汗出嘔涎及食物。此屬脾厥。

極黑附子

草果仁

粗桂皮

片薑黃

延胡索

厥爲寒之極。太陰本是至陰。熱藥爲宜。

呂<sup>十</sup>同<sup>二</sup>夏令熱氣傷陰失血。冬藏氣降。血症必然不來。肉瘦精虛。嗽不肯已。宜滋培臟陰。預防春深升泄病發。

固本加五味子

汪<sup>十</sup>四<sup>歲</sup>居住臨海。風障癘氣。不比平原。人衆稠密。障癘侵入腦髓骨節。氣血不和。壅遏內蒸。頭面清真痺阻。經年累月。邪正混處其間。草木不能驅逐。具理而論。當以蟲蟻向陽分疎通逐邪。

蛻螂

威靈仙

蜂房

川芎

火酒飛麵同丸。

呂桐五歲。心痛得食反緩。是積勞營虛。大忌破降氣藥。

桃仁

桂元肉

炒黑芝蔴

當歸身

柏子仁

羅澍三 病人述遇春季則失血。煩勞必有衄血。凡冬月大氣藏伏。壯年自能聚精。彙神。不加保養。春半地中陽升。發生之氣交。反爲發病動機矣。是皆身中精氣之薄。胃納安旺。自能知惜靜養。則神藏。

熟地

山藥

芡實

五味

金櫻

湖蓮

黃肉

龍骨

茯神



朱湖州三十八歲太陰腹脹。是久勞傷陽。不飢不飽。二便不通爽。溫以通陽。苦溫疎滯。

製附子

熟大黃

草果

生厚朴

生薑

廣皮

溫下法。從許學士溫脾湯來。

夏山塘七歲初冬溫熱氣入。引動宿飲。始而狀如傷風。稀痰數日。痰濃喉乾。少陰中五液變痰。乏津上承。皆下虛易受冷熱。致陰上泛。老人頻年咳嗽。古人操持脾胃要領。大忌發散泄肺。暫用越婢法。

凡內有宿病。每因新感六氣。病邪牽動而發。蓋藏匿夙病之處。氣血必虛弱。故新邪必注空隙為患。

沈槐樹巷廿二歲自交秋初。皆令陰陽顛脹失血。三月懷妊。法當養陰固胎。

人參

黑殼建蓮

子芩

阿膠

白芍

桑寄生

戴十微州三仲景論痰飲分二要。外飲治脾。內飲治腎。又云。凡飲邪必以溫藥和之。開方是溫養腎藏。不為背謬。考痰飲有形。原其始也。陽氣微弱。濁陰固聚。自下逆行。喘不着枕。附子走而通陽。極為合理。然其餘一派滋柔護陰。束縛附子之剽疾矣。此為陽微而陰未甚虧者設。仲景入味丸治痰飲丹苓澤原疏。通陽非盡滋柔護陰者。

真武湯

此症祇須通陽。不必顧陰。

李積勞傷陽。腹膨仍奕。脈弦細。雜症無胃氣。形衰廢食。理中宮陽氣之轉旋。望其進食。延久無能却病矣。

人參

淡附子

穀芽

茯苓

益智

廣皮

腹膨而不爽。不但傷中宮之陽。中下濁陰凝結矣。惟膨而仍軟。知陽雖傷。而尙未陰凝。但理中宮之陽。俾得轉旋斯愈矣。

陽氣在胸腹升降轉旋。無一息之停。斯清濁分而上下治。

沈北城下三溫疹皆病氣鼻口吸受其穢邪。是天地乖戾不正之氣。無形之物。上

竅阻塞。噎物不下。醫不知無形有形。但曰清火寒降。至藥直入腸胃。與咽中不

相干涉。無形穢濁之邪有氣無質氣雖濁而性仍上浮故以清輕氣分藥治之

連翹心一錢

射干三分

鮮蘆一兩

馬屁勃七分

牛蒡子錢半

銀花一錢

以無形治無形。針鋒的對。此法前人所未發洩。天翁具此清輕一路。使無形之感化於無有。抑何巧思至此。

徐宿遷四冬月涉水之寒。深入筋骨。積數年發。脛膝骨冷筋縱。病在下爲陰。久必

氣血與邪交混。草木不能驅逐。古人取蟲蟻佐芳香。直攻筋骨。用許學士法。

炒烏頭

山東地龍

全蠍

麝香

着筋着骨病邪。須服着筋着骨藥品。

錢同里五酒熱入血。瘀嘔盈盆。越六七年變成反胃妨食。嘔吐涎沫。問大便仍通。

結閉在脘中。姑以通瘀開閉。酒性本走血分。火酒更易煎熬。血被熱氣劫住。故瘀滯耳。

韭白汁

桃仁

延胡

京墨汁

生蒲黃

片子薑黃

得訣在問大便仍通。故知結閉乃在脘中。通瘀開閉。足愈斯病。不入治反胃門藥矣。此為善審病機。

韓新開湖四

臭氣入喉。服字解勿作香臭。斯乃腎不納。悉之病。

噎欬失血。緣腎脈上循咽喉舌下。是

腎虛氣逆也。風藥治表。清寒降氣。無識者皆然。病人說病來必先寒冷。陰中陽

虛不收攝。孟子謂鼻之於鼻也

人參

枸杞

茯苓

沉香汁

坎炁

建蓮肉

人乳粉

李無錫三歲噎嘔下焦寒冷。先治下

薛氏八味丸

用四君湯加黃耆、山藥。名曰六神湯。或以之改丸常服。既平之後。復後天生氣從脾胃起。

顧南京三歲頻年發失血症。嗽甚痰多。必有嘔噦。日晡寒熱。夜深汗泄。據述見血。醫投鬱金、薑黃、韭汁、製大黃。逐瘀下走。希圖血止爲效。此有餘治法。往素病機不病極平常語。切須記憶。凡人稟陰陽。造偏致損。由內損傷。即是不足。脈左動數。尺不附骨。明明腎精肝血內奪。弱陰無能交戀其陽。衝陽上逆。吸氣不入。咳嗽

氣併失旋。必嘔噦濁涎粘沫。咳噦氣併失旋四字內景如輪轉幾經烹鍊蓋胸中真氣呼吸出入往來轉旋如輪轉咳則氣逆有升無降故必內經謂五臟六腑皆令人咳。奈今醫以咳治肺。見痰降氣清熱。損者更損。殆不能復。不知臟腑陰陽消長之機。雜藥徒伐胃口。經年累月。已非暴病。填實下隙。須藉有形之屬。

人參

紫衣胡桃肉

紫石英

茯神

五味子

黃肉

河車膠一錢

秋石二分

張官宰街三酒客多濕。腸胃中如淖泥。陽氣陷。血下注。昔王損菴以剛藥劫胃水。濕。病在氣陷血下注則

理中湯加木瓜

理中剛燥劫藥。加木瓜則辛中有酸。以斂氣而不散越。且木瓜宜宣通經絡。於溼病相宜。收中有宣洩之妙。兼能酸甘化陰。不致剛燥劫津。此加味有巧思也。



華南京三歲通中焦氣血。痛緩嘔食。是胃虛氣逆。

旋覆代赭湯

華無錫三歲夏月帶病經營。暑熱乘虛內伏。秋深天涼。收肅暴冷。引動宿邪。寒熱數發。形更減食。汗出。與歸耆建中湯。

汗經寒熱屢出。暑熱宿邪已去。惟真陽不足。元氣未充。益中上之陽。其病自愈。

王雙林廿六歲。早食嘔吐酸水濁涎。心口痛引腰膝。此陽微濁陰犯絡。例以辛熱。飢二

字必至晚向未消磨也上午為清陽用事停滯陽虛顯然

烏頭

良薑

延胡

川棟

紅豆蔻

茯苓

王杭州廿一歲。據述遺精頻至。哮喘病發必甚。此腎虛失納不固。真氣散越衝急。少年形瘦。難用溫法。當導引入任脈陰海以固之。

龜腹版

人參

芡實

金櫻膏

坎忒

紫胡桃

五味

黃柏

千斟萬酌。有此良治。

金杭州三十四歲當正面傍左發瘍。牽出黃濕水中生熱。由陽明少陽經來。宜薄滋味。忌辛辣。

連翹心

飛滑石

浙茯苓

蒼耳子

乾浮萍草

白蘚皮

金銀花

紫花地丁草

絕妙瘍科方藥。清輕無滯。欲其上浮也。

張雙林廿七歲痛而喜按屬虛。痰多肢冷是脾厥。病大便三四日。乃津液約束。由脾厥寒脾是脾營失養不運

炒桃仁

火麻仁

片薑黃

淡歸鬚

炒延胡

張無錫三初秋經停幾兩月。下血塊疑似小產。遂經漏不止。義精入冬血淨。加五心

脊椎骨熱。天明微汗熱緩。凡經漏胎走。展勢下元真陰先損。任脈陰海少液。督

脈陽海氣升。所謂陰虛生熱矣。精血損傷。醫投耆朮。呆補中上。是不究陰陽氣

血耳。督任爲天關地軸爲升降樞機。陰陽每相繫趨陰虛陽必升逆。

人參

建蓮

女貞

茯神

糯稻根

阿膠

炙甘草

白芍

黃肉

張包衛前四自胃痛起。噤食又噎。開症極似肝膽熱。近加湧泛粘涎。經營勞瘁傷

陽。清氣不轉旋。上不知飢。大便不爽。九竅不和。都屬胃病。此人中上二焦之脈

助人參以統御之法

人參

熟半夏

茯苓

胡蘆巴

葶藶

老薑汁

以大便不爽。知中宮陽氣不司轉旋。不然症類木火氣升矣。蓋氣火升則下焦失溫納。大便反易出而爽也。辨症切脈。最難明確。

王陸家<sup>陸家</sup>陰邪盛爲腫。便溏溺短。議通腑陽。

生炒黑川附子 椒目

炒焦遠志

生於朮

生厚朴

茯苓

猪苓

青皮

錢四五<sup>四五</sup>歲外邪窒閉肺竅。用輕劑治上。食可下咽。水入必噎。此喉氣有阻。仍以辛潤。

杏仁

桑葉

米仁

紫苑

浙茯苓

川通草

唐閱原案開列皆肝腎爲下元。男子中年已後。精血先虧。有形既去難復。五液

內奪。陽氣易越。治法從陰引陽。勿以桂附之剛。五液內奪裏氣必燥熱有火是以內風易起

鹿茸

角霜

當歸

天冬

茯苓

茯苓

杞子

天麻

浙黃菊

詹三四歲食入腕悶噯氣。嘔吐覺爽。少焉仍然痞悶。形軀充偉。脈形小濡。中年陽微不運。是為不足。洩降氣分攻痰。有餘治法。非此脈症所宜。此脈形小濡故確指其為陽微不運之病。否則錯認肝火矣。

治中法

中不安穀。既無痰凝火升。但覺腕悶噯氣。吐後仍痞。顯屬中宮氣衰。陽微不主運動。再行洩降氣分大謬。

沈北城下。辛氣開上。肺氣降可效。

蘆根

白蔻仁

杏仁

米仁

浙苓

厚朴

劉三才武略用力進氣。與酒色精傷不同。失血在長夏熱洩之令。胸附骨皆痛。乃肝胃絡傷。

桃仁

蘇子

南查

米仁

茯苓

韭汁

丹皮

降香

陳久嗽失音。脈小痰冷。此肺虛氣餒。不易驟愈。酒家有飲邪衝氣。入暮爲重。

桂苓甘味湯

孫六才奔走勞煩。暴熱上蒸。卽是身中陽氣不交於陰。精麻木在四肢。內風屬陽之化。左屬肝。肝性剛。柔劑爲宜。若用酒藥。益助其動陽。是矛盾矣。風肝陽旺。甚火生卽熱極化風矣。



生地

天冬

藕汁

沙苑

寄生

女貞

炒枸杞

川斛

唐六韜夏足附肌浮。是地氣着人之濕邪。傷在太陰。陽明初病失血。繼而嘔涎拒

食。醫不知濕傷脾胃。漫延乃爾。從來偏傷太陰熱起陽明濕為陰邪下先受之

五苓散去澤瀉加

益智仁

厚朴

廣皮

滑石

龔十菑入歲六心下胃口之上。痛有兩月。問酒客往昔腸血。每痛發。食進少。其痛始緩。

食進多。痛即立至。據說飲熱酒。脘中爽然。則知濁凝厚味。皆助陰傷陽宜戒。肉

難饑素食易饑。是厚濁難於運化。然中宮之陽為獨陰。故膩陽氣亦漸勞乏也。

葶藶

紅豆蔻

烏藥

蘇梗

良薑

延胡

生香附

陽氣在中下二焦。如火熏走馬燈。轆轤旋轉不定。鬆脆之物。入胃易於流走運化。精華糟粕。旋即分頭各歸其所。若厚味酒液粘膩。濃厚留滯腸胃。樞機雖旺。其如窒礙何。

吳九齡自幼失血。是父母遺熱。後天真陰不旺。幸胃納頗強。不致延成損怯。血利十六個月。是虛腹中不痛。但肛門下墜。刻刻如大便欲出。世俗見利。咸治肝胃。此係腎虛。陰陽下竅不固。固攝其下爲是。腎氣攝納緊固下元始有關闔若下墜如欲便出氣不固矣若再加以濕熱下注晨起即大便秘止不能耐久

熟地炭

黃肉炭

山藥

五味子

生白芍

茯苓

王三齡問有女無男。嗆咳甚於日晡黃昏。肌肉消瘦。夏季失血。天令暴暖。陽浮熱灼。弱陰無從制伏。夫精損陰火上鑠。必絕慾可以生聚。半百未生育。當自諒情。

保節。夏月陽氣既浮熱氣灼則陰分煎熬津液枯鑠當分兩層

熟地

龜甲

魚膠

牛膝

茯神

遠志

萸肉

青鹽

沙苑

五味

柏子仁

桂廿二偶食閉氣物。胸中痞悶不飢。脈小澹怕冷。清陽受傷。不宜常用消克。

杏仁

生薑

廣皮

厚朴

萆撥

生益智

蘇合香丸

李廿五精洩痿躄內枯。損及奇經。六年沈疴。藥難取效。陽蹻陰蹻陽維陰維皆失其司矣

淡菰蓉

瑣陽

羊肉膠

舶茴香

菟絲子

青鹽

戴楓橋用肺藥開上氣不效。病人說痰味鹹。穀道窄。從腎氣逆升入咽。用滋腎丸。

每服三錢。鹽湯下。腎氣逆上入咽用滋腎丸下走何等巧思靈妙

肺氣統攝一身之氣下行。腎氣受其節制。亦不致上逆。乃腎氣既易上升。再因肺藥開上氣。更易逆升矣。

許常熟。奔馳勞動。搖精。精腐溺濁。繼出血筋。真陰大洩於下。胸痞不知飢。腹中鳴響。攻動。乃清陽結閉於上。陽微不下行致響此皆不知陰陽虛實。實但以淡滲涼降。反傷胃中之陽。此症下損及上從陰損陽用妙香最為穩着

茯苓

炙甘草

煨熟廣木香

人參

茯神

益智仁

生穀芽

新會皮

儲宜興三歲問生不長育。自覺形體不為蹻捷。陰中之陽不足。精氣未能堅充。莫言攻病。務宜益體。夫生化之源。在乎水中有火。議斑龍丸。從來生不育之機非陽不也火

王山塘廿八日間痛發一次。日來不飢。大便不爽。凡痛嘔出黃濁。水難下咽。濁氣自下上湧。即有嘔吐之狀。腸中滯氣不行。胃中涎沫不瀉。腸中滯氣自下上湧。由於中涎沫不瀉耳。

半硫丸。每服一錢二分。

腸中滯氣。胃中涎沫。所以不行不瀉。由於腸胃陽氣不足。陰邪濁邪。轉得逆上湧泛。必半夏之降逆。硫黃之溫通。俾滯氣行而涎沫瀉耳。

秘石八歲。夏月黃疸。是脾胃濕熱氣化。治疸茵陳。乃苦清淡滲。右脇之傍為虛里穴。久進寒藥。胃傷氣阻成瘕。問大便不爽。用阿魏丸。每服一錢。久進寒藥後。濕熱留着。阿魏丸消剋之。

莊新歲廿二歲煙熏犯肺。噎逆咽痛。以清氣分之熱。輕可輕揚。味重即非治上。

大沙參

綠豆皮

葳蕤

桑葉

生甘草

燈心

沈二歲。顛頂近腦。久痛骨陷。乃少年時不惜身命。真精走洩。腦髓不滿。夏月乏陰內護。痛更不能起床。五旬有二。向衰諒難充精復元。夏月氣洩傷陽而陰乏亦不能內護。抵當熱氣此病機一所以難執也。

龜腹甲心

黃柏

虎脰骨

熟地

瑣陽

鹽水炒牛膝

蜜丸。

楊三八歲病未復元。勉強勞力傷氣。胸腹動氣攻衝。或現橫梗。皆清陽微弱。不司轉旋。

小建中湯

三陽少陽爲樞。平日上升清道。爲樞機轉旋。升清降濁。三焦分理。皆是物也。病



後清陽微弱。勉強勞力。傷在氣分。樞機無力。轉旋失司矣。

顧葑門失血既止。入冬不但血來。嗆嗽火升。外寒內熱。夫冬為蟄藏。彙神之令。少壯不自保惜收藏。反致洩越。乃腎肝藏陰內怯。陽氣閃煉自鑠。草木填陰。暫時堵塞其隙。精血無以寧養。務潛以絕慾。百日不發為是。屢發必凶。真水所以養物歸根。陽氣內伏。臟陰因不謹虧損。真火獨旺。真水愈涸。至木旺春升。溫熱病所由熾也。

熟地炒炭

茯神

黃肉

五味

湖蓮

芡實

女貞

川斛

不特火氣內伏。煎熬精血。至來春水不養木。少陽相火熾甚也。陰虛者火必升。嗆嗽吐血。當時有必致者耳。

于金壇廿六歲風熱傷衛外之陽。再發散升藥動陽。血自陽絡而出。醫用大黃逐瘀使下。下則陰傷。不飢痞悶。痰粘不渴。急急醒脾扶胃。再以清寒治嗽。決無愈期。蓋

應乎胃衛外陽傷當亟醒脾胃之陽但治血益之見所以然絕不  
於血分內瞻顧蓋治其本則標自愈非如今人之見血治血也

人參

白芍

生益智

茯苓

炙草

廣皮

服十劑後。接服異功散。血從胃來非關肺腎故異治也

胃爲多氣多血之海。而脾實統之。是以少年從色慾致傷而失血者。久則尙須  
亟固脾胃。使精生於穀。以漸補腎肝。况因風熱傷陽。再以發散升泄。陽不固而  
致血上溢者乎。治病安可通套耶。

張<sup>廿九</sup>歲

勞傷陽氣。直起喝破惟老手能之當壯盛年歲。自能保養安逸。氣旺可愈。

人參當歸建中湯

曹<sup>三十</sup>一歲腎虛筆老水液變痰。下部潰瘍成漏。血後嗽噎不止。精血內奪。龍雷閃爍。  
陰損及陽。症非渺小。庸醫見痰血及嗽。輒投涼劑。不知腎藏生炁宜溫。若胃倒

便瀉。坐視凶危矣。腎臟生氣。春升溫。夏之氣也。溫則生。寒則生機絕矣。

人參

胡桃肉

五味子

茯神

鮮河車膠

湖蓮子

芡實

治腎病有時用知柏、龜地。亦以其相火過熱。除其熱氣。使之溫和也。並非寒涼遏絕生氣也。亦猶溫膽湯之義。知此一層。便知用寒涼之妙。豈易言哉。

沈<sup>廿五</sup>歲。年十三時。自食鹿角膠吐血。繼用龜板膠而愈。緣稗少陽體。升補督脈已

非。述有遺洩。慮血再發。肌肉消瘦。陰虛偏熱。既慮夙恙。當戒奔馳用力。靜處身心自寧。無發病之累。奔馳用力太過。浮陽最易泄。陰火即隨上溢。載血湧逆。惟靜處林泉。天真寧謐。斯為上藥。

六味去丹澤。加水陸二仙、覆盆、湖蓮、龜腹版心。

楊<sup>廿二</sup>歲。陰損體質。學藝傾銀。火燃外燄內。液枯不能復。日飲上池無用。

糯稻根鬚

天冬

熟地

五味子

莫無錫四易怒。氣火逆行。腕中微窒。有痰氣阻妨食。先開上痺。瘦人脈數弦。勿投

香燥。湧氣火逆行痰必上

枇杷葉

降香末

黑梔皮

土萆皮

杜蘇子

新會皮去白

管四十歲食減肉瘦。食已不運。診關前沈濡小瀦。尺中虛芤。脾陽宜動。腎陽宜藏。見

此脈症。未老早衰。內損以調偏。莫言攻邪。脾陽宜動腎陽宜藏其治法

人參

茯苓

萆撥

胡蘆巴

生益智

生薑

脾陽腎陽。宜動宜靜。各有所主。此二語醫理中玄妙。該括無數妙義。後學牢牢記着。知但動脾陽。即所以藏腎陽。而藏腎陽益所以動脾陽也。

倪楓橋廿三歲勞傷營衛。不任煩冗。元氣不足。兼後天生真不旺。古人必以甘溫氣味。

從中調之。見心營肺衛治法用藥益

建中法加人參、桂心、當歸。

心營肺衛。實則兼統於心。以心爲陽中之太陽。營衛惟太陽主之。建中加參、桂、當歸。建心主之宮城也。

邵楓橋七十七歲。高年四末肉腫骨大。乃氣血已衰。不能涵注。內風暗起。謂風淫末疾。經稟

雅酌

桑寄生

枸杞子

虎掌骨

沙苑

照常熬膏。不用蜜收。

徐廿三歲。內損血後。痰嗽漸漸聲啞。乃精血先傷。陰中龍火閃爍。迭經再發。損必難復。填實下元。慮其不及。庸醫見血滋降。見嗽清肺消痰。不知腎液被陰火煅煉。化痰頻發必凶。每見血後。繼必痰嗽。都因見血。先投涼滋。遏抑火氣所致。保養可久。服景岳一炷丹。腎主充。

養肌肉灌輸百脈陰火  
日夜煎熬悉化枯痰矣

徐<sup>十七</sup>歲。虛質。肝絡受寒爲疝。議溫養入營中和血治疝。

炒橘核

桂心

粗桂枝

歸身

茯苓

冬葵子

小茴香

王<sup>陸家三</sup>十<sup>歲</sup>六<sup>歲</sup>。純陽氣分藥見效。則知病人酒肉冷物亂食。濕內聚傷陽。若不慎口

必危。

生白朮

炒黑生附子

茯苓

澤瀉

徐<sup>廿六</sup>歲。少年讀書久坐。心陽亢墜。皆令腎傷。醫藥亂治。胃傷虛里。脹悶吐水。而滑

精未已。乃無形交損。妙香散

人參

抱木茯苓

遠志

茯苓

益智仁

砂仁殼

青花龍骨

炙草



汪廿九厥起五年。脈形細促。乃腎肝精血內怯。冬藏失降。臟陰不攝。致厥陽內風飛翔。冒昧精神。病在至陰。精神出色入理深談熱氣集於身半已上。皆是下元根蒂之淺。隧道陰陽交。欲圖其愈。必靜居林壑。屏絕世務一年。寒暑隧道。陰陽交紐。不致離絕。此方乃補劑中之最靈動。最精深。入微者蓋隧道陰陽交紐。主一身督任漸致離絕之勢。五臟失其根蒂。補劑講究及此方為透入重關。非通套治病。

龜腹版心

活靈磁石

山萸肉

細川石斛

辰砂

川牛膝

人中白

黃蘗

凡介蟲三百六十。龜為之長。色黑為北方坎卦。水陰能潛矯陽。味鹹純陰。直入任脈陰海。磁石質重。入腎制肝陽上冒。以辰砂鎮心神。交其水火。萸肉酸以入肝。斂肝。牛膝佐入下焦。人中白鹹。黃蘗苦。以入陰。鹹苦制上浮。川斛清陰火。堅筋骨。此方大旨。

扁鵲見虢太子尸厥之病。曰。上有絕陽之絡。下有破陰之紐。可見人身自有命蒂。根本交結。紐住陰陽。晝夜運行。循環無端。則五臟六腑。爲生人根本。而臟腑之外。更有爲臟腑根蒂者。此先天乾南坤北。後天南離北坎。皆於此爲造化樞紐。品彙根柢。治病及此。何等深細微奧。

昔年潘鳳翽治何虎占痰病。診曰陰虛。疏方大半宗此旨。果效。

章 形壯脈弦。肢麻。胸背氣不和。頭顛忽然刺痛。是情志內鬱。氣熱煩蒸。肝膽木

火變風。燥筋襲顛。若暴怒勞煩。有跌撲瘳中之累。識得透此症必熱蒸化痰不但木火上拂矣

人參

茯苓

真半麴

木瓜

刺蒺藜

新會皮

已參用二陳矣。蓋形壯者。脈弦主痰飲也。

顧 勞傷形氣寒。脈小失血。亂藥傷胃。食減。必用人參益胃。涼藥治嗽必死。人參當歸

建中法  
去薑

人參

炙草

南棗

飴糖

當歸

白芍

桂枝

徐內損肝腎。久嗽失血。近日畏寒。吐血盈碗。冬不藏納。陰傷及陽。法當貞元煎溫養。

人參

熟地

桂心

茯苓

五味

白芍

童便半盃

鈕入湖州廿五六年胃痛。發必嘔吐不便。妙方

桃仁炒

麻仁

墨汁

延胡

歸鬚

南查炒

加韭汁十五匙。

是係厥陰結閉衝逆。以通幽法疎泄厥陰。遂其性而病自已。決不可投香燥也。  
孫<sup>計</sup>二胸中乃清陽遊行之所。少年氣弱。操持經營皆擾動神機。病名胸痺。仲景  
輕劑通上焦之陽。

薤白

桂枝

半夏

生薑

茯苓

白酒

申<sup>餘杭廿六歲</sup>勞病水枯腎竭不治。

猪膚湯

曹西山炎日遠行。熱入絡動血。入冬間發。乃身心不安逸。陽亢陰虛。

天王補心丹

方面腫氣喘。噎不止。音漸啞。周身之氣降。全在乎肺。酒客久蓄之濕。濕中生熱。  
氣必熏蒸及上。肺熱爲腫爲喘。聲音閉塞矣。按內經云。濕淫於內。治以淡滲。佐

以苦溫。滲則濕從下走。酒客惡甘宜苦。溫以通濕。濕是陰邪耳。中宮不下行聚於

活水蘆根

米仁

厚朴

滑石塊

浙茯苓

杏仁

六味藥俱降下滲濕之品。

鄒四十六歲辛能入腎。腎惡燥。凡辛能入血。則補辛以氣走。通洩則燥傷腎陰。方中仙

靈脾洩濕。半夏遠志辛燥。由陽直泄氣至下。人參、五味生津。亦為邪藥之鋒甚

所劫。何憤憤乃爾。此案未詳病形脈症但究誤治藥味想是陰虛症耳

人參

茯神

天冬

熟地

五味

柏子霜

猪腎搗丸。

項廿七歲。失血如飢腹痛。是煩勞致傷。見血投涼。希圖降止。乃胃傷減食。其病日凶。

煩勞者必傷脾胃之陽。絕不用膩藥。

熟地炭

湖蓮肉

山藥

茯神

芡實

炙草

張十歲。四兩月。晝熱夜涼。咳嗽喘急。是中年勞碌傷氣。忌酒發汗。甘溫益氣。

人參

炙甘草

薏苡仁

白芨

蜜水炙黃耆

方三十歲。脈細小垂尺。身動喘急。壯年形色若巔老。此情慾下損。精血內枯。氣撒不

收。字氣撒不收。四個夫有形精血。藥不能生。精奪奇脈已空。俗醫蠻補。何嘗填精。

能入奇經。

人參

胡桃肉

茯苓

補骨脂



河車膠丸

錢四十錢四十情志鬱結。是內因生脹。自投攻瀉。脹加溺閉。已屬痼疾難治。議通下焦之陽。

生附子

去皮臍切小塊。炒極黑色三錢。水一盞。煎至四分。入童便一小盃。猪膽汁一個。何南溥甘溫益氣見效。糞後腸血乃營虛。

下藥飴糖漿丸

人參

白朮

歸身

炮薑

黃耆

黃精

炙草

白芍

施陽明之陽已困。胸脹引背。動怒必發。醫藥無效。

人參

熟半夏

生白蜜

薑汁

茯苓

大半夏湯加味。

吳江陰十十二年春夏發瘡。內因之濕。本乎脾胃。忌口可愈。

生真於朮一斤 白蒺藜一斤

用糯薏苡仁十兩煎汁泛丸。方極精

王三三歲濕去八九。前議運脾安腎。治本既乏人參。雙補未合。况屢見黃色。仍以脾胃之法。

生於朮

生杜仲

澤瀉

茯苓

米仁

川斛

水泛丸。

陸陝西三八歲血脈有熱。外冷襲腠。氣血不和。凝滯肌隧。遂見癰疹。凡痛多屬冷閉。癢

由熱熏。渺小之恙久發。欲除根不易。平時調理。忌食腥濁。發時用涼膈散。二日愈時。用和血熄風。

連翹

生甘草

炒黑山梔

赤芍

薄荷

桔梗

枯芩

生大黃

接用丸方 黑豆皮湯丸

首烏

胡麻

當歸

松節

茯苓

地膚子

戴楓橋咽痺痰鹹。是腎虛水泛。下焦少力。浮陽上升。陰不上承。以鹹補甘瀉實下。

甘守中鹹潤下甘能化鹹土制水也  
中宮既培鹹味自當趨下不上泛矣

熟地

遠志

菴蓉

茯苓

青鹽

骨脂

胡桃

紅棗肉丸。

苗六三歲痛起寒月。胃脘貫及右脇。腹鳴攻至少腹。少腹氣還攻胃口。嘔吐酸濁。或食或不食。三年之久。病由胃絡逆走入肝。肝木復來乘胃土。主以辛熱。佐以苦降。土氣先走入厥陰。厥陰不受仍還乘胃土耳。治法極爲周密。

吳萸

良薑

茯苓

川棟

延胡

蓬朮

荻四二歲。左搏尺動。脈微理肝腎陰傷。血後乾噎。夜汗陰火閃動。陽不內交。虛怯陰損。壯水固本爲要。醫但治嗽清肺。必致胃乏減食。

人參

茯神

芡實

山藥

熟地

五味

萸肉

湖蓮

生龍骨

鮮河車膠丸

朱木續三十歲外視偉然。是陽氣發越于外。冬乏藏陽。肝腎無藏。上年酸甘見效。今當佐苦堅陰。

熟地

五味

萸肉

茯苓

天冬

黃柏

陸水關橋廿三歲久嗽入夜氣衝。失血腎逆。必開太陽。

桂苓甘味湯

吳二歲脾胃最詳東垣。例以升降宣通。忌膩濁物。味補必疎。欲降濁必引伸清氣。皆平調和法。幾年小效未平。仍是脾陽胃陰。

南查肉

九蒸於朮

乾荷葉煮湯一杯泛丸。

湯四六歲是腎虛精奪於裏。陽失內交。陽洩為汗。腎脈循咽。元海不司收攝。衝氣升

騰。水液變痰。升集壅阻。而為喘促。語入夏月陰內陽外。忌寒屬陽虛。究其源頭。精損於先。乃陰分先虧。損及乎陽也。惟陰中之陽虛。故肌表衛外之陽亦虛。而為汗洩。急補真陽。而肌表自固。

天真丸去黃耆。加鹿茸、補骨脂、紫衣胡桃肉。

李木蘭廿一歲男子血湧出口已多。面色氣散。冬乏藏納。是無根失守。凶危至速。况脈小無神。醫以寒降清火。希冀止血何謂。

人參

牛膝

白芍

熟地

枸杞

魏花溪三十五歲胸中是清陽轉旋之所。凡飢飽憂勞太過。陽氣不行。則濁陰錮結。非有積聚之比。酒肉助陰聚濕。永不能愈。此人必是貪饕。

葶撥

厚朴

茯苓

公丁香柄

茅朮

米仁



許歲五十勞倦傷陽失血庸醫以涼藥再傷氣分之陽指麻身痛法當甘溫氣已屬陽精細極矣

人參當歸建中湯去薑

血症能用陽藥已是老氣無敵其妙在辨症明確不似今人之動輒滋陰也然於傷陽失血之症再經涼藥更傷其陽則建中更無慮其動血矣

汪水潭腎陰已怯同耳少心陽遇煩多動所謂臟陰絡損之血甘以緩熱酸以固陰少陰精血上承心陽自爾靜矣心不

熟地炒枯水

旱蓮草

茯神

黃肉

女貞

柏子仁

柿餅炭三錢

張坊大馬脈沉細久嗽五更陽動咳頻汗洩陽不伏藏腎氣怯也寅時氣血難于固肺虛矣下元不固氣使然

茯苓

甜桂枝

炙草

五味子

每見肺虛氣弱之人。凡遇秋冬曉寒。即重茵疊被。不任霜寒肅降之氣。咳逆不已。此內傷兼外因也。若陽動即咳。乃應時衝逆。不必秋冬也。

詹

衡州四歲閱開列病原。腎精內損。心神不斂。臟陰不主內守。陽浮散漫不交。陽不過

主內守。陽浮散漫不交。意新詞難。中年未老先衰。內傷臟真。心事情慾為多。  
問後嗣繁衍。絕慾保真。勝於日嘗草木。

九製大熟地

人參

金箔

石菖蒲

遠志肉

茯苓

生白龍骨

生益智

紅棗蜜丸。

吳

東山廿七歲

頻失血已傷陰。冬至後脈弦。屬不藏。是腎陰不足。虛浮熱氣之升。戒酒

節慾。勿日奔馳。可免春深反復。細風光

六味去丹澤。加龜腹版心、清阿膠、天冬、秋石。

臟真無日不宜深藏。故曰臟也。冬至更是萬物歸根之候。弦脈爲春深發升之象。先時而見。恐當時反不能見矣。故曰不藏。

邵杭州三六歲寇宗奭桑螵蛸散。溫固下竅。佐以寧靜。以陽之動。既有齒痛熱升。理陰藥和陽攝陰。鎖陽一味鎖住陽氣以入陰而不令上越耳

芡實

旱蓮草

鎖陽

金櫻子膏

龜版心

女貞子

蜜丸。

陽氣動。卽浮升散越。而不能攝陰。須充沛陰分。俾陽內交而依戀。則陽入陰中而和陽。卽是攝陰矣。

李橫街十九歲精滑無夢。咳涎常嘔。乃腎不攝納。肺藥無用。直截了當

人參條

紫胡桃肉

人乳粉

坎 燕 燕 燕

茯苓

五味子

江<sup>章</sup>廿<sup>蓮</sup>二<sup>蕩</sup>歲驚恐內動肝腎。真陰不旺。陽失偶而浮越。下虛上實。過勞有厥仆之累。

熟地

龜版

天冬

白芍

黃肉

鎖陽

歸身

黃柏

蜜丸。

徐<sup>五</sup>六<sup>十</sup>歲眼胞上下脾腎之脈循行。垂不開闔。太陰脾脈已倦。甘補多用為宜。

蒸於朮

枸杞

桂元

歸身

黃耆

炙草

煨木香

浙菊花

周<sup>十</sup>八<sup>八</sup>能食胃和。後天頗好。視形神及脈。非中年沛充。乃先天稟薄而然。冬寒宜

藏密。且緩夜坐勤讀。

六味加石人乳粉。蜜丸。

張茜經三十歲三瘧已十三個月。汗多不解。骨節痛極。氣短噯噫。四肢麻。凡氣傷日久。

必固其陽。周方

人參

炒蜀漆

生左牡蠣

桂枝

淡熟川附子

五花生龍骨

老生薑

南棗肉

林錄香橋廿七歲陰火擾動精走。用滋腎丸。以知柏每服三錢。

郭巷談家凡滋味食下不化。噯出不變氣味。蓋在地所產梁肉成形者。皆陰類。宜食

飛翔之物。以質輕無油膠濁凝。醫用妙香。謂香能醒脾。不致燥烈傷腎。此本乎

上本乎地者親下自然之理格物之功深矣

人參

茯苓

茯神

石菖蒲

檀香末

生益智

朱臨頤精血空隙在下。有形既去難生。但陰中之陽虛。桂附辛熱剛猛。即犯劫陰燥腎。此溫字。溫字洗剔精義。蓋溫劑總以柔陽立法。若春陽聚。萬象發生。以有形精血。身中固生氣耳。

淡苳蓉

桑螵蛸

炒黑大茴香

鎖陽

生菟絲子粉

顧三才氣候漸冷。冬至收藏。陽浮氣泛。嗽甚嘔多。前議柔藥固腎方不謬。早上仍用。不宜更張。佐以鎮胃安脾。中流有砥柱。潰決逆行之勢。可望安瀾。晚餐宜早。逾時用冬白朮三錢。大黃精五錢。煎服。先固下。繼填中。治法并并舍此無他法矣。

錢

婁門十

少年面色青黃。脈小無神。自幼頗有嘔吐。是後天飲食寒暄。致中氣不

足。咳嗽非外感。不宜散泄。小建中湯法主之。老筆

李三才喜寒為實。喜暖為虛。衝氣逆干則噎。粘涎着於喉間。是腎精內怯。氣不攝



固於下元矣。腎臟水中有火。是爲生炁。當此壯年。脈細不附骨。脈卽是虛其稟質之薄顯然。精能化氣。精充者氣自歸根。腎精怯水不化。精而成粘。凝陰火上通。而喘痰亦粘矣。

紫河車

紫衣胡桃

五味子

雲茯苓

枸杞

人參

沙苑

黃柏鹽水炒

秋石

搗丸。

薛范壯入十歲稟陽剛之質。色厲聲壯。邇來兩月。腸紅色深濃濁。臥醒咯痰已久。肺熱下移於腸。腸絡得熱而洩。自言糞燥越日。金水源燥。因迫動血。瞭如指掌。上下一貫。

大生地

柿餅灰

生白芍

淡天冬

側柏葉

孫四三十歲內損精血。有形難復。淹淹年歲。非醫藥功能。病中安穀知飢。後天生氣未

億。若究醫藥。必溫煦血肉有情。有裨身中血氣。冬春用天真丸。冬春二字最有斟酌病中安穀知飢。陰損尙未及陽可知。先天精氣雖損。猶賴後天水穀之精氣以蔭。治虛損必以脾胃爲先務也。

朱唐市三一歲農人冷雨淋身。在夏天暴冷包熱。原非大症。木驚有毒。石膏清散。攻攢

觸之氣閉塞。欬久咽痛。輕劑取氣。開其上壅。若藥味重力不在肺。上焦所謂輕藥輕不但取其氣輕味薄不用取其氣輕味薄也。

射干

生草

牛蒡

麻黃

米仁

嫩蘇葉

朱形瘦虛數之脈。血屢次發。痰嗽不止。此非肺咳。乃血去陰傷。陰火如電爍而

致咳。如日進清肺降氣消痰。則內損不起矣。陰火如電爍最爲駁劣難當注

都烝法去丹澤。加脊髓、芡實、蓮肉。

李<sup>甘</sup>六壯年形瘦肌減。自述無因滑洩。長夏內陰不生旺而失血。顯然陰虛。竅隧不固。大忌勞力奔走。雖在經營。當諸事慎養。身心調理之恙。不取藥之寒熱攻病也。陰虛之人略加勞力奔走。陽病也。即上升陰火。即載血上溢矣。

### 桑螵蛸散

陳<sup>十</sup>歲<sup>五</sup>。嘔食物有形不覺痛。若嘔水必有阻塞。此內應肺之氣分。肺象空懸。主呼出之氣。氣窒生熱。法當清肅氣分。辨症極細切。都是氣分藥。

連翹心

滑石塊

大力子

生甘草

南花粉

枇杷葉

張<sup>四</sup>歲<sup>十</sup>有年。仍操持經營。煩冗營傷。心痛引脊。醫用附子痛甚。知不宜剛猛迅走之藥。

茯苓桂枝湯去芍

金匱雖有心痛徹背。背痛徹心。用烏頭附子辛熱藥治法。然必細審氣分虛寒。不在營血。方可直施無忌。若病在營分。燥傷陰矣。

朱對二夏熱秋燥。傷於氣分。胸痞多噯。大便燥結。凡上燥清肺。不取沈膩滋降。病一  
到各手先過人處因此在

大沙參

玉竹

蘇子

桑葉

麥冬汁

蜜炒橘紅

管三對積勞氣逆。肝膽熱升。咯血膠痰。既有是恙。務宜戒酒勿勞。藥用和肝胃之陽。陽和氣順。胸脇痛自己。勞者氣必上行逆勞字兩火在上即君相二火上升也故用藥下行之品居多和肝胃之陽則氣自順下

桃仁

丹皮

鉤藤

山查

梔皮

金斛

茯苓

麻仁

翁四四歲十夏月露宿。冷濕下入陰絡。少腹堅凝有形。兩傍筋絆牽引。自述夢遺。然有

形固結。非補助之症。當與結疝同治。乃絡中病。治法平

南木香

穿山甲

金鈴子

橘核

延胡

蓬朮

麝香

葱白汁丸。

沈四十幾年失血。繼而久嗽。乃內損之咳。痰多治嗽無用。已失音嘶響。損象何疑。

純粹以精

黃精

白芨

米仁

茯苓

四味熬膏。早服牛乳一杯。

陳六十歲據述三年前因怒寒熱臥床。即陽動炒繼而痰嗽。至今飲食如常。嗽病不愈。思人左升太過。則右降不及。况花甲以外。下元必虛。龍相上竄。嗽焉得愈。古人謂老年久嗽。皆從肝腎。主議不當消痰清燥。議用都炁丸加角沉香、紫衣胡桃

肉。升胃脈從頭走足。胃氣一走。膀胱一走。大腸皆從下行者也。肝火上升。肺氣即不肅降。不論外感內傷。總由氣逆為多。收攝固是正治。

葉十一歲。過勞。痧從上下溢。胸悶格嘔。先以辛潤宣通血中之氣。血上下溢。血中

極佳法

炒桃仁

降香末

茯苓

蘇子

大麻仁

蜜炒橘紅

顧。向年操持勞心。心陽動上。亢挾肝膽相火。腎中龍火自至。陰藏之火。直上巔

頂。貫串諸竅。由情志內動而來。不比外受六淫客邪之變火。醫藥如涼藥清肺

不效。改投引火歸源以治腎。診脈堅而搏指。溫下滋補。決不相投。倣東垣王善

甫法。用滋腎丸。此古人調攝所以

葉十歲。五酒肉生熱。因濕變痰。憂愁思慮。氣鬱助火。皆令老年中焦格拒阻食。薑

半之辛。展拓開。薑連之苦降。即古人痰因氣窒。降氣為先。痰為熱生。清火為要。



但苦辛泄降。多進剋伐。亦非中年以後。僅博目前之效。議不傷胃氣。冬月可久用者。有形無形交傷中氣。剋消固不可。滋補亦非宜。惟選甘寒養胃。略帶辛涼。以宜鬱火。既不傷胃。又可久服。令中焦漸和。窒塞漸通。何其巧也。

甜北梨汁五斤 萊菔汁五斤

和勻熬膏。

痰是身中津液所結。未結以前。津液爲至寶。既結以後。濁滯爲腐穢。病至津枯液涸。惟有氣火上升。逼燥。則乾枯立至。猶幸有痰。飲以滋養也。養火須以添油。辛涼滋豁。甘寒養胃。立法於無過之地。非名手不辦。

郭四十咽中氣阻至腕。物與氣觸則嘔。病及一年。大便由漸窒塞。夫氣降通行。全在乎肺。氣阻必津液不流。上枯下燥。肺在上焦主氣。當清氣分之燥。諸氣膈鬱。責諸肺。波瀾老成。

枇杷葉

土萆皮

桑葉

赤蘇子

苦杏仁

黑山梔

王 稟質陽亢陰虛。頻年客途粵土。南方地薄。陽氣升洩。失血咳嗽。形寒火升盜汗。皆是陰損陽不內入交偶。醫見嗽治肺。必延綿入凶。火升者必形寒蓋陽氣橫散手足遍體皆溫若

火升巔頂不得溫煦肢末故必形寒

熟地

芡實

五味

茯神

建蓮

炒山藥

侯二四歲痰飲留伏而發。最詳金匱玉函。仲景必分內外。以內飲治腎。外飲治脾。更出總括一論。謂飲邪當以溫藥和之。憶越數年舉發。春夏秋之時。此因時寒暄感觸致病。今屢發反頻。勢甚於昔。乃男子中年以後。下元漸衰也。痰爲火結內

寒之人真陽不能鼓動運行水飲卽爲留着且腎虛水泛最易成飲故必以溫藥和水之

都炁丸加坎炁、胡桃肉。

莊長順布行廿九歲開列病原。是精腐於下。係腎臟陰中之陽虛。凡腎火內藏真陽。喜溫

煦。則生陽自充。腎臟陰中之陽所以若以薑、桂、烏、附燥熱。斯燥傷腎矣。溫是春

萬物發生燥熱則如夏日之剛烈秋陽之肅殺煎熬血液反潤本真所以不可輕投也

鹿尾

大茴

菴蓉

菟絲

羊腎

雲苓

巴戟

歸身

骨脂

韭子

蛇床子

楊三十歲三瘧是邪在陰而發。自秋入冬。寒熱悠悠忽忽。自述煩勞必心胸痞脹。凡

勞則傷陽。議以溫養營分。亦托邪一法。托邪藉乎溫養營分亦固正以祛邪也

人參

歸身

桂心

茯苓

炙甘草

炒黑蜀漆

老生薑

南棗肉

戈三十歲奪精陰損。不肯生聚。致腎中龍火。如電光閃爍。庸醫以喉痛音啞欬嗽。愈

用寒涼清火強降。亦如傾盆大雨而電閃更熾耳。凡腎脈上循喉嚨。繫於舌下。諸絡貫通。出乎耳竅。必得陰中五液上涵。龍光不得上射衝搏。況在冬月。氣宜潛藏。下乏把握失藏。春半陽升必加重。夏半陰不能生危矣。虛癆至此已極情方大義可知矣

天地生生不已。氣機無一息之停。人稟陰陽五行之秀。與天地生氣。息息相通。脈脈相貫。全賴精炁神充旺。合同而化。以生以續。相尋不已。若精炁內奪。生機斷矣。於氣化何尤。

錢十二癰厥昏迷日發。自言臍下少腹中痛。此稔年陰弱。偶爾異形異聲。致驚氣入肝。厥陰衝氣。亂其神識。遂令卒倒無知。酸以斂魂苦以清心寧神辛以開結行痰溫以通陽泄濁

烏梅肉

川連

白芍

川椒

乾薑

桂枝

楊三對產後十五年。不得孕育。瘕聚心痛氣衝。乃衝脈受病。久則未易圖速功。獨

消滯溫下通  
陽用攻法

南山查

茯苓

蓬朮

香附

炒小茴香

葱白

馬三對巔頂腹痛。溺淋便難。

龍薈丸二錢

此肝火閉結。逆乘橫行肆虐之症。

陳三六三瘕是邪入陰經。緣年力向衰。少陰腎怯。擒住少陰夏秋間所受暑熱風

濕。由募原陷於入裏。步步實交冬氣冷收肅。藏陽之鄉。反為邪踞。正氣內入。與邪

相觸。因其道路行遠至三日。遇而後發。凡邪從汗解。為陽邪入腑可下。今邪留

陰經。絡脈之中。發漸日遲。邪留剗鑠五液。令人延纏日月。消鑠肌肉。蓋四時氣

候更遷。使人身維續生真。彼草木微長。焉得搜剔。臻絕頂超妙。俱留絡伏邪。必須春半陽升丕振。留伏無藏匿之地。除病根雖在將來而眼前亦須善於今日之要。避忌暴寒。戒食腥濁。胃不受傷。不致變病。致病之由藏病之地發病之機病纏之累歷歷如繪病情與筆力俱除深入顯出其治法須俟天地大氣升泄方能借勢剷除乘勢待時事半功倍凡事皆然寧醫理獨不由此

生牡蠣

黃柏

清阿膠

甜桂枝

北細辛

寒水石

病深用藥亦深。

王六歲平日驅馳任勞。由脊背痛引脇肋。及左肩胛屈曲至指末。久延麻木。凡背部乃陽氣遊行之所。久勞陽疎。風邪由經入絡。肝為風藏。血傷邪乘。因氣不充。交夜入陰痛加。陽氣衰微。陰邪犯陽。攷古東垣。陽氣本能生血陽傷既不能生血又不能護血以禦邪內風既製動潛致陰邪犯陽安得不痛製



舒經湯

陳五南城下十歲海風入喉。侵肺久着。散之無用。議緩逐以通上竅。藥味俱輕揚上泛丸則不失緩逐之義

馬勃

射干

蟬衣

麻黃

爲末。以葶藶子五錢。大棗十個。煎水泛丸。

金關上九歲四凡痞脹治在氣。燥實治在血。四者全見。攻之宜急。此症肝絡少血。木火

氣上膈而痛。辛潤柔降。得以止痛。通大便。厥是肝陽化風。燥升受熱。動怒必來。

不在醫藥中事。燥居六氣之一火就燥燥氣上升致木火之熱上膈而痛不可不治法

芝蔴

柏子仁

天冬

生地

蘇子

姚曹家巷四十歲心腹如焚。陽結肌腠寒冷。知飢不甘納食。大便久澹。此屬勞怯。陽氣結于

上下則中虛寒醫藥見嗽。清肺清熱。損者愈損。未必用藥能除病。病者到此地位醫者無可奈何只得此

方

黃精

白芨

米仁

炙草

曹

瘧熱攻絡。絡血湧逆。脇痛咳嗽。此是瘧止。後見症。液被瘧傷。陽升入巔。為頭痛。絡病

在表裏之間。攻之不肯散。搜血分留邪伏熱。瘧熱太峻。火熾。燥。津而通。血上溢。在表裏之間。一句指示迷途。

生鱉甲

炒桃仁

知母

丹皮

鮮生地

寒水石

搜血分留邪伏熱。真水清石見之用藥。刀刀見血。

葛

東山成漿必藉熱蒸濕氣。此是症。痘前發驚。是痘毒由血脈而出。乃常有事。牛

黃大苦大寒。直入心胞。若因時氣未解。古人謂用之如油入麵。反令內結。數月

語言不靈。熱氣膠痰。蒙蔽膈中清氣。痘驚為痘毒由血脈而出之。機不得以幼科驚風論也。

遠志

石菖蒲

天竺黃

金箔

膽星

川連

銀箔

麝香

冰片

蜜丸。重五分。

楊 夏季暑濕。必入氣分。謂二邪亦是一股氣。同氣相感。如泄瀉。洩少。皆濕鬱阻

氣。以六和湯、甘露飲、有憑可證之方。已後不分氣血。涼熱互進。氣分之邪。引之入血。此亦如五胡亂華。賢如溫祖。難救神州陸沉。二氣分必之邪。仍從氣分宣洩。末

杏仁

薏仁

大麥仁

米仁

浙苓

橘紅

佩蘭葉

程二六十歲形神衰。食物減。是積勞氣傷。甘溫益氣。可以醒復。男子六旬。下元固虛。若胃口日疲。地味濁陰。反傷中和。

異功散

汪 長夏濕氣。主傷脾胃中陽。濕是陰濁之氣。不飢泄瀉。濕滯氣阻。升降不利。欬聲震動而血溢。醫知風寒火頗多。而明暑濕燥絕少。愈治愈窮。茫茫無效。到吳已易三方。病減及半。推原和中爲要。病是因濕致血。但宣氣滯不必顧。

生穀芽

茯苓

白芍

炙草

米仁

北沙參

藥味清和。治濕不致燥烈動血。

錢信三

心巷四

腎精內奪。骨痿肉消。溺洩不禁如淋。大便不爽。氣注精關。液枯竅阻。

施洩無度真氣下注走熟精隨氣洩精關不有形既去草木不能生精血莫若收不固溺洩如淋骨髓不充自當骨痿肉消取血悉填進衝任之脈絡。必多服久進。腎液默生。可保身命。語有飭兩憤用房衛之人通動臟腑中之氣盡注陽道病中不痿臨危方倒

河車、人乳煉膏。煎參湯送。

齊四八歲十四五月暴煖。雨濕泄瀉。是勞煩氣弱。易受時令之氣。今見症脾胃不和。乃

長夏熱泄元炁。胃津傷。口必不辨五味。以縮脾飲加減

人參

砂仁

桔梗

米仁

烏梅

白蔻仁

橘紅

穀芽

章水關橋四十九歲。病人說欬嗽四年。每着枕必欬。寐熟乃已。此腎虛氣衝上犯。醫見嗽

治肺。延及附腫。陰囊皆浮。陰水散漫。陽乏開闔。都屬肺藥之害。講到陽氣開闔才大心細

### 嚴氏腎炁湯

陽氣有開有闔。氣即流運宣通。蓋少陽為樞。少陰亦為樞。至於陽泛開闔。不但陽微。少陰亦虧損。腎既不能化氣。更以肺藥損真。故獨宜於濟生腎炁湯也。

沈三十歲。初春時候尙冷。水涸開湖。挑脚勞力。居於寒濕冷處。是脫力內傷。氣弱嗽

加。寒熱。大忌發散清肺。發散清肺治嗽不誤殺許多人耶

小建中湯

俞齊門廿八歲氣自少腹攻至心下則痛。氣漸下歸而散。問驚恐爲病。由肝腎之厥逆。  
仲景厥陰例。不以純剛。法宗金匱收辛開苦降

烏梅

白芨

川椒

川棟

桂枝

淡乾薑

沈三十歲此嗽是支脈結飲。治肺無益。近日嗔怒嘔氣。寒熱一月。汗多不渴。舌淡白。

身痛偏左。咽癢必咳。支脈結飲用清潤法不辛通恐通成燥燥耳

玉竹

大沙參

米仁

生草

扁豆

茯苓

金四枚瘦人易燥偏熱。養胃陰。和肝陽。可以久服。養胃陰即所以和肝陽不分兩段

大生地

清阿膠

淡天冬

北沙參



麻仁

白芍

尤齊門四胸中屬身半已上。是陽流行之所。據說偶然阻塞。暖氣可爽。醫藥全以黃地滋膩血藥。况中年勞形。亦主傷氣。病屬氣傷。不用辛溫通補。而以鬆早服桑麻丸。夜服威喜丸。

凡經絡之氣。必藉津液以流行。液充則利。津枯則氣必澀滯。他人調氣。總辛燥以開通。惟天翁深知氣藉血行。故每用充養津液。略加宣滯以利氣。

胡計二腎虛遺精。上年秋冬用填陰固攝而效。自交春夏遺發。吞酸不飢。痰多嘔吐。顯然胃逆熱鬱。且以清理。腎為胃之關。關內空虛。濁陽上逆。胃亦氣逆。鬱熱下損。及中之類。

川連

桔梗

廣藿梗

薏苡仁

橘白

白蔻仁

向有遺病。已用填陰固攝而效。今交春夏遺發。吞酸不飢。此陽明感挾濕熱。熱

氣失宣。蒸痰嘔吐。與前症是兩截。閱方便見。  
曹四歲痛久必留瘀聚。屢次反覆。以辛通入絡。

桃仁

歸鬚

麻仁

柏子仁

降香汁

凡痛必在絡脈。痛久瘀聚。亦必入絡。治絡主以辛通。方能入其中以疎達。

汪三歲肝血內乏。則陰虛於下。陽愈上冒。變風化燥。凡脚氣筋攣骨痛。無脂液濡  
養。春夏陽浮舉發。最是陽不入交於陰。必上及諸清竅。目痛頭岑。陽為動物上不  
矣。坐不得寐。治宜潤燥養津。引陽下降。陽不入陰則在下既不能蒸化脂液濡  
下降雨  
得之矣

鮮生地

淡天冬

清阿膠

大麻仁

柏子仁

肥知母

始也。以陰虛不能戀陽。繼也。以陽升不能生陰。總歸于陰陽兩虛耳。

養液藥中佐以苦降。所以引陽下歸也。此等甘寒之藥。能

孫五九歲食入氣衝。痰升阻塞咽乾。此為反胃。病根起於久積煩勞。壯盛不覺。及氣

血已衰有年。人恆有此症。未見醫愈。自能身心安逸。安其形。症以養其神。而降其火也。可望久

延年月。煩勞之人。無不傷氣。傷陽。根蒂不固。延年月。蒸動真火。上逆有升。無降。故反胃也。

黑梔 半夏 橘紅 茯苓

金斛 竹瀝一兩 薑汁三分

此方祛消痰飲。佐以清火。

丁八四歲平日酒肉濁物助陰。脘中凝結有形。此皆陽氣流行之所。仲景陷胸瀉心皆治痞結。謂外邪內陷治法。今是內傷。與陽氣邪結異例。

葶撥 良薑 烏藥 川烏

紅豆蔻

香附

茯苓

一派辛溫助陽行氣。驅陰濁而破散凝結。

鄧<sup>廿七</sup>精損在下。奇經久空。陽維脈絡空隙。寒熱已歷幾月。相沿日久。漸干中焦。

能食仍有痞悶便溏。陰傷已入陽位。是虛損大症。俗醫無知。惟有寒熱滋降而

已。下損不得過脾陰損及陽已踰中焦矣。法在不治尚幸能耐溫燥。

人參

麋茸

生菟絲子

炒黑川椒

茯苓

炒黑茴香

陽維陰維二脈。主維繫周身陰陽相續于不息之途。則營衛流行。血脈貫通。循環無已。陰陽交紐不撒。若二脈空隙。則陰陽將不相聯屬。寒熱交作。元炁散越矣。

王<sup>十八</sup>真陰未充。冬失藏聚。春陽初動。陰火內灼。成瘍潰膿。更傷血液。此咳乃浮

陽上熏之氣。日晡及暮。神煩不寧。治在少陰。血液亦真陰之輔。既不安得不重劑。滋堅陰分。火鑠精復以續膿而更傷血液。下降

烏膠

龜腹版心

黃柏

天冬

川石斛

生地

純陰無陽之藥。為其人火燥鑠金也。

張一三歲。單單腹大。按之更。吸吸有聲。是乃濕熱。問二便不爽。平日嗜飲聚濕。變熱。

蟠聚脾胃。蓋濕傷太陰。熱起陽明。濕本熱標。濕傷太陰。熱起陽明。指明太陰。令人豁然。

綿茵陳

茯苓皮

金斛

大腹皮

晚蠶沙

寒水石

脹因濕熱。停住蟠聚。當從濕熱例治。用藥靈巧。不得概用溫補腎熱法也。

沈廿九男子。左血右氣。左麻木。血虛生風。延右面頰。吸陽明脈矣。以辛甘血藥理

血中之氣。此血熱生風之症

枸杞

菊花

刺蒺藜

桑寄生

蜜丸。

李<sup>廿八</sup>歲。酸梅泄氣傷中。陽升失血。議養胃陰。

生白扁豆

肥白知母

生甘草

麥門冬

甜北沙參

酸主收斂。但過助木氣。則肝強肆橫。轉主疎洩中氣。木來侮土。胃血不寧而湧泄矣。議養胃陰。既足供木之吸取。兼以生血滋肺。而木有所制。

徐<sup>醋庫</sup>

年多下元自餒。氣少固納。凡辛能入腎。辛甘潤藥頗效。陰中之陽氣。由陽

明脈上及鼻中。當以酸易辛為靜藥。陰中氣難耐也。此症必是獨覺鼻中有穢氣。

紫胡桃

萸肉

五味

茯苓



鎖陽

補骨脂

青鹽丸

既以酸鹹下降收束。又以鎖陽鎖住陽氣。蓋陰中之陽。乃是下元真火。本宜潛伏。不可上炎也。

汪 夏濕化熱。清肅氣分。已愈七八。濕解漸燥。乃有勝則復。擬胃津未壯。食味不

美。生津當以甘涼。如金匱麥門冬湯。細玩如字不必指定麥門冬湯為板方也

溼氣甫解。即慮燥勝。心源活潑。呆鈍人何從下手。

宋五十內經曰。中氣不足。溲便為變。不飢口苦。脾陽不得旋轉。運行胃津。脈絡久

已呆鈍。乃勞傷氣分。暑邪虛實藥中。議縮脾飲。脾挾濕熱則緩大弛長不司旋轉縮之以甘補酸收辛開淡滲

則健運矣

人參

廣皮

烏梅肉

煨薑

益智仁

茯苓

張九齡平昔勞形傷陽。遭悲憂內損臟陰。致十二經脈逆亂。氣血混淆。前後痛欲  
搥摩。喜其動稍得流行耳。寢食不安。用藥焉能去病。悲傷鬱傷。先以心營肺衛  
立法。七情動中營衛皆爲阻逆。心營肺衛兼理清寧其神明之主也。藥味更須着意。

川 貝

枇杷葉

松子仁

柏子仁

蘇 子

麻 仁

病至經脈逆亂。氣血混淆。醫從何處着手。先以心營肺衛。乃理其氣血之本。君  
主安十二官皆寧也。示後人以下手之法。

此病是先傷陽。繼傷陰。方藥並不以重劑陰陽並補。先理心營肺衛。調其逆亂  
之經絡。混淆之氣血。初看似乎迂遠。細想知先寧君主而後再用調補。治病有  
法。

批錄葉天士晚年方案真本

清 古吳 葉 桂天士原著

清 吳江 徐大椿靈胎評批

清 古吳 張振家筱林參校

鄞縣 曹赤電炳章圈校

卷下

羅三六對情懷內起之熱。燔燎身中脂液。嘈雜如飢。厭惡食物無味。胃是陽土。以陰  
為用。津液既窮。五火皆燃。非六氣外客之邪。膏連苦辛寒不可用。必神靜安坐。  
五志自寧。日餌湯藥無用。五志無形之火皆本於先天元陽靜則溫養臟  
真為生生之氣燔灼則通燥津液肌肉日削

人參

知母

茯神

甘草

生地

天冬

鮮蓮子

胃是陽土。以陰爲用。故胃陰須養。真名語也。

性情隨氣血改移。肌皮寬厚者。往往弛緩。每見燥急人瘦如骨立。津液不充。火氣飛揚耳。

潘耒六少年失血遺精。陰虛爲多。夫精血有形。既去難復。卽是內損陰虛。日久漸干陽位。肝腎病必延胃府。所列病原。大暑令節。乃天運地氣之交替。人身氣餒失司維續。必有不適之狀。精深論褚澄云。難狀之疾。謂難以鳴訴病之苦况也。至明確惟其病延胃府所以人身氣餒失司維續也。

妙香散

節令交替。氣旺者潛移不覺。中氣虛衰少力。旋轉樞紐。幾於或息。故維續爲難。

耳。

顧暑濕必傷脾胃。二邪皆陰。不必苦寒清熱。調氣分利水。此邪可去。中年病傷氣弱。以強中醒後天。中年人氣分已不旺。再因病傷氣。更弱矣。強中壯氣。卽是驅邪。

人參

炒扁豆

木瓜

茯苓

炙草

廣皮

暑因乎濕。挾濕已蒸化爲熱。必須甘涼淡滲。亦不必用苦寒。若未經化熱。不致傷津劫液。但調氣分利水足矣。暑溼一門。變症最多。不可不辨。此必是未經化熱者。

胡四三歲不量自己。每事爭先。此人素稟火重。必此非傷於一時。春夏天暖。地中陽升。失血咳嗽。聲音漸啞。填實真陰以和陽。人身隨天地氣機升降。元氣旺時不覺氣血衰。而有病便六氣爲主。而此身無權矣。

熟地

黃肉

淮山藥

茯苓

天冬

麥冬

龜甲心

女貞

芡實

建蓮肉

錢四十瘦人暑熱入營。瘧來咳痰盈碗。平日飲酒之熱。蓄於肝胃。舌黃渴飲。議用玉女煎。

玉女煎的係肝胃之藥。暑熱外侵。酒熱內應。內外合邪。專在營分。非石膏、生地等屬。難以清營中之熱。

楊三十胃傷食減。形倦舌赤。此係脾病。形倦舌赤必是脾氣傷而脾營耗者

四獸飲

六君子加烏梅、草果等分。薑棗煎。三因和四藏以輔脾。故名四獸飲。

王司前液被瀉損。口渴舌白面黃。不是實熱。血由絡下。糞從腸出。乃異歧也。明

然豁



炒歸身

炒白芍

煨葛根

炒南查

炒焦麥芽

炒荷葉

錢七暑風上入。氣分先受非風寒停滯。用發散消導者。氣分窒痺。氣分何以窒痺。總為燥劫津液。

耳頭岑腹痛。治之非法。邪熱入血分矣。遍閱全部傷寒論止是存津液為主。自西昌喻氏法律一書通首發明此旨。故先生得力處全在於此。○六氣病邪原先傷氣分。治之非法。燥液劫津。即延入血分矣。

連翹心

竹葉心

犀角尖

益元散

綠豆殼

南花粉

從來治病要訣。皮毛之邪。輕劑發散。疎之泄之。微汗即已。若熱入肌肉。漸留經絡臟腑。此時鬱熱在裏。汗出津津。燥爍津液。即應存養津液以達邪。若夫臟腑真陽發露。亟予滋補。惟恐不及矣。敢燥爍乎。

徐<sup>廿四</sup>據述暴驚動怒。內傷由肝及胃。胃脈衰。肝風動。浮腫下起。若漫延中宮。漸

次凶矣。兩年餘久恙。先議薛新甫法。

八味丸二兩五錢

謝葑門三十四歲。上下失血。頭脹口渴。溏瀉。若是陰虛火升。不應舌白色黃。飢不納食。忽又心嘈。五十日病中。吸受暑氣熱氣。察色脈。須清心養胃。辨症細切。用藥清靈。工夫到此。躊躇滿志矣。

人參

竹葉心

麥冬

木瓜

生扁豆

川石斛

張九齡三十歲。中年色萎黃。脈弦空。知飢不欲食。不知味。胃陰枯矣。據說春季外感咳嗽。延秋氣怯神弱。乃病傷成勞。大忌消痰理嗽。此要務。此以全無痰數生靈人知消痰理嗽。為大忌。醫理精矣。

麥門冬湯

楊十關上四瘧痢乃長夏溼熱二氣之邪。醫不分氣血。反傷胃中之陽。而逆六七晝

夜不已。味變焦苦。議和肝胃。大凡瘧痢並作只要宣發瘧邪鬆透肌表俾得津津汗泄則濕熱外出而痢自止

人參 炒黑川椒 茯苓 烏梅肉

生淡乾薑 生白芍

顧六歲十歲據云負重閃氣。繼而與人爭哄。勞力氣洩為虛。嘔氣拂意為實。聲出於上。

金空乃鳴。凡房勞動精。亦令陰火上灼。議左歸法。孰虛孰實了了分明

周計三凡交夏肉瘦形倦。氣短欲寐。俗謂注夏病。是後天脾胃不旺。時令熱則氣

洩也。以資生丸為藍本

人參 茯苓 藿香 南查

白朮 神麴 川連 麥冬

砂仁 廣皮 桔梗 米仁是丸方

高一歲足心湧泉穴內。合少陰腎臟。中年已後。下元精血先虛。虛風內起。先麻木

而骨更筋縱。乃痿之象。必以血肉溫養。內景如燭照虛風內起。不遺一隅精細絕倫。

生精羊肉

肉苁蓉

青鹽

牛膝

歸身

大茴

製首烏

茯苓

盛木讀五十歲暑必兼濕。濕鬱生熱。頭脹目黃。舌腐不飢。能食。暑濕熱皆是一股邪氣。

迷漫充塞三焦。狀如雲霧。當以芳香逐穢。其次莫如利小便。聖于此矣。

杏仁

厚朴

蔻仁

滑石

苓皮

橘白

綿茵陳

寒水石

佩蘭葉

張四一歲此膏淋也。是精腐離位墮隧。精溺異路。出於同門。日久精血化瘀。新者亦留腐敗。考古法用虎杖散。虎杖草名生田野中。即土牛膝也。俗名臭花娘。

尹六歲此痿症也。診脈小濡無力。屬陽氣不足。濕着筋骨。凡筋弛為熱。筋縱為寒。大便久澹。為濕生五泄之徵。汗易出是衛外之陽不固。久恙不可峻攻。倣東垣肥人之病。慮虛其陽。固護衛陽。仍有攻邪。仍有宣通之用。世俗每指左癱右瘓。謂男子左屬血。右屬氣者。非此。固其陽以宣通攻邪。而宣通攻邪。即在固陽藥中。是為並行一貫。非兩事也。

生於朮

川烏頭

蜜炙黃耆

防風

生桂枝

熟附子

李時<sup>八</sup>暑溼氣痺。欬逆微嘔。有發瘧之象。

杏仁

白薏仁

厚朴

絲瓜葉

連翹

象貝

射干

鄧蒔<sup>門</sup>街易飢能食。陽亢為消。此溲溺忽然如淋。乃陰不足也。循道有病即用循道所出之物治之。

天冬

麥冬

生地

熟地

知母

黃柏

人中白

阿膠爲丸。

金

麒麟巷五十九歲

平日操持。或情懷怫鬱內傷。病皆臟真偏以致病。庸醫但以熱攻

苦辛雜沓。津枯胃憊。清氣不司轉旋。知饑不安穀。能造劣龐雜之藥。不能去病

壅塞轉成痼疾矣

大半夏湯

常見有力之家。或父母年高。或己身微恙。往往十分珍重。藥餌不絕於口。始以藥之偏氣。治身中氣血之偏。不知久服藥石。傷冲和清粹之氣。盡爲草木香移易。即參苓日進。久之臟腑相安。倘遇緩急服之。亦呼應不靈。病氣深而歸於無益。此惟閱歷深且久者。方知有此弊耳。

錢四十前方去犀角、連翹、加川貝、黑梔皮。

陳廿六此勞病自腎損延及胃府。脈垂色奪。肌消。日加枯槁。陰損及陽。草木不能生出精血。服之不效爲此。

### 一炷丹

偶十上五歲瘦人液枯。煩勞動陽。氣逆冲氣。漸如噎膈。衰老之象。安閒可久。人液即勞之

動傷陽亦須清養律液是蓋中添油法

枇杷葉

杜蘇子

柏子仁

火麻仁

炒桃仁

張五十歲窮乏之人。身心勞動。賴以養家。此久嗽失血聲嘶。是心營肺衛之損傷。不

與富戶酒色精奪同推。

黃精

白朮

米仁

茯苓



戴計六男子情竇動萌。龍雷內灼。陰不得充。遂有失血。欬逆內熱。皆陰虛而來。自能潛心篤志。養之可愈。數發必凶。龍雷之火內灼勢必暗燄精氣必思所以暢泄安得不陰虛乎

六味去丹皮、澤瀉。加龜版、蓮肉、芡實、人乳粉、金櫻膏。

王三歲勞力氣血逆亂。內聚瘀血。壅阻氣分。痛而嘔紫滯形色。久病只宜緩逐。不可急攻。

桃仁

芫薺子

延胡

歸尾

南查

漏蘆

青葱

楊花步背寒屬衛陽微。汗泄熱緩。

人參建中湯去薑

嚴倉前三歲長夏溼邪。治不按法。變瘧。不盡洩其邪。痛瀉不爽。不能受食。勉強與食即嘔吐。種種病形中有種種滯耳是脾胃運行之陽。久為苦寒消尅所致。濕邪必帶穢濁芳香逐穢即是按法

病治

### 蘇合丸

汪 到吳諸恙向愈。僉從兩和脾胃。近日家中病人糾纏。以有拂鬱肝膽。木火因之沸起。氣從左脇上撞。即丹溪上升之氣。自肝而出。木必犯土。胃氣為減。病雖起元氣未固。肝膽木火最易沸起。元氣從左升。病機顯然。

人參

茯苓

炙草

生穀芽

木瓜

川斛

席九歲山甘問病已逾年。食飽腹膨。微痛便澹。久嗽痰多。凡越幾日。必熇熇身熱。此勞傷由脾胃失運。鬱而來熱。痰多。食不相和。則非地黃滋滯者。脾胃失運。鬱火此必有積滯留中。氣機不暢達者。

米仁

南棗

生麥芽

桔梗

胡連

茯苓

白芍

廣皮

張三十 此腎虛不納。冲氣上干。喘嗽失音。夜坐不臥。醫每治肺。日疲致凶。早服薛

氏八味丸三錢。

兩腎中間一點。明是謂命門先天之精。元氣之始。人託之以生命者。凡人呼出之氣。肺主之。吸入之氣。直下達腎中。必腎氣足。而吸引之機權自旺。

楊廿二 心事悶滯。胸膈痞痺。多噯吐涎。述臍左及小腹有形而堅。按之微痛。大便

亦不爽適。此屬小腸部位。腑病宜通。及心與小腸者。輕則表裏未有心事悶滯。而不病

眼人見透

枳實

桔梗

蓬朮

青皮

檳榔

蘆薈

慈汁泛丸。

此等病。婦女更多。不得誤認爲瘕病也。蓋婦女最多心事悶滯耳。須留意也。

沈丁家巷六痔血與腸風不同。心中嘈辣。營分有熱。非溫蒸補藥矣。閱此則凡心中

雖因木火上冲必是營分有熱也

生地

白芍

柿餅炭

槐花

銀花

地榆

的是營分有熱。方藥中下虛而下血。須用溫蒸補藥。

程二歲夏四月陽升病發。深秋暨冬自愈。夫厥陰肝爲陰之盡。陽之始。吐衄而起。必從肝入胃。仲景辛酸兩和。寒苦直降。辛熱宣通。所該甚廣。白朮甘草守中爲

忌。烏梅法何等深奧此則十二字廣深該博直截了當讀書另具慧眼

川椒

川連

桂枝

附子

烏梅

乾薑

白芍

細辛

人參

川棟子

黃柏

韓四歲時令之濕外襲。水穀之濕內蘊。遊行軀殼。少陽陽明脈中久濕。濕中生熱。

內經淡滲佐苦溫。新受之。有分邪易驅。已經兩月餘。病成變熱矣。若非用桂枝

格勢必涼藥具偏熱拒格而不相入矣。名手過人處在此。

南花粉

飛滑石

石膏

桂枝仙乎

薏苡仁

羚羊角

周鈕家巷六十歲。老年精血內枯。開闔失司。癰閉分利。該括無仍是瀉法。成形者。散漫

之氣也。精深之論散漫之氣也。氣濁陰之氣也。

鹿茸二兩

麝香二錢

歸身一兩

用生薑一兩。羊肉四兩。煎湯泛丸。

在五七歲。胸膈是上焦清陽不為舒展。仲景以輕劑通陽。

桂枝瓜蒌薤白湯

王十<sup>九</sup>歲三<sup>九</sup>瘀血壅滯。腹大蠱鼓。有形無形之分。溫通為正法。非腎炁湯丸治陰水泛濫。之<sup>腎氣非治陽水也</sup>法。

桃仁

肉桂

製大黃

椒目

陳香櫟二兩

煎湯泛丸。

黃<sup>江</sup>三<sup>西</sup>歲病是勞倦內傷。客<sup>陽</sup>本<sup>是</sup>傷途舟中。往來復受時令暑濕。病已過月。不饑不大便。脈微小屬陰。暑濕皆屬陰濁。氣分為濁陰蔽塞。仲景謂陰結濕結。腸胃無陽氣運行。強通大便。濁反逆致。此入夜陰用事而痛甚矣。<sup>精理名言如印沙對泥誰具嗣音乎</sup>服法精深人皆忽略矣。

淡乾薑

生炒黑附子

炙黑甘草

生大白芍

處方清切。通陽更以甲己法和陰止腹痛。

唐廿三歲。脈動瀉後利純血。後重肛墜。乃陰虛絡傷。下元不為收攝。必絕慾經年。腎精默充可愈。

人參

熟地炭

炙甘草

五味子

禹餘糧

郁八歲。秋暑暴熱。燥津損液。消渴再灼。陰不承載於上。金水同乃子母生方。

人參

鮮生地

麥冬

柏子仁

知母

青甘蔗汁

處方如鮮花。抑何清靈也。

楊三歲。陽氣為煩勞久傷。腹痛漉漉水聲。重按痛緩。非水積聚。蓋陽乏少運。必陰濁凝滯。理陽為宜。大忌逐水攻滯。



生白朮

熟附子

澤瀉

左牡蠣

水泛丸。

李<sup>壽星橋五</sup>寒濕傷陽。痞滿妨食。脈沈色黃。是脾胃病。議辛溫通中焦之陽。

生益智

萆撥

檀香末

薑汁

茯苓

炒焦半夏

江<sup>寶林寺前</sup>瘰癧邪在肺。口渴。骨節煩疼。用桂枝白虎湯。

黃<sup>嘉興三</sup>向年戊亥時發厥。是以肝腎陰虛。陰火內風蒙神。百<sup>陰火內風蒙神千鍾</sup>鍊而出一語勝人

千<sup>百味</sup>治逾五載。迄今左目流淚。至暮少明。胃脘中隙痛。經謂肝脈貫膈入胃。

肝竅在目。此皆精血內虧不足之象。若云平肝是疎尅。攻治乃相反矣。

天冬

熟地

杞子

元參

浙菊花

穀精珠

鄒歲稔年。瀉血便溏有三四載。面黃形瘦。五疳之症。起於五味雜沓。腸胃生熱。若不慎口食。久疳延勞不治。

川連

胡連

茯苓

白芍

枳實皮

焦朮

南查

臭蕪荑

使君子

烏梅肉丸。

秦艽二據述久逗客邸。情志不適。致腕中兩脇。按之而痛。大便久不爽利。脈形弦堅。面色不華。納食已少。虛中有滯。以宣通腑絡。情志不適。肝木必乘。胃土食少不化。是以虛中有滯。

熟桃仁

海石

土瓜萆

熟半夏

橘紅

枳實皮

秦艽三勞心力辦事。氣怯神耗致病。醫咳嗽失血。多以清涼為藥。視其形色脈象。

凡勞傷治嗽藥。不惟無效。必胃口日疲。

### 小建中湯

賀四入十歲腎水脂液。變化痰飲。每遇寒冷。勞動身心。喘嗽吐涎。即至。相沿既久。腎愈怯。裏氣散漫不收。此皆下元無根也。此之腎虛乃腎陽衰而真氣無根也

人參

茯苓

於朮

白芍

熟附子

五味子

金匱附子湯加五味子以收裏氣。使下元歸根。蓋腎爲納氣總司也。

鄭三四十歲雨淋衛陽受傷。熱水洗澡。迫其冷濕深入。水穀之氣。與冷熱互蒸。肌肉發黃。陳無擇曰。穀痺能食不飢。舌有黃胎。一年之久。寒濕已釀濕熱。凡濕傷必太陰脾。熱必在陽明胃。不分經絡亂治。乃不讀書醫工。言言指點分明後學最當着意

人參

川黃連

生穀芽

熟半夏

枳實

嫩柴胡

淡黃芩

陳皮白

薑汁泛丸。

陳十門六歲老年仍有經營辦事之勞。當暑天發泄之候。已經久嗽而後噎血。是陽升上冒。陰不承載之病。病中再患瘍潰膿洩。陰液走漏。天柱骨倒。疔羸僅存皮骨。兩交令節。生氣不來。草木焉得挽回。固陰斂液。希圖延挨日月而已。是陰虛建陰之病層次施遞而下建病情最細膩恬雅

每日飲人乳一盃

戈六十便瀉幾年。中下之糞內帶血。肌肉大瘦。傷陽色黃無力。延及夏秋。食物大減。是積勞陽傷。受得溫補。可望再甦。

附子理中湯

吳三十歲遭逢數奇。情志鬱勃。勞傷客感兼有。病實體虛照顧。勿犯二忤。是攻邪宜

輕。

連翹

飛滑石

花粉

白蔻仁

桔梗

杏仁

橘紅

枳殼

張<sup>十一</sup>三<sup>上</sup>歲烈日追呼。氣傷熱迫。保胃陰以養肺。益腎陰以固本。

生白扁豆

白玉竹

北沙參

甘草

麥冬肉

桑葉

保胃陰。即所以益腎陰也。看用藥可知。

陳<sup>廿</sup>少壯春夏失血。次年至期再發。在裏陰損不復。數發必凶。用藥勿犯胃納。

六味加麥冬、五味子、秋石。

張<sup>十一</sup>二<sup>上</sup>歲久痢三年。

理陰煎

沈塘棲四十五歲舌乃心苗。腎脈繫焉。舌下腫硬。伸縮不得自然。乃心陽自亢。腎陰暗耗。

內關臟液虛損。清熱消腫無用。常服大補陰丸。燈火易耗。蓋心火之下。陰精承之也。

陳關上十歲瓜水辛寒傷陽。渴瀉腹鳴。

公丁香柄

訶子皮

官桂

生廣木香

茯苓

炮黑薑

茅朮

新會皮

厚樸

溫中兜瀉。燥濕通陽。諸法畢具。

葉廿七歲此腎損久瀉亡陰。當暑熱氣自上吸入。氣傷熱熾。音啞痰多。水涸金痿。非

小恙也。絕慾固下。勿擾煩以寧心。精炁再甦。望其痊可。蓋金從水養。母隱子胎。

病腎精內奪。每聲啞而死。亦此義也。

熟地炭

生扁豆

人參

茯神

川石斛

女貞子

汪 不以失血。獨取時令濕邪。得以病減。凡六氣有勝必復。濕去必致燥來。新秋

暴暑燦津。且養胃陰。白露後可立丸方。識超

麥冬湯

孫橫山頭廿歲 男子及長。慾萌未遂。腎中龍火暗動。精血由此暗傷。陰虛自內臟而來。

涼肝嗽藥。必致敗壞。蓋胃口一疲。精血枯槁矣。三才合生

人參

熟地

茯神

五味

天冬

麥冬

孫八五十歲 愛飲火酒。酒毒濕熱。自腸胃經絡蒸搏肌腠。瘡瘍遍及肢體。經年久蘊不

解。法當用局方涼膈散。攻其無形之熱。攻熱分有形無形細密極矣

胡十四歲 性情執拗。鬱勃氣逆。粒米入脛即痛。父訓即若癡呆。由肝膽木橫來剗胃



土。上年入冬自愈。秋金肅降。木火不主威。非狗肉溫濁之功能。乃適逢其時耳。

夏枯草

生香附

川貝

土瓜萐

黑梔皮

化州橘紅

開結化痰。利氣清火。色色周到。

顧<sup>五</sup>十五六月間。天熱潮雨。濕氣着人。漸次浮腫。能食不化。腰脹。脾真已傷。濕結阻氣。大便秘塞。脾病傳腎爲逆。陰囊腫大矣。

甘露飲去石膏

李<sup>四</sup>三歲。令寒暑瘧初減。而脘腹痞悶。是宿病。宜清虛旬日。

厚樸

草果

半夏

生薑

廣皮

茯苓皮

送保和丸二錢五分。

殷計九先天稟薄。及長真陰不充。完姻精系下洩。春深入夏。陽氣陡升。陰弱少戀。血痰上溢。着枕嗽甚。乃陰中龍相。有如電光閃爍。傾盆大雨。其光芒仍熾。是身中陰枯陽亢。日進涼藥無用。明明肝腎爲病。醫投肺藥。希圖緩嗽。嗽必不效。胃口必減食。形瘦莫如絕慾。靜處林壑。養精血。增穀食。既損難追。靜養漸復。從來已成臟真已失。惟有相火煎熬。津液成粘痰。即投大劑補藥。已爲陰火拒格。不入經絡。真化液以復精血。停滯脾胃寒中泄瀉而已。真火燎原。無法可治。

水養熟地

扶神

山藥

女貞

萸肉

芡實

湖蓮

川斛

韓計七病人說兩年前初春。高處跳躍至地。入夜卽有寒熱。繼而少腹形高。瘀留兩足屈曲。醫謂腹癰腸癰。從無膿血便出。自病至今。筋縱着骨而脹。卽起寒熱。瘀留深入厥陰。在軀殼間。久則成瘍。跳躍跌撲損傷必有寒熱以動躍傷筋骨爲火必發而熱也。

穿山甲

自然銅

川烏頭

全蠍

半兩錢

地鱉蟲

生青鱉甲

粉丹皮

麝香

黑豆皮煎湯泛丸。

朱五歲十此操持太過。肝血膽汁內耗。致陽氣上冒入巔。外洩汗淋。陽不入陰。陽蹻穴空不寐。莖痿不舉。非寒皆肝液無有。有暴仆暴厥之危。即是陽氣煩勞則張精絕使人煎厥之病

形容得  
出妙筆

小麥

萸肉

南棗

白芍

炙草

白石英

浦廿二歲二陰虛受暑。如飲腹滿。

小溫中丸五錢

朱廿八歸脾湯以治嗽治血。謂操持勞心。先損乎上。秦越人云。上損過脾不治。不曰補脾曰歸。以四臟皆歸中宮。斯上下皆得寧靜。無如勞以性成。心陽下墜為瘍。瘍以掛線。俗云倫糞老鼠窠因腎精虧竭心陽下墜為瘍總不脫少陰一經脂液全耗。而形寒怯風。不但腎液損傷。陰中之陽已被剝斷。勞怯多由精炁之奪。

鮮河車膠

人參

炒枸杞

雲茯苓

紫衣胡桃肉

沙苑

金十六着枕氣冲。顯是陰中之熱。驗寸搏舌白。濁飲擬議暑熱上吸心營。肺衛客氣未平。先用玉女煎。

下焦不納氣冲。不論行止坐臥。總易上升。此必着枕氣衝。是有客氣未平。不與下虛同例。須知而細分之。必着枕氣始冲坐立時尙未冲也

陸西二律歲橋節令嗽血復發。明是虛損。數發必重。全在知命調養。近日胸脘不爽。身

痛氣弱。膩滯陰藥姑緩。議養胃陰。以養胃陰所以降逆氣也

生扁豆

北沙參

生甘草

米拌炒麥冬

白糯米

范三對窮乏之客。身心勞瘁。少壯失血。尙能支持。中年未老先衰。久嗽失音。非是肺熱。乃臟陰內損。不能充復。得納穀安逸。可望延久。就人情中體貼出來

早服六味加阿膠。秋石。晚用黃精米仁膏。

張三四歲思慮悲憂。由心肺二臟。不宜攻刦峻利。蓋手經例以輕藥。謂二臟處位最高。問飲酒過量。次日必然便溏。蓋濕聚變痰。必傷陽阻氣。痰飲由陽微氣弱而來。悲憂又係內起情懷之恙。務以解鬱理氣。氣順即治痰矣。解鬱理氣不用辛燥。轉多辛潤之品。以鬱氣之人必有鬱火。陽氣雖薄。不可辛燥。以助火耳。心極細矣。

枇杷葉

薏苡仁

白蔻仁

茯苓

杜蘇子

新會橘紅

鮮石菖蒲根汁 降香汁

屈計二長夏患痧脹。兩三月漸漸腹大。入夜腹痛。凡痧是臭污穢氣。留聚入絡。變出腫脹。議以穢藥宣通。以臭治臭。精妙絕倫。

阿魏丸

此必有有形留着。不第無形穢濁已也。

遲入四歲背寒爲飲。凡遇冷或勞煩。喘嗽氣逆。聚於胸臆。越日氣降痰厚。其病自緩。年分已多。况云中年不能安逸。議病發用金匱法可效。治嗽肺藥不效。

桂苓甘味湯

朱三十此內損也。損者益之。按脈虛乾。精奪於下。當補益肝腎精血。

李廿七兩年久病。決非風寒暑濕。據云腹鳴不和。左脇下堅硬。直至少腹。鞏丸偏大。子和七疝主肝爲多。男子縱慾。傷及衝任亦多。是病辛香流氣。壯年可用。血精

陽氣所以防禦下焦陰寒既因縱慾傷及奇脈先用辛香流通氣分

小茴香

真橘核

茯苓

澤瀉

川棟子

青木香

黑梔仁

青皮子

水泛爲丸。

李<sup>四十</sup>臭穢不正之氣。入自口鼻着于募原。不飢嘔逆。中焦病也。宣通濁痺爲正。

發散清寒爲忌。達原飲

草果

檳榔

藿梗

厚樸

杏仁

白蔻

半夏

薑汁

臭穢雖屬無形濁氣。但粘着募原。必與濁滯有形凝結。不飢嘔逆。惡寒發熱。濁邪併結堅聚。非達原飲不除。

顧<sup>二十</sup>歲內損是臟陰中來。緣少年慾念萌動未遂。龍雷閃爍。其精離位。精血雖有



形象。損去藥不能復。必胃旺安納。古稱精生于穀。迨病日久。陰損枯涸。漸干陽位。胃口淹淹不振。中乏砥柱。如妖廟焚燎莫制。陽主消鑠。遂肌瘦喉刺。褚氏遺書論損怯。首云男子神志先散。爲難治之症。此下損及中至上之義。問大便三日一行而枯澀。五液乾枯。皆本乎腎。腎惡燥。味鹹爲補。佐苦堅陰。醫以不按經義雜治。談何容易。腎臟精神依之如魚得水。謂精足則神旺也。腎精既乏不能中神明此由下損及中至上與也義也

人參

阿膠

鮮生地

茯神

龜版

柏子仁

藥取清陰之品。不取濁膩滋填。早爲胃中納穀以生精作地步。應加黃柏少許。俞申衛前男子中年。下元先虧。人到中年生氣日淺。腎肝精血因真陽衰而不腎臟陰中之陽。不司涵煦。陰不承載于上。遂渴飲洩頻溺。有硝鹵之形。內經有遺

熱遺寒之分。上中之消主氣熱。下消以攝腎。蒸陽以運津液。以既指明下消之所  
成治法方  
之名案

八味湯

堂堂正治。波瀾老成。

李四齡。瘧寒必嘔。胃滯痰濁未已。舌上微白。不嗜飲。開結理氣如是。

草果

厚樸

藜蘆

橘白

杏仁

熟半夏

薑汁

張五齡。三瘧久延兩三年。面肌黃萎。脣口枯白。食入脘腹。臍脹。足痿如墮。至晚浮  
腫。其所傷者脾陽腎陽。然脾以運行則健。腎宜收納為命根。非一方兼用按古  
法。

早服腎炁丸。晚服理中湯。早晚分頭而  
治。切實了當。

周六十氣血已衰。噎膈反胃。每每中年以後。蓋操家勞瘁。必傷心脾之營。營液日枯。清氣日結。而食管漸漸窄隘。鬱久痰涎內聚。食入涎沫迎湧。而致反胃。此乃氣分之結。提清氣分之結。便有主腦黃地。枸杞。滋養肝腎。胃先覺其膩滯。焉得肝腎有益。

### 大半夏湯

人參補氣生精。半夏消痰開結。白蜜潤燥滋液。最爲切當。

吳三才據述咽中氣衝。卽起咳嗽。經年調治。漸致食減力乏。此皆不分外因。徒受治痰治嗽之累。凡久恙當問寢食。參視形色脈象。越人謂下損及胃是已。內損顯然。尙徒治痰治嗽。何怪先生鄙夷。

### 建中法

吳通關坊四十四歲勞傷治不以法。反受藥傷。絡血涸而爲痛。食入痛來。病在胃絡。以甘緩肝。急以救胃。

桂元肉

炒桃仁

孫北濠廿六歲。食後左脇氣逆痛。是肝膽氣熱。老筆

丹皮

鈎藤

生地

川石斛

柏子仁

茯苓

李五十五歲。少腹滿脹。必在夜臥而甚。晨起腸泄濁氣。白晝仍可辦事。延及幾年。氣衝胃脘高突而冷。舌根亦脹痛。自胸及於舌。醫用吳萸、川棟、苦辛溫佐苦寒降泄不安。則知有年。下元已虛。氣散漫不爲下歸攝矣。此即西昌老人所謂地氣加

遲鈍應先用妙  
枯腎氣湯幾服

八味丸 三錢

金三十五歲。便瀉下血多年。延及跗腫腹膨。食少色奪。無治痰嗽涼藥之理。脾腎兼溫補

九蒸熟白朮

淡熟附子

王七七計高年氣衰。不耐暑伏久熱。迫津液被傷。陽不內歸。陽字不內歸。四陽字極精。寐少不靜。例用竹葉地黄湯。養液除熱。莫與氣燥味劣。反致戕胃。陰陽每相依戀。老年少寐。津血少而陽不內歸也。尹五十八歲前望六。運行之陽已微弱。飲酒及食物。氣滯而濕聚。字發揮。氣滯而濕聚。字發揮。脈絡不行。不飢。氣攻觸痛。舌上白膩。以辛溫開氣痺。分濕理痰。

半夏

茯苓

葶藶

生薑

生益智

新會皮

丁一五十歲面色亮。脈弦。此屬痰飲。飲伏下焦腎絡。中年冷暖不和。煩勞傷氣。着枕必氣逆。飲泛喘促。皖悶咽阻。治之可效。而不除根。

越婢法

麻黃石膏。恐不可以治此。症或有誤。

楊二五十歲氣從左升。自肝而出。酸水湧上。食入嘔出。胃中乏陽運行。木來尅土。當此

年歲反胃妨食。乃大症也。川椒俱是辛溫。恐益助肝之震烈。尙須斟酌。

人參

茯苓

吳萸

乾薑

胡蘆巴

炒黑川椒

此方尙應安頓肝木藥參入二三味。

沈五齡吞酸嘈雜。不化食味。宜泄氣火

藿香

橘白

川連

金石斛

茯苓

黑梔皮

胡十角直。望色瘦少。青澤。按脈弦促而芤。問納穀不旺。病幾數年。每春夏陽升氣洩。偶加煩冗。或情志不適。血必溢出上竅。已交中年。非少壯陰火相同。清真夫心主血。脾統血。肝藏血。臟陰內虛。陽動乃溢。常服歸脾湯減耆朮。木香加芍。和肝脾之陽。久進有益。宜靜攝不宜煩勞。乃王道養正善藥。不計驟功者。

徐富即中巷向來納穀不旺。自失血咳嗽以來。僅能靜坐。若身動必加氣喘。問仍在操持應接。脈來虛濡。此皆內損臟真。若見血投涼。因嗽理肺。卽是謬藥。

人參

茯苓

黃精

炙草

枸杞子

白朮

棗仁

桂元肉

黃九六十十凡食腥油濁物。胃脘必痛。老人運行之陽已衰。脾陽已衰。陽不勝陰。津液濁味皆陰凝內痛。必以取氣陽藥。沉香、白朮。破洩真氣。誤用則刺其凶。

人參

小熟附子

生薑

白蜜

桂枝

茯苓

陳十八暑傷熱入於陰。瘧瘧。

生淡鱉甲

肥白知母

粉牡丹皮

川貝母

大原生地

地骨皮

麥門冬肉

生粉甘草



張耑<sup>五</sup> 血色濃厚。是肝腎陰虛。凡勞心情慾。必要禁忌。醫藥以寒涼滋清。久則胃傷減食變凶。

熟地

芡實

山藥炒

湖蓮肉

川石斛

茯苓

方中皆補而不滯之品。

邵三耑<sup>五</sup> 液變痰涎。皆腎液之化。陰不承載。咳痺痛甚。乃勞怯之末傳。能勉強納穀。可望久延。

阿膠

雞子黃

黑豆皮

川石斛

戎鹽

藥用鹹降。

葉耑<sup>七</sup> 衝氣自下而起。丹溪謂上升從肝而出。木侮胃。食少噎逆。不得着枕臥眠。

夏熱時風迎胸痛。艾灸稍安。久恙陽微。須用甘溫。前法皆以疎通不效。本虛無疑。金匱見肝之病。必先理脾胃。防患於尅制耳。惟中上之陽氣不充。是以下焦衝氣得以自肝而出。人參建中

### 人參建中湯

諸新開河橋形瘦色黃。交陰身熱。冲年夏熱。真陰不生。秋燥加嗽。最有損怯之累。

### 竹葉地黃湯

李六十歲。濁穢中結。渴飲則嘔。

### 蘇合香丸

今人觸冒穢氣。動輒刮痧。蘇合香丸遠勝他藥。但屢開則盛耳。

程七十歲。肌色淡白。脈右弦左緩弱。大便久澹。噯噫噦聲不已。日前謂吐虬起見。以酸苦和胃理肝。病人述用藥不飢脘悶。乃中宮陽微。味多酸濁。酸苦屬陰。不中

病矣。議運行中焦之陽氣。辛可以勝酸。之用藥不知轉換變通必先傷脾胃之陽此事須極靈活人方能入道

人參

茯苓

益智仁

生薑

胡蘆巴

厚朴

李茜涇廿一歲務農勞力。周身脈絡皆動。暑天負重。兩次失血。况已先有瀉血。血聚在

絡。絡繫臟腑外邪。蓋靜養血寧。必一年可以堅固。血聚絡而不可再用通行血藥以

補則自達

熟地

歸身

杞子

沙苑

茯苓

山藥

杜仲

巴戟

川斛

徐計八歲入有夢乃遺。是心動神馳精散。用交心腎法。

水煮熟地

黃肉

遠志肉

生龍骨

扶神

石菖蒲

芡實

湘蓮子肉

用藥淵微。

顧計三三日瘧是入陰經而發。延及數月乃罷。其瘧熱在裏。劫損肝血腎精。長夏一陰不復。遂加寒熱汗出。此病傷成癆。淹淹肉消形爽。必絕慾生出精血。有充復之理。草木無情無用。瘧邪不適苦况久之邪既不得外達精血日就銷亡日延係一日勢必成癆損也

人參

河車膠

扶神

萸肉

五味

芡實

山藥

建蓮

有陳岐山亦因此喪身。確切之論。

曹計一聲出於肺。全賴元海之氣旺。俾陽中之陰。承載於上。而聲音自揚。據吃柿餅遂嘔。考其性甘寒而清肺熱。久嗽氣散不受。參耆甘溫。亦有見效者。若五旬

男子。下元日虧。金水同出一源。形色黃萎少澤。全是下虛上實。所幸納穀。不致驟凶。經年累月。焉有速功。

阿膠

天冬

黑豆皮

雞子黃

大生地

二十劑後。服六味加五味、川斛。

汪<sup>五十</sup>臟真繫於目珠。不獨肝竅。中年五液不充。陽挾內風。侵及清竅。光明爲陽

蒙蔽。非六氣致傷。法當酸收甘緩補法。但六味湯究屬是三陰三陽平劑。不切。

實者當升清降濁。虛者應酸收甘補治。羞明昏蒙之。大法也。

炒焦枸杞

菊花炭

萸肉

五味

人參

炙草

羞明目病。雖係內傷。其故亦非一端可盡。有初感時邪。風火攪擾而羞明者。有

陽挾內風。光明爲濁陽侵擾而羞明。有下焦濁陰上泛。不敢與陽光敵而羞明者。

孫北六歲氣鬱滯則血不行。當理血中之氣。

南查 生香附

另煎四物湯收入。烘炒磨末。製方極巧妙

益母膏丸。四物陰濁而滯。得查附以流通。查附氣燥味辛。得四物以滋潤。氣血兼理。燥濕協和。再得益母以行血。血中之氣宣順矣。卽有痰滯血凝者。亦可服也。

徐廿四歲初診謂下焦跗踵浮腫。以收攝肝腎病者。用過頗安。但胸脘不舒展。改進開泄血中之氣。服之又不安。且面少華色。痞悶又如飢。當以虛論。未有驟功。層

轉換

人參

桂心

茯苓

炒當歸

煨薑

炙甘草

吳四針操家煩冗。兼有嗔怒。肝脾不和。腹脹由脇至脘。木犯中土。必妨食不飢。理

氣舒鬱。和其中宮。開鬱總法不離越鞠法

南查

生香附

神麴

茯苓

鉤藤

橘紅

趙三十歲脘痛映脊。甚則四肢逆冷。問當年產後瘕泄。今帶漏脊椎痠垂。內經云。陰

維脈病苦心痛。醫不知維脈。陰陽異治。謂痛以破氣降氣。何見識淺陋乃爾。凡

人脘痛久不愈者必是奇經中來曾用過鹿角膠一觔治十四年脘痛不止者

鹿茸

角霜

當歸

小茴

枸杞

白蒺藜

茯苓

菴蓉



沈三對壯年。望色奪肉瘦。脈左細右空。此男子精損。真炁不主收納。自述少腹築動氣而痛。病形脈症。已在下焦。治肺嗽大謬。雜治日延勞怯。元氣海極虛命築動氣而痛。病形脈症。已在下焦。治肺嗽大謬。雜治日延勞怯。元氣海極虛命

帶真氣已離散不可收拾由下竄上法在不可治

薛氏八味丸三錢

金五六歲熱傷氣分。水穀不化之濕。留着胃絡。已入秋涼。衰年氣弱。夏令伏邪未去。議東垣清暑益氣。減去滯藥。從來氣旺之體即感時令偏氣有本體元氣以轉

人參

茯苓

神麴

升麻

葛根

澤瀉

廣皮

木瓜

川連

趙廿三當年厥症。用填精固攝乃愈。知少壯情念內萌。陰火突起。亂其神明。今夏熱食減厥發。繼而淋濁。熱入傷陰。苟不絕慾。未必見效。傷陰熱入而傷胃

人參

茯苓

扁豆

炙草

炒麥冬

川石斛

陰火最能衝亂神明。試觀燈檠煤頭。帶火墜下。火燄衝起。盞上之火即搖動不寧。非明證歟。

劉三才操持用心。心陽擾動。暗耗脂液。上則悸怔氣怯。下則腸枯便難。視色蒼肉瘦。溫補不受。先倣徐之才滑可去瀉。裁縫尙能相體剪裁操司命之責者可不因人施治乎此色蒼肉瘦不用溫補之所

以爲高也

柏子仁

松子仁

郁李仁

冬葵子

杜蘇子

麻仁

用諸仁既可悅心。更滋腸液。切當清真。金針暗度。

諸<sup>十六</sup>歲夜熱不止。舌絳形乾。前議伏暑傷陰。用竹葉地黃湯不應。是先天稟薄。夏

至一陰不生。陰虛生熱。成癆之象。是寒之不寒。是無水也。

三才加丹皮骨皮

趙五歲頭暈心嘈廿年。向老年歲。血耗陽化內熱。近來減食。不必偏寒偏熱。以甘

柔緩熱熄風。無燥熱戕胃之累。即好好陽氣一經血耗便化內熱。陰虛生內熱之變文也。新極。

桂元

枸杞

天冬

生地

扶神

柏子仁

甘柔藥味平和。可以緩熱熄風。蓋甘能生液。柔則養陰。老年人調攝要着。蓋老人久病。全要調扶胃氣。一切龐雜駁劣之藥。概不可投。以其戕賊胃氣也。

陶九暑着必阻遊行之氣。但熱無寒。瘡痍不盡。其邪骨節痛。肢末腫。從仲景濕

溫例。用蒼朮白虎湯。

楊六脈虛數。久嗽陰血。勞則寒熱。

虎潛丸四錢

顧計二少壯。冬不藏精。仲春內熱召風。謂風溫。咳嗽內傷。略兼外邪。治邪必兼養正。風雅昔人有溫邪忌汗下者。謂陰陽二氣。不可再傷也。一逆再逆。病日深矣。視面色黃白少澤。按脈形致虛。下垂入尺。望色切脈細密極矣。問咳頻氣不舒展。必有嘔惡之狀。顯然腎虛少納。肝陽陰火衝起。犯胃爲嘔。熏肺喉癢。其不致驟凶。賴水穀未減安受。攷血必聚絡。氣攻熱灼。絡血上湧。精血有形損傷。草木無情不能生續。血脫益氣。乃急固其暴。治法以潛心寧靜。必情念不萌。絕慾腎安。斯精血生聚。若頻發不已。雖安養不能卻病。風溫雖緣外感。然必肝腎內虛。冬不藏精。相火上逆。有以召致外邪。而溫邪內陷。牽引龍雷。伏於內則灼津耗液。衝於上則咳嗽失血。純見內傷惡狀矣。

人參

熟地

川斛

五味

女貞子

茯神

漂淡天冬

紫衣胡桃肉

三才加以攝納。佐以填陰。

陳十六秋燥欬嗽。

桑葉

川貝母

南沙參

南花粉

玉竹

蕭廿一伏暑上鬱。

連翹

飛滑石

大竹葉

白杏仁

象貝

方藥俱精妙。

張十門六老年下虛痰多。入夜衝氣。卽是陽起坐新涼內侵。腎水泛。氣不收納。常服腎炁丸。

桂苓甘味湯

范<sup>計四</sup>勞嗽三年。形羸便溏。大凡久損。必調脾腎爲根本。當夏熱發洩之後。須培脾胃。得加穀安適。僅圖延久。

戊己湯

許<sup>五</sup>脈大而空豁。中年操持。形體勞瘁。此失血食無味。乃氣弱所致。見血投涼必凶。

小異功散

失血食無味。不責之陰虧。而責之氣弱。祇以脈大而空豁耳。

吳<sup>計三</sup>夏病入秋嗽血。外寒內熱。乃虛症。陰陽交傷。色萎黃。脈大濡。可與人參建中湯。

陰陽交傷。而用人參建中法。是益中宮陽氣以生陰也。蓋精生於穀。既建臍中之陽。以助生氣。復建脾中之陽。以運水穀。則陰從陽生。不患交傷矣。

李<sup>三十</sup>歲。農人入夏必煩倦。飲酒者脾胃必弱。建中益氣法。疏方

熟於朮

益智仁

茯苓

木瓜

廣皮

生白扁豆

李<sup>十八</sup>歲。三瘧傷陰。陰傷內熱。已經失血。咳嗽。少年勞損。宜安逸靜養。但藥無益。

鱉甲

阿膠

白芍

丹皮

茯神

北沙參

生地

天冬

王<sup>五十</sup>歲。血枯腕痺便艱。慮格拒妨食。

麻仁

桃仁

郁李仁

蘇子

柏子仁

歸梢

馬<sup>五十</sup>歲。形壯脈小數。口喎。左肢麻木。男子虛風。內虛肝臟。養血可以熄風。非外邪

驅風攻痰。痰爲風火所逼。養陰痰自不升。



枸杞

白蒺藜

玉竹

北沙參

當歸身

經霜桑葉

高廿九向來陰虛熱勝之質。夏至陰生。未能保攝安養。暑伏熱氣內迫。尤令傷陰。秋半氣燥。熱亦化燥。心中漾動失血。陽不下潛所致。何以玉女煎潛陽

生地

麥冬

清阿膠

桑葉

知母

生石膏

生甘草

顧混堂巷壯盛。色白肉瘦。脈細小如數。下垂。察色憑脈。是屬腎虛。五液不運。精微內蒸。粘涎濁沫。是致生涎沫凡有思慮煩勞。肝陽挾熱氣上升。是吐涎沫痰沫隨氣乘胃而出上竅。其聚處在乎腎絡。轉一筆八味丸即古腎炁丸。理陰陽以收腎氣。使水沫不致上泛。不為差謬。少壯必先傷於陰。拙見議減桂辛甘伐肝。加五味三倍。少用沉香。入少陰之絡。仍治上絡攷經旨腎陰中有真陽溫煦。生生

自旺。若肝臟日剛。可知減桂有妙理木火內寄。情志拂逆。必相火勃起。謂涼則肝寧。昔

賢謂肝宜涼。腎宜溫也。是生旺無以養肝而肝陽挾熱逆上火與元氣不兩立

真氣即為元氣元氣衰而火愈壯肝為木火熾司故減桂為妥

腎虛是病根。肝陽旺是相因而致。

腎陰腎陽。原難區分。蓋精化為氣。氣化為精。未有精走而氣不耗者。腎氣耗散。而相火起矣。

少壯肝陽正旺。減桂加入五味。沉香。此損益古方。最有斟酌。

丁廿二歲。勞怯在前。痛利後加。外如寒。內必熱。陰傷及陽矣。病深且多。醫藥焉能瞻前顧後。姑以痛墜少緩。冀其胃甦。非治病也。

理陰煎去炮薑加白芍。恐辛燥傷陰

外如寒。內必熱。此之陰傷及陽。是陰精已奪。陰火燔灼。身中元陽。盡為陰火灼

耗。此之謂陰傷及陽。

薛<sup>甘五</sup>少年心陽下注。腎陰暗傷。尿血血淋。非膀胱協邪熱也。夫陰傷忌辛。言腎

虛惡燥。醫投東垣辛甘化燥變熱。於病悖極。生脈中有五味。亦未讀食酸令人

癃閉之律。才大心細。入面玲瓏。溺出莖痛。陰液枯寂。確斷。手少陰。腎陰暗傷。由於心陽下注。是

病本在。心主所以不用。填補腎肝之藥。而惟腎神。斂液清火。潤燥以戢神明耳。

茯神

柏子仁

黑芝麻

穠豆衣

天冬

川石斛

馬<sup>齊門十</sup>純陽之體。脈來濡。腹大。按之不堅。脈象非陽。述食時不適意。鬱傷在脾。

法當辛溫通補。妙香散加減。

人參

厚樸

煨薑

益智

茯苓

煨木香

吳九三歲夏季用苦潤。通小腸火腑。病人說大便仍不爽。肛門下墜。裏急後重。始而臍旁漸及胃脘。按之而痛。食入脹加。遇嗔怒病甚。姑以解鬱和中之藥。此方及求免無過略有文理而已未見心思

生香附

烏藥

蘇梗

茯苓

新會皮

生益智

吳二四歲面色枯黃。枯若老顏。脈形全乏。生陽。嚥物必痰涎濁沫。上湧阻痺。述穢毒

疳蝕。毒收即發。此病治反胃噎格。決不效驗。是挾毒病法當解毒安中

湯五歲陽升巔頂。上虛下細。心有狐疑動多。陽不下潛。入夜心事交集。寤不成寐。

潛陽益陰主治。心猶火也弗戰將自焚矣故用薑中添油法

淮小麥

炙草

知母

生地

茯苓

丹參

王五六歲老人下元久虧。二便不和。皆是腎病。肛墜下血。下乏關闡之固。醫謂脾虛

下陷大謬。知腎惡燥烈。識見超老。議病明以快妙。肝在不用熱地。溫腎佐以涼肝。

人參

炙草

五味

黃肉

女貞

旱蓮草

唐四十七歲腎虛不納。久嗽。

附子七味丸三錢

劉歲五十。春夏地氣上升。人身中陽氣發洩。不論男女。中年後下元先餒。人應天地

氣交。此喘嗽氣衝。入夜欲坐難眠。皆腎衰不足攝納真氣。脈小弱。非外客邪。治

其本病。直截通快。瞭如指掌。

腎炁去桂。牛膝。加沉香。五味。

陶三歲。木瀆十。夏季洩瀉。秋半腹膨仍痛。問飲瓜汁水寒。脾胃陽傷。氣呆乃脹。疎通帶

補。必佐溫以復陽。治法須留意脾喜辛香不嫌辛燥况有大力人參以扶中

人參

茯苓

公丁香

甘松

厚樸

廣皮

木瓜

南查肉

吳三才述暑伏減食。即熱傷氣之徵。中秋節令知飢。未得加飡。大凡損怯之精血枯寂。必資安穀生精。勿徒味厚藥滋滯。

### 小建中湯

潘歲二十據述失血三年。不分四季而發。已逾數次。問未曾完姻及當家操持之累。必係先天稟薄。難耐動勞。用都忝加秋石。此亦無可奈何治法

鮑<sub>對四</sub>述厥冒來必迅疾。醒來亦速。既醒精神少靈慧。逾時臥息乃清。凡六氣之

速。莫如火風。此內起臟真之陽。肝膽最速。乃下焦腎水暗虧。水不生木。議填補

酸收壯陰法。病標在肝膽病本在腎虧故以金珠安鎮靈臺清降水火即以大劑滋填腎陰酸收木氣佐以交通心腎絲絲入竅

真金箔

白廉珠

石菖蒲

熟地

遠志肉

五味子

黃肉

茯苓

龜版

周計三形羸瘦。色枯瘁。身略動必喘息氣急。此皆下焦精血已枯。腎氣不收。散漫

沸騰。凡肝由左升。肺由右降。腎精交奪。升多降少。右背胸脇高突。病損及臟真不

得着臥。當此地位。乏前哲成法。可以卻病。早上飲人乳。接服附子七味丸。論確病

人身之氣升逆則諸病畢集。肅降則精明在躬。腎為納氣總司。收攝之權全在葆腎。故能凝精而承命。

金三十歲。臍間衝氣上逆。已不見根。自覺壘攻。及腕中痛脹。兼作若響動。下行痛脹始

緩。噯多嘔沫。大便艱澀。此近關格之病。早以十年宿病。圖效頗難。此等病補益

其迂滯不靈。只得走出一層滑潤法。以和肝。

桃仁

延胡

郁李仁

川棟



火麻仁

冬葵子

和肝陽以潤腸胃。俾二便常通。則濁氣自然下降。不致上逆攻衝。痛脹亦止。

張<sup>五十</sup>神不靈爽。乏歡悅之念。宿癰由情志不適。而致內因之恙。向老食少。理竅

開結。治痰必佐參、苓養正。理竅開結治痰三法。因食少向老兼佐養正。色色都到。

人參

炒黑遠志肉

茯苓塊

石菖蒲

新會紅

熟半夏

竹瀝

薑汁

高六六<sup>十</sup>問不頭痛身熱。已非外邪。何用發散。述熬夜後。口喎舌強。肢麻。老年人因

勞氣洩。用如東垣所議。清藥助陽以治內傷之熱。

生黃耆

炙甘草

當歸

桂枝

生薑

南棗

秦<sup>四十</sup>血虛肝風頭暈。玉女煎加減方如鮮花恰當病情。

天冬

生地

杞子

桂元

菊花

石膏

方五涇廟前六歲

溫通血分之濁不效。痛泄不已。兩足筋縱。議三建天雄生附川烏沉香木香驅陰

邪以通脈。大膽力量

秦一五十歲脈沉微。少腹衝氣。兩脇脹痛嘔逆。

真武湯

治少陰之水。非真武不靈。

林三十歲此夏受濕邪成瘧。氣分受病。脾胃未醒。過秋分天降露霜。此氣肅清。

生白朮

宣木瓜

茯苓

益智仁

新會陳皮

楊廿歲東許巷農人勞力。左脇有形自能升動。未必瘀血。當理血中之氣。須戒用力。不

致變凶。

左牡蠣

茯苓

海石

桂枝

熟半夏

枳實皮

張五<sup>四</sup>歲十<sup>十</sup>中年肉瘦色黃。言語動作噓嗽。幾番大血。自知勞瘁。凡勞煩身心。必心脾營傷。醫每嗽血輒投地冬滋陰涼藥。中年操持之勞。與少年縱慾陰傷迥異。直<sup>了</sup>蓋心主血。脾統血。操持思慮。乃情志之動。非寒涼可勝。當用嚴氏歸脾湯。去木香、黃耆。

杭<sup>六</sup>歲十<sup>十</sup>疝病屬肝。子和每用辛香洩氣。老人舉大偏木。夜溺有淋。非辛香治疝。向

老下元已虧。固真理陽。猶恐不及。方藥堅實

炒黑川椒

鹿茸

當歸身

韭子炒

舶上茴香

補骨脂

羊內腎丸

謝一六十內經論諸痛在絡。絡護臟腑外郭。逆氣攻入絡脈爲痛。久則絡血瘀氣凝滯。現出塊壘爲瘕。所吐黑汁。卽瘀濁水液相混。初因嗔怒動肝。肝傳胃土。以致嘔吐。老人脂液日枯。血枯則便艱。辛香溫燥。愈進必凶。漸成反胃格症矣。肝性剛。凡辛香取氣皆剛燥。議辛潤柔劑。無滯膩濁味。以之治格。不失按經倣古。

炒熟桃仁

青葱管

炒黑芝麻

當歸鬚

桑葉

冬葵子

絡脈可張可弛。氣血寧靜。營衛流行。便爾安舒弛緩。若肝氣逆衝而入絡脈。便脹急張大。營衛滯滯。氣血不行。留着而痛。痛久積瘀。漸致枯燥。此治絡貴乎辛潤柔劑滑利也。

張六歲黃歲廿夏季寒熱。入秋乃止。色黃脈弱。知飢不思納食。舉動痿痺無力。明是久病傷損。已交白露不醒。議用養營法。去耆朮五味。地黃。加南棗肉。

久病損傷。氣血必虛而滯。耆、朮、地、味。乃重滯堅厚之品。恐驟進運掉不靈。轉滋膩濁。故獨用原方中靈動鬆利之藥。加以南棗酸甘。俾胃虛脾弱之體。輕擺漫撚。漸次得益。此用補方之生心化裁。不呆鈍者。後學切須留意。

沈三才操家君相多動。酒熱先入肝膽。血溢在左鼻竅。左升熱氣。從肝膽而出。戒酒及怒氣。肝血寧必止。看病到此地位。清切不泛矣。醫用犀角、地黃。乃陽明經降血之藥。是不識經臟。無足道也。指明醒後人眼目。

炒丹皮

黑山梔

降香末

真青黛

小檳豆皮

炒柿餅炭

側柏葉

的是厥陰經藥。一無夾雜。

張<sup>十六</sup>先天稟薄。真水不旺。精先氣不充。少壯諸事懶倦。竟夜陰中龍雷內爍。早間齒齦血痕。風傷內攻。顛暈流淚。是根本之恙。胃口亦弱。不宜太清內熱。風陽內攻。

巖暈淚流意新  
詞雅筆力鍊極

熟地

黑殼建蓮

茯神

芡實

山藥

炙草

川斛

木瓜

顧歲三十體質是陰虛。夏季時熱。必傷胃口。不易飢。進食惡心。皆胃口不和。不宜葷

濁。夏月熱氣劫燥胃口津液陽明主肌肉汗洩不已即傷胃陰

炒扁豆

茯苓

廣藿香

生穀芽

廣皮

金石斛

張六三十歲據說三年前。病後左脇起有形堅凝無痛脹。但未交冬。下焦已冷。議溫通

陽。望其開結。有形無痛脹是痰凝氣聚故溫通軟堅消痰缺一不可

生左牡蠣

薑汁炒天南星

真甜交桂

竹節白附子

當歸身

小川芎

薑汁泛丸。

王四歲。舌白不飢不渴。氣急痰多。食入惡心欲脹。腹鳴。大便不爽。此寒熱惡心。爲陽傷氣痺。

茯苓

半夏

桂枝

生薑

鮮薤白

炙草

蕭五歲。面色萎黃少采。脈來小濡微濇。此皆壯盛積勞。向衰陽弱。病至食下咽。氣迎阻攔。明明反胃格拒。安靜快活。可延年歲。氣迎阻攔必有痰涎迎

大半夏湯

潘廿八。咳嗽在先肺病。近日涼風外受。氣閉聲音不出。視舌邊絳赤有黃胎。寒已變爲熱。

越婢法加米仁、茯苓。



錢二十左搏倍右。陰火沸騰。由慾念萌動不遂而來。胃旺可清陰火。胃旺者胃陰充旺也

生地

天冬

元參

知母

生甘草

麥冬

川貝母

朱帶城橋三歲陽虛胃痛。用辛溫見效。街衢往來穢氣。內入傷陽。痛再作。先驅穢濁。別

生面此新穢觸動風病也

蘇合香丸

姚廿三精血損傷骨痿。庸醫都以辛苦藥酒。病不能去。反傳胃口。無治病捷徑。理胃爲先。

倉廩湯

徐九三歲勞形陽傷失血。

小建中湯去薑

王五四歲暑風能蒸熱。不能解熱。卽是熱傷氣分。粗工以血藥之。滋未讀暑病諸集。

綠豆皮

燈草心

鮮骨皮

竹葉心

經霜桑葉

王八歲氣惱而起。肝木犯胃。胃氣逆翻嘔食。其涎沫卽津液蒸變。倣仲景胃虛則客氣上逆。

旋覆代赭湯

劉歲四十疝瘕由客邪凝結經脈。用毒藥鋒銳。走而不守。氣血通行乃解。

王酒力濕熱下注。蒸血爲膿。瘍潰半年。氣血皆損。麻木不仁爲虛。當以兩補氣血。勿以溫燥。老筆

天真丸

陳診右關前弦動。述右脇胛下似脹不舒。思少陽陽木必犯陰土。木鬱土中。溫

開不應。議解鬱安中。立方  
清真

人參

茯苓

柴胡

白芍

神麴

生薑

李部前三六歲自說本來無病。飲藥酒反病。亂治遍嘗寒涼溫熱。致胃口大傷。近加喪子。目眇胞垂。無治病方法。

疎肝散

孫廿六歲勞損未復。少年形瘦減食。

歸耆建中湯

顧盤門問飢時垢血通爽。飽時便出不爽。此太陰失運矣。首方理濕熱。繼用固腸滑。皆不效。議辛甘運陽。

理中湯去參。加桂元肉。

譚仙人入地四凡勞必身心皆動。動必生熱。熱灼絡血上溢。肉瘦脈數。中年生陰日淺。可與甘寒潤劑。甘寒以生胃陰。由中官漸敷。四臟至理存焉。

生地

麥冬

扁豆

北沙參

甘蔗汁

白玉竹

王三六歲色蒼瘦。目黃脈弦。向來氣衝脘痛。今痛緩氣衝至咽。是左升肝氣太甚。右降肺氣不及。大旨操持運機致病。

枇杷葉

黑山梔

川貝

蘇子

降香末

新會紅

炒桃仁

趙五十歲下焦冰冷。舉丸偏大。

川烏頭

舶上茴香

川椒

胡蘆巴

川棟子肉

吳茱萸

熟川附子

黑豆汁泛丸。

陳 心虛忡悸。君相多升。

生 地

天 冬

茯 神

柏子仁

棗 仁

炙甘草

沈新市三歲產後不復元。血去陰傷。骨熱。大凡實火可用清涼。虛熱宜以溫補。藥取味甘氣溫。溫養氣血。令其復元。至當不但產傷之損。尋勞病根。全在肝腎。延及奇經八脈。非縷雜治所宜。由肝腎與奇脈原屬一家然傷必奇經入脈。非縷雜治所宜。由肝腎與奇脈原屬一家然傷必

人 參

鮮河車

枸 杞

紫石英

茯 神

紫衣胡桃

歸 身

淡肉蓯蓉

周嘉興四十一歲少腹痛堅。攻及當臍。每午後必痛。氣脹貫串腰尻環跳肉腠之間。肌膚亦漸浮腫。再問經事愆期。僅僅些微黃水。是陰寒已入血絡。病必起於產蓐。診

清真切當。老筆紛披。經後連累奇經入脈。身偃不直。俛不得仰。肝腎入奇脈之見症。入肝腎一經又深一層矣。

### 炒枯腎忒湯

戈木瀆廿四歲經水不來。是絡脈無血。古云氣旺血自生。大忌通經。也此純虛症認得清

人參

茯苓

麋茸

歸身

桂心

羊肉膠丸

張萬年橋廿八歲半產重於大產。左脇有形。是氣乘肝絡。攻之則變中滿。從前胎墜。寒熱嘔逆。震動之傷。言言警策當培養氣血。不可怠忽。不致勞怯。每見陽氣震動虛人一經寒熱營衛真氣立散不可復收故當用補法。

歸身

鱉血製柴胡

廣皮

南棗肉

白芍

茯苓

蒸於朮

炙甘草

封泰興三十歲十年前夜飽。凝滯食閉。不是脾肝氣阻逆氣物遂胃。脘痛嘔吐。病中腹大如懷妊。得氣下洩而脹消。經準不育。來必腹痛。久病焉有速效。祛寒凝開氣為主。前因肝逆繼為中虛。終致寒凝病機歷歷。

吳 萸

秦 椒

川棟子

高良薑

延 胡

蓬 朮

香 附

山 查

薑汁泛丸。

陸虎邱廿一歲

腎肝內損勞怯。必致奇經失職。俗醫混稱陰虛。僅以六味。曰補陰和陽。

益臟腑。比時仲陽非為陰損而設。重方力大借資於人者半謂竹破竹補

河 車

坎 炁

紫衣胡桃霜

人 參

茯 苓

五味子

人乳粉

秋 石

沈齊門三十歲

上春產蓐無乳。已見乏血虛象。拿定延及年半。經水不來。此純虛少腹



瘕氣有形。病人自述背脊常冷。心腹中熱。視面黃色奪。問食少不美。夫督脈爲陽脈之海。由腰而起。齊頸而還。下元無力。其脈自背至頸。陽虛生寒。任脈爲陰海。衝乏貯血氣。入脈絡爲瘕。考內經圖翼。病機宛然在目。此產損蓐勞。非是小恙。無如醫不讀書。見寒熱經閉而妄治。淹纏成損而已。藥方總切定下元無力主治

人參

小茴拌炒當歸 枸杞

鹿角霜

桂枝

沙苑

白薇

庚太平四歲左脇有形。漸次腹大。每投攻下泄奪。大便秘瀉。脹必少減。繼而仍然不通。頻頻攻下。希圖暫緩。病中脹浮。下焦加針刺決水。水出腫消。病仍不去。病患六載。三年前已經斷。想此病之初。由肝氣不和。氣聚成瘕。頻加攻瀉。脾胃反傷。古云。臍突傷脾。今之所苦。二便欲出。痛如刀針刺割。蓋氣脹久下。再奪其血。血液枯。氣愈結。宣通宜以利竅潤劑。初由瘕病變弄成脹。先傷氣。繼傷血。血液既傷。而氣愈結。以致二便痛艱。到此地步。非宜

通利開更有何法此相時  
度勢而占得好地步也

琥 珀一錢

大黑豆皮五錢

麝 香一分

杜牛膝一兩

二便通後接服

芫蔚子

郁李仁

杜牛膝

當 歸

冬葵子

邱鍾由吉巷七歲病人述自腰以下頽然痿躄。肌肉麻木枯寂。二便皆不爽。上下氣不接續。顯然崩漏亡血。陽不下交於陰。凡自覺呼吸不上下交於陰中年日就衰奪。惟辛補潤燥。冀絡氣順利。乃久病之緩調。久病之緩劑精極

松子仁

柏子仁

郁李仁

冬葵子

枸杞子

肉蓯蓉

桑寄生

黑芝蔴

施劉真巷

經漏臍下如卵形。已見血損氣結。衝脈為病。女子瘕聚帶下。少腹形象是

也。血傷忌投氣燥。溫熱血藥。不取沈滯。血中宣氣為主。中既忌燥熱復健沈滯血

南查肉

芫蔚子

新絳

青葱管

生香附

徐太倉十每交五六月。治此症專着眼喉間宿病。蛾發既愈。仍有鼻塞火升。上熱

下冷。經水或前或後。形瘦脈小數。是陰弱不旺。肝陽左升太速。右降不及。夏季陰伏於裏。陽泄上浮。致病發因由。

阿膠

石決明

丹皮

生地

天冬

黑豆皮

銀花

白芍

丹參

陳伯蓮橋室女無溫熱藥之例。視色奪脈弱。下焦未寒先冷。經事淋漓。是衝任虛冷。二氣不交。冬宜藏陽。用溫攝升陽。溫以攝下陽自漸升有

麋茸

鹿角霜

紫石英

人參

歸身

枸杞

沙苑

小茴

蛇床子

沈槐樹巷廿二歲自交秋初。皆令陰陽顛脹失血。三月懷妊。法當養陰固胎。

人參

黑殼建蓮

子芩

阿膠

生白芍

桑寄生

氣有升無降。故得洩瀉反爽。背椎必槌摩而脹減。蓋臟陰之熱。鼓動經腑中氣。皆逆行上巔。春間經漏。議進滋清補方。亦從權隨時令也。暑伏已過。肅降未至。以順天之氣。應乎人身推求。

川黃連

廣藿香

生麥芽

茯苓皮

蓬朮汁

胡黃連

澤瀉

南查

# 丹皮

居腎門六十歲。女人多產。奇經八脈諸絡患病。五液走洩。殆盡而枯。年已六十。反患淋

漏帶下。大便日見枯澀。少腹形膨脹。血液難生。氣散不收。日服炒枯腎氣湯

一劑。多產體氣已虛至衰年下焦關開已撤日餌溫補苟延殘喘而已

老年精氣神衰。即日餌參苓大藥。不過僅僅支撐一日。蓋真氣真精已衰。大補亦不甚浹洽耳。

徐北馬頭八歲。非但經水不來。食下脘中二字不即痛。是肝膽氣熱逆乘。致胃氣亦逆。問大便漸澹。木侮土位。且形瘦內熱。凡理氣多屬辛燥。明理欲治病。先理體質之宜忌。

白芍

炙甘草

新會皮

生穀芽

炒焦丹皮

炒桃仁

茯苓

查肉

生香附

蓬朮

邵<sup>楓橋</sup>廿八歲。每懷妊百日內卽產。已歷十餘次矣。今春洩溺如淋。入夏若崩若溺半月。半月後經水又來。上午少瘥。臨晚夜深。頻頻至圉。洩溺滴瀝痠痛。夫胎瀕二月。足厥陰肝病。且胎形漸重。任脈不固。下墜血傷液枯。陰氣不收。此溺淋是肝腎陰虛。<sup>認情</sup>病根庸醫清火分利。更奪真陰。半年纏綿。致難以速功。養陰方中忌投酸味。令人癰閉。

細生地

黑豆皮

生雞子黃

清阿膠

人中黃

川石斛

李<sup>用直</sup>三歲。凡女科有胎氣。以立基爲要。惡阻嘔吐酸味。是熱化。安胃調氣。

人參

竹茹

茯苓

半夏

金斛

生薑

鈕吉安州三女科肝病最多。產後必病及八脈。卽如少腹聚瘕。瘕氣攻心下必嘔吐。逆上則咽喉閉塞。經水年半不來。越日必有寒熱。凡下焦血病爲多。瘕屬氣結。瘕爲血痺。病在衝脈。陰維陽維脈中混雜。醫藥焉得入奇經。

地驚蟲 一兩

延胡 一兩

山查 一兩

桃仁 五錢

蓬朮 五錢

金鈴子 五錢

麝香 三錢

共爲末。用青驚甲五六兩。去衣搗碎。用無灰酒煮汁一杯。和前藥末爲丸。每服二錢。益母草湯送下。

要知瘕不可攻。瘕乃可攻耳。瘕屬氣結。亦由少血。故氣聚而結。至於瘕爲血痺。非攻不散。總是下焦血病爲多耳。

鈕蕩口廿四歲六年前產兒。自乳年餘。乳汁涸。病起延綿。至今食少如饑。仍不加食。經水不調。色黑微痛。蓋病根全在乳盡。亡血形瘦。火升失血。勞怯陰傷。婦人全賴



善飯生血  
復脈養陰

人參

阿膠

白芍

細生地

炙甘草

桂枝

庚四十九歲瘕結陰絡。絡病善脹。自古及今。無硝黃攻傷其陰之理。腹脹忌鹹。謂水寒逆犯脾陽。此脹誤在頻頻攻蕩。陰亡液損。二便不通。內經謂食酸令人癢閉。醫藥言食酸忌鹹。乃目不知書。

桑葉

柏子仁

松子仁

黑芝蔴

青葙汁丸。

處方以陰亡液損着筆。此症是不忌鹹而忌酸者。

吳楓橋廿五歲藥氣味雜亂惡劣。胃口久受其苦傷。致食即嘔吐。非反胃也。窮其起病根由。原係心境愁腸。氣熱內蘊。血液日乾。若此年歲。久不孕育。多以見病治病。

未着未適調經理偏之旨。今入冬小雪。從液虧不主戀陽。預診春木萌動。轉焉發病之機。凡心神諸暢則血自充旺以心生血主血也憂愁思慮則心營不舒血不肯生又有鬱火以煎熬焉得不日就乾涸木無滋養發病最爲易事清而映藥味純粹以精

阿膠

人參

生地

杜仲

茯神

天冬

杞子

桂元肉

桑寄生

大麻仁

另用烏骨雞一具。去毛血頭翅足肚雜。漂潔。用淡水加無灰酒一碗。米醋一杯。許煮爛。瀝去肉骨。取汁搗丸。

巽爲風。雞屬巽卦而應風。本肝家禽也。烏骨則更入腎矣。乙癸同源之味。兼以全具。元氣充滿。從肝腎源頭。鼓動生陽。氣味俱全。則補益力量更大而神矣。況血肉靜中有動。生機躍然者乎。

朱六<sup>八</sup>歲<sup>十</sup>女子十四而天癸至。以稟質爲陰。二七少陽生動。陰體以陽爲用也。父母有病而生。屬乎先天。卽良醫妙藥。弗能療疾。先天稟薄。藥用清補。如苗禾秀而不實。樹菓將成。自墜耳。庸人不識其故。徒以清熱治嗽。坐困胃口。而致凶者屢屢。

生白藕

桑寄生

清阿膠

天冬

雲茯神

甘州枸杞子

桂元肉

大元生地

先天稟薄。生化之機不旺。卽用補劑。亦當量力清養。力量淺薄。濁膩艱於運化。曹長<sup>善</sup>二<sup>歲</sup>產後寒入胞門。經水逾期不爽。少腹瘕形漸大。面色清眊。肉瘦。自上秋產。尋瘕起。今夏診二次。議以瘕屬氣結。用大全方慈白丸。暨烏骨雞煎丸。溫通衝任脈。令氣血自和。兩方不效。是下元虛冷。再攻必變脹矣。

人參

雲茯苓

交桂心

生蘄艾

當歸身

鹿角玄霜

小茴香

生香附

因在少壯。用藥逐層走進。便有次第。不致動輒蠻補。

袁五<sup>四</sup>歲。平日鬱氣化火。久則深藏入陰。三時溫暑濕熱。異氣有觸。伏熱內應而動。是氣滯爲脹。濕鬱爲瀉。熱移於下。濕腐侵肌。倍一氣貫注凡濕與熱皆氣分病。既久蔓延。延及血分。自深秋經踰旬日。越兩月不來。而消渴形寒。足脛跗骨中熱。灼燥癢。大凡風熱淫於內。必以甘寒。乃和梨汁、蔗漿之屬。蓋胃陰制伏肝陽內風之動。正合內經和陽益陰。肝胃忌剛之旨。

日間服桑麻丸。用青菓汁丸。夜服梨汁、蔗漿熬膏。

五行木氣尅土。蓋木得水土滋養。土膏盡爲之吸取。實是土中升發木氣。長養栽培。使之暢茂條達。卽是木尅土也。胃中津液充裕。肝木從茲吸取。滋和暢遂。卽是斯義。

胃中陰液充旺。足供肝木滋養。而肝風不動。蓋土中升木。乃是木尅土也。

汪<sup>計入</sup>視色究脈。損在奇經諸脈。晨起瘦泄。交晡夜溺淋痛楚。任督為陰陽二海。

脂液枯竭。由陰損損及乎陽。引導令其漸交。非時下可以速功。

人參

鹿茸

舶茴香

龜版心

生菟絲子粉

歸身

用生羊腎十二枚。去脂蒸爛搗丸。另煎漂淡鮑魚湯送三錢。引法是導

藥之氣味。都用與奇經氣味相類之品以治。引導奇經之妙。所謂異類有情。竹

破竹補之法也。病在任督絕不用地黃杞子山黃通套補藥取

周情志易生嗔怒。肝膽木火上攻。胃脘心悸忽嘈。手撫動躍。夫動皆陽化。陽皆

四個字啓人沉香。肉桂辛熱。肝有摧扞惡燥之累。非入理也。藥味

柏子仁

歸鬚

桃仁

大麻仁

南查肉

周一四十兩三月經水不來。少腹痛脹下墜。寒疝屬虛。當與金匱當歸羊肉生薑湯。疝爲陰寒侵入肝絡。其原起於絡血衰少。若用剛猛熱藥。勢必辛燥。肝爲剛藏。益其震烈。大非所宜。惟羊肉柔溫。味厚歸陰。氣臊入肝。以血補血。使肝絡溫和。再以生薑散寒。當歸通絡自愈。

張劉真巷三十七歲上年五個月。已小產二次。再加冬季伏侍病人。勞乏產虛在陰。勞傷在陽。欬嗽吐粘濁沫。咳逆上氣必嘔食。凡食入胃傳腸。此欬是下虛不納。氣衝湧水上泛。奈何庸醫都以消痰清肺寒涼。不明傷損陰中之陽。必致胃倒敗壞。

### 桂苓甘味湯

下虛不納之人。每陰氣上逆。陰液氾濫。吐粘涎濁沫。皆是陰邪上逆所化。顧松江三歲形似壯而肌肉鬆爽。脈小促。按之無力。問壯年未有生育。明明腎虛。真氣不攝。血隨氣升而溢。龍火熏蒸爲咳。先議用

熟地

萸肉

山藥

丹皮

茯苓

澤瀉

牛膝

五味

腎中真氣充旺。不但氣不升而血寧靜。并能收攝精氣而結胎矣。

范<sup>廿五</sup>歲。驚恐悲哀。傷於情懷。內因絡病。當以血藥宣潤。不必苦辛氣燥。

炒桃仁

黑芝蔴

歸鬚

柏子仁

蘇子

冬桑葉

周<sup>東</sup>一<sup>雁</sup>歲<sup>廿</sup>。此情懷多嗔。鬱熱自內生。經來愆期。心嘈辣。腹中痛。乾咳忽噎。皆肝胃

氣熱上衝。久則失血經阻。最宜預慮。治肝須得清涼

小黑穠豆皮

細生地

清阿膠

生白芍

雲茯神

漂淡天門冬

巴<sup>西</sup>十<sup>沿</sup>四<sup>塘</sup>歲<sup>三</sup>。十年前產育。即經候不和。帶下腰椎痠垂。少腹刺痛。損傷奇脈。已非



一所。凡先傷於陰。例取溫柔。佐以涼肝。合乎通補。謂經水必循日月耳。補必兼通天癸

無愆期之慮

女人月事應期。雖曰血液走漏傷陰。然肝陽亦從茲下洩。水氣疏達。自無逆冲之患。况體陰抱陽。有天癸以流行。陰陽尙無偏勝。足徵二氣交充。故女人月事時下。縱有他病。尙可圖治耳。

丁廿五歲。勞自春入秋。肌肉消。色萎黃。外加微寒。心腹最熱。臟陰損不肯復。氣攻絡中。腹有瘕形。血空氣聚。非有物積聚也。

人參

煨木香

茯苓

生菟絲子粉

炒小茴

炒當歸

此病先用辛溫入絡散瘕。繼以滋養陰血爲周備。血空氣聚四個字。形容瘕病之所以然。深入顯出之筆。

邱鍾入歲由吉巷凡交三月胎殞。是足厥陰肝陰內怯。熱入於陰。衝脈胎形漸長。任脈

不司擔任而墜。見症脊椎尻垂腰痠痿弱。腎肝奇經虛不攝固。議孫真人方。

桑寄生

清阿膠

生白芍

細生地

斬艾炭

條黃芩

砂仁末

當歸身

尤神仙廟前四十三歲漏經四十餘日。色瘀腐成塊。病中動怒。遂胸膈脹悶且痛。少腹脹滿。瘀下稍寬。醫治漏血。投地芍、歸、膠。下焦未沾其益。脘膈先受其滯。宗經議先理

其上。閱宗經議三字總見鄭重分明之意

生香附汁

南查

蘇梗

生麥芽

桃仁

延胡

徐三歲少壯從不生育。衝任脈中久虛。六七年少腹有形。日漸堅大。口食寒涼泄瀉。是下焦陽衰冷。濁氣聚成瘕。庸醫希圖寬脹。久服平肝破氣。氣愈損。堅脹愈

加。

### 炒枯腎炁湯

袁同里經年累月宿恙。全是鬱勃。內因五志中之陽。

馬常熟三十二歲寡居無歡悅之意。肝膽中鬱勃氣火。直上直下。莫能制伏。失其所泄之

用。小溲成淋。謂肝脈環遶陰竅。用龍膽瀉肝湯。直捷痛快。但不留餘地耳。

唐常熟廿七歲瘡母瘕聚有形。治必宣通氣血。所述病狀。已是產虛。入脈受損。不敢攻

瘕。

### 當歸生薑羊肉湯

朱吳江十六歲天癸從未至。肉瘦色悴。嗆嗽着枕更甚。暮夜內外皆熱。天明汗出熱減。

痰中或稠或稀。咽中總不爽利。此先天所稟最薄。便是主見既長真陰不旺。陰虛生

內熱。怡悅勿攻針。必要經來可得熱除。即世俗所謂乾血勞怯。

復脈湯去麻仁

恐其滑腸而陰藥不得停留滋補也。老手勝人處在此。

王無錫衝脈爲病。男子成疝。女子帶下痕聚。經水仍來。是氣攻入絡脈爲有形矣。況產後又十六年不育。衝任病顯然。

小茴香

川棟子

橘核

桂枝

茯苓

南查

凡食入脘中卽痛。必是肝火上逆阻滯。若食入胃中而痛。則積滯爲患居多。

方長庚三絡脈少血。氣聚形象。升降而動。起居如驚。腎主恐下元虛乏顯然跗踵乏力登高。

久已未育。乃下焦肝腎虛損。累及八脈。可謂峻補

紫石英

巴戟肉

歸身

鹿角膠

白石英

淡菴蓉

枸杞子

杜仲

羊肉腎丸

葉 自五月間生產。將交白露。日瀉五六次。每瀉必先痛。形寒戰慄。氣衝入脘。欲嘔。脈來右濡。下墜入尺。以冷濕挾陰濁。致阻遏陽氣流行。脈症如此。法當辛溫。宣通陽痺。

炒黑川椒

煨廣木香

天台烏藥

川棟子

生益智仁

生香附

氣厚味薄。專主溫通。更妙川棟一味。陽中有陰。

沈

桐涇橋四十五歲

經漏已三年。淋漓帶下黃白。視色脈不受溫煖。固下湯散力量難以

直達衝任。古局方中有震靈丹。每早服六十粒。是固奇脈藥。可使其緩。欲求全愈。非大劑人參不可。

包計十八歲經阻三月。咳嗽失血。交夜蒸蒸身熱。脈來左搏而促。是陽氣煩蒸。致逆諸

絡。血液不得彙集衝脈。秋深經水不來。必加寒熱瘦削。稱乾血勞矣。老筆確鑿

生鱉甲

全當歸

生白芍

粉丹皮

原生地

荒蔚子

南查肉

生麥芽

仰三十歲。產後自乳。三年肉消。夜熱咳嗽。蓐勞。皆產傷真陰。陰虛生熱。絡中無血。氣入絡。變化有形。爲氣聚之瘕。醫攻瘕則謬。理嗽亦非。以下損之。傷在肝腎。奇經之虛。肺藥寒涼。望其止嗽。嗽必不效。胃傷經阻則凶。

炙甘草湯

馮十四歲。室女經初至。必是畏熱。因熱受涼。致衝任傷。遂經漏不已。血色凝紫。腹中仍痛。是從前經至失調所致。和血脈之中。必佐陰中之陽。勿膩滯者。問痛得按。姑緩屬虛。

當歸身

炒小茴香

甘枸杞

真沙苑

人參

鹿角霜

交桂心

紫石英

問及得按姑緩。用藥溫而不膩。何等細密。

陳廿九產後二年。經水不轉。嘔涎沫不飢。喜酸味。肝陰久虛。傷損在下焦。陽氣逆乘。頭顛暈痛。惟暈而痛乃知陽氣逆乘細極議用酸甘。化陰和陽。

原生地

白芍

烏梅肉

大麻仁

炙甘草

炒焦枸杞

漂淡天門冬

凡清陽主上升。濁陽主下伏。所謂逆乘。乃下焦濁陽耳。

蔡四計上年產後致損。所見皆由肝腎陰虛。忌與燥熱。見崩漏虛熱。飢腫寒熱。不必縷縷。

清阿膠

雲茯神

細生地

生白芍

粗桂枝木

炙甘草



方五涇廟前死胎至旬日乃下。必有尸穢濁氣。留着衝任脈中。至今黃白淋帶。病人說腰已下冰冷。大便久澹。產後剛藥難用。用朱南陽方法。

殺鼠糞湯

以穢治穢。與前阿魏丸治痧脹。同一巧思。

俞申衛前五十歲任督失擔任督攝之司。脂液暗消不禁。八味丸可以常服。再議固奇脈方法以佐之。

鹿茸

補骨脂

人參

生菟絲

覆盆子

鎖陽

顧廿二產後形肉日瘦。經水逾期。此屬內損。問經來無痛。與方書氣滯經遲迥異。

養肝調衝任可矣。經來無痛而逾期乃內虛少續耳

烏骨雄雞

原生地

枸杞子

白芍

桂元肉

當歸身

紫丹參

柏子仁

雲茯苓

朱徐家湖頭操家勞煩。過動內起之熱。皆情懷中來。熱灼血傷。經水愆期。食少乾  
噎。難用通經峻劑。居家安閒。不致驟成勞損。

資生丸

閔 既產已過十年。不孕育。經將至。周身脈絡牽掣。腹中不和。若用力勞瘁。即起  
寒熱。乃經後勞乏。奇經益損。當安逸一年。絡血寧。入脈自甦。愚人遍嘗藥湯。不  
知養病大旨。損不能復。勞怯莫救。

鹿角霜

枸杞子

小茴香

當歸

沙苑蒺藜

南查肉

茯苓

香附

邱鍾由吉巷四十七歲。十年前小產血崩。損傷未復。家政操持。形神俱不獲安養。上年夏秋

漏帶。久矣淋漓。不但肝腎脂液先竭。奇經與諸絡無血存蓄。說得透徹風雅宜人。氣衝犯上。氣攻聚絡。爲胃脘刺痛。脇肋高突。更推下焦寒冷。腰圍如帶拘縛。兩足麻木。踐地痿痺。二便塞窒不爽。五液枯槁。至陽不交於陰。有關性命大症。病人說一年嘗藥。從未見效。更有醫見痛用沉香者。凡血枯液涸。香燥大忌。薑桂燥烈。亦非亡血所宜。姑以血肉參入人參。若春和溫煦。草木藉以資生。血有形難生。益氣無形。以充有形耳。

人參

當歸身小苗拌炒揀去

羊內腎

肉蓯蓉

枸杞子

真沙苑

黑芝蔴

益血中之氣。自然雲霧致白露也。

錢廿四上秋產蓐。自乳傷血。夏熱洩氣。一陰不復。入秋咳嗽。震動失血。飲食不少。經年不致凶。既已斷乳。必在冬前經轉可卜。春深不致反覆。

扶神

炒白芍

鈎藤

炒查

炒麥芽

焦丹皮

新會皮

伍二封門廿歲

上年秋冬經漏帶淋。初用震靈丹。繼進參茸。升陽佐溫攝而安。方藥自

夏五月咳嗽。已至秋分。咳甚必嘔。腰脊如墜。問經閉已兩月。顯然下虛衝氣。天明欲便。乃瘕洩之漸。

附都炁丸三錢

陸五封門廿歲

未嫁有喉痺。上熱下寒。由情志鬱勃之熱上灼。有升不降者。情志無怡

悅之念。遣嫁宜速。醫藥無用。

王道本平人情絕妙開鬱散結方

川貝

夏枯草

連翹心

鈎藤

江西神麴

茯苓

張九三十歲。半產是下焦先虛。血少內風鼓動眩暈。腰椎不和。胃弱惡心。勿以溫燥。暈眩

藥是內  
風鼓動

茯神

阿膠

川斛

天冬

生地

女貞子

枸杞子

菊花炭

杜 少腹氣衝胃脘。每痛嘔惡。吐粘涎。三年頻發。少腹已結瘕形。月事遲。肝胃病

始傷及衝脈。病是嗔忿而得。治法不越調經。俾氣血流行。不致逆攻犯絡。內經  
論痛。皆曰絡病。醫藥不入絡脈。乃無效矣。

南查肉

小茴香

延胡索 醋炒

蓬莪朮

川椒

金鈴子

生香附

雲茯苓

青蔥管

趙揚九歲。驚恐起病。遇怒而發。肝厥。乃陽氣暴升。痰隨氣火上舉。神識乃迷。近加  
小產後。必須養肝陰。佐入涼肝。

原生地

茯神

清阿膠

天冬

柏子仁

白芍

人中白

紫丹參

治肝必佐以清涼。故卽溫腎藥內。必佐涼磁一二味。所以養胃液而清肝陽也。惟陰陽並衰。生氣索然者。始專主溫熱耳。

王 脈虛數條。寒熱口渴思飲。營衛失和。陽明津損。初因必挾溫邪。不受薑桂辛溫。有年衰體。宜保胃口。攻伐非養老湯液也。

沙參

花粉

玉竹

甘草

桑葉

甜杏仁

元米

陳 脘中宿病。痛發嘔吐黑水。五六日方止。診脈左大而弦。肝木犯胃。濁氣厥逆。大便數日不通。久病必在血絡。久鬱必從熱化。用苦辛洩降。少佐通瘀。

川連

金鈴子

山梔

元胡

半夏

橘紅

桃仁

陸春陽萌動。氣火暗襲經絡。痛在板胸。左右脇肋。皆血絡空曠。氣攻如痞脹之形。其實無物。熱起左小指無名指間。手厥陰脈直到勞宮矣。勞宮穴在手掌養血難進。滋膩破氣熱燥非宜。議以辛甘潤劑濡之。

柏子仁

桃仁

桂圓

茯神

山梔

橘紅

顧

左耳竅汨汨有聲。左脇衝脈沖起欲脹。肝臟血絡大虛。氣偏乘絡。絡空爲脹。當年痛發。用歸脾最安。但耆朮呆守中上。似與氣升膜脹相左。有年奇脈已空。以宣通補液。使奇脈流行。虛脹可緩。

杞子

歸身

柏子仁

桃仁

桂圓

鹿角霜

小茴香

香附



茯苓

吳 肝血久空。陽明胃脈亦虛。肌肉膚脹。氣聚熱流著。自覺熱熾。不可作實熱治。通經脈之壅。仍佐和血熄風。使內風稍寧。望其稍逸。

杞子

白蒺藜

虎骨

牛膝

天冬

生地

歸身

柏子仁

周 情懷動則生熱。是五志氣火上灼心營肺衛。齟痛鼻淵咽中似窄。只宜甘藥濡養。莫見熱而投寒。

人參

麥冬

川貝

柏子仁

茯神

甘草

朱 大隊陰藥。佐以人參。誠爲陰分益氣之法。服之熱癰累累而起。惡露緩緩而下。扶正却邪。並行不悖。今穀食已安。諒無反覆。然難成易虧之陰。須安養可望。

圖成。倘加情志感觸。輕則奇經淋帶。重則髓枯內損。

蘇 老年陽氣日微。濁陰自下上干。由少腹痛脹及於胃脘。漸妨飲食。痞散成鼓矣。法當適陽以驅濁陰。倘昧此旨。徒以豆蔻、沉香破洩。耗其真氣。斯脹滿立至。

熟附子

生乾薑

水煎濾茶盞內七分。調入生豬膽汁一枚。以極苦爲度。

王 胃弱不食。脾虛便溏。由臟氣單薄。府陽遂失流行。結痂之際。當進清涼宣解。乃論其常也。凡重痘得自愈者。正氣收納。邪熱外洩。一定之理。今乃體虛邪未盡解之症。猶非純補純攻。

人參

焦朮

茯苓

白芍

川連

查肉

廣皮

澤瀉

米仁

陳四十遇煩勞必腕中氣窒噎痛。望五年歲。不宜有此。

桂枝括蕞薤白湯

呂北錄廿八歲暑邪先受。飲瓜汁水寒。胃口再爲冷濕凝着。此瘧是脾胃病。舌白背寒。

從裏症治。表裏辨別明確都用裏藥

杏仁

葶藶

廣皮

厚朴

草果

白蔻仁

桔梗

枳殼

葉天士晚年方案真本終



跋

葉氏臨證指南一書。風行海內。操軒岐術者。恆家置一編。說者謂中多臚鼎。命意立方。間有可議。實非當時之定本也。曩從貝師游。有葉先生手寫方數頁。治法入神妙。字跡亦倉勁及古。聞先生家別有存本相承。洎六世不以示人。乃真涸溪所評定者。咸豐初。粵逆擾吳下。其家中落。貨大書簾於市。故紙充塞。檢之則是書在焉。振家以厚幣易歸。如獲波斯鴻寶。隻身竄海上。抱書以行。人或譏誚之。不顧也。今忽忽垂三十年。振家亦老矣。脫終失墜。豈非先生之罪人歟。先生元孫訥人。曾刻醫案存真。而此書未盡刊入。藏爲家祕。爰屬及門諸子。詳加校訂。以公斯世。先生之真傳不泯。亦振家之幸。振家嘗叩先生之書而討論之。偶有所得。增贅於上。聊以醒讀者之目。先生達於醫。著述不多見。晚年求醫者。戶限欲穿。鮮著書暇。其

葉天士晚年方案真本 跋

二

溫熱論數則。赴證洞庭山興門人成於舟中者。餘無所傳。  
光緒十四年戊子仲冬

吳縣後學張振家跋

## 後記

《眉壽堂方案選存》系清代著名醫家葉桂之臨證醫案，由郭維浚（字聞升）萃錄而成。葉桂，字天士，號香岩，江蘇吳縣人，生于清康熙、乾隆間（約公元一六六七至一七四六年）。祖、父輩皆業醫，父死，乃從其父門人朱某學醫。葉氏虚心好學，聞人于醫道有所擅長，輒師事之，相傳在十年間，先後拜師十七人。所以在醫學理論和臨證實踐方面，能博采衆長，自出機杼，卓然成家，影響所及，歷今不衰。是書上下分卷。上卷包括春溫、時癘、暑、燥、寒、冬溫、瘧疾。下卷分列女科、幼科、痘疹、外科。每類病證，辨析疑似，示人活法。其中時症、婦、兒、痘疹治案，記述尤詳，足資學者領悟其旨。

本書原系鈔本，後由近人曹炳章覓得重刊。因無其他版本，故其錯訛逕從醫理文義校正。



358  
《徐批葉天士晚年方案真本》亦系清代著名醫家葉桂之臨證醫案，經徐大椿評批，張振家校訂，初刊于清光緒十四年（公元一八八八年）。是書分上下兩卷，保存了葉氏晚年診病的大量記錄，可補《臨證指南醫案》、《葉氏醫案存真》之未備。書中病案以內、婦虛損雜病為主，言簡意賅，匠心獨運，其遣方用藥，靈活通變，恰合病情，堪為臨證醫案之範本。

本書尚存清光緒十四年（公元一八八八年）蘇州六潤齋刊本和清光緒十五年（公元一八八九年）介石堂刊本。這次校勘，除個別地方據醫理文義逕改外，其余的勘誤正訛或參校，均從介石堂刊本。

陶 御 風